

B 603

W. 1884

le Comte 603

de

H.

Walter Pagel


f.

Oster 715

Waller 4124

Keynes 41







OBSER-
ATIONES.
DE
GENERAT
MATIUM
ET
EAT.
ED



Romijn de Hooghe,
Apud Abr. Wolfgangk.



John H. H. H. H. H.

OBSERVATIONES

ET

HISTORIÆ

Omnes & singulæ è GUILJELMI
HARVEI libello *De Generatione
Animalium* excerptæ, & in accu-
ratissimum ordinem redactæ.

Item

WILHELMI LANGLY

De Generatione Animalium Obser-
vationes quædam.

Accedunt

Ovi sæcundi singulis ab incuba-
tione diebus factæ Inspectiones;

UT ET

Observationum Anatomico-Med.
Decades quatuor; denique

Cadavera Balsamo condiendi modus.

STUDIO

JUSTI SCHRADERI,
M. D.



AMSTELODAMI.

Typis ABRAHAMI WOLFGANG,
Anno 1674.

Ecclesiast. x i. 5.

*Quomodo ignoras , quæ sit via
spiritus , & qua ratione compin-
gantur ossa in ventre prægnantis :
sic nescis opera Dei , qui fabrica-
tor est omnium.*

VIRIS

*Nobilissimis & Experien-
tissimis,*

DN. MATTHÆO SLADO,
Med. D. & Practico apud
Amstelodamenses Felicissi-
mo, Celeberrimo.

DN. JOH. SWAMMERDAM
Med. D. Anatomico præclaro.

*Fautoribus ac Amicis integer-
rimis Felicia quæque pre-
catur*

JUSTUS SCHRADER.



Libellus hic ad
Vos, Nobilissimi
Viri, suapte spon-
te

Dedicatoria.

te properat , Vestrisq̃que
Clarissimis Nominibus u-
nicè consecrari cupivit ;
quod vix meliores Judi-
ces ac æstimatores tui
ullibi inveniat. Quapro-
pter Vobis eundem o-
ptimo jure dico dedico-
que , & amicissimè offe-
ro , memoriâ cum primis
impulsus singularis Ve-
stræ in me benevolentiaë,
& proluxi minimèque fū-
cati affectus , quo me
immerentem constanter
prosecuti estis. Etenim
ex quo in Illustri hoc
loco

Dedicatoria.

loco vixi, atque solidiore
Vestrâ eruditione &
peritiâ haud vulgari in-
scatus, in amicitiam Ve-
stram familiaritatemque
me inferui, omne genus
humanitatis, studii, ac fa-
voris in me profundere,
meisque commodis abun-
dè servire non dubitastis;
quin tot gratissima præsti-
tistis officia, ut *accusatus* cri-
men subirem, si eadem
ingrato silentio involve-
rem, nec monumento a-
liquo, quàm accepta mi-
hi semper fuerint, publi-

Dedicatoria.

cè contestarer. Nolite igitur tenuem hunc laboris mei fructum repudiare: suscipite chartaceum munusculum eâ humanitate, quâ me ipsum quondam in familiarium Vestrorum numerum admittere haud gravati estis; me, si tanti illud est, debito exonerate. Quod si paginas hæc vel leviter vobis placere intellexero, easdem & aliis bonis viris haud ingratas futuras, tacitè ominabor. Valete & favete ampliùs. Dabam
in


in musêo XII. Kalend.
Maji. ANNO. CIO IOC
LXXIV.

* f. Le-



Lectori Curioso

S.

 *Icut Artem Medicam ,
ita & Rerum Natura-
lium scientiam duplici
ferè modo perficere an-
nituntur Eruditi. Alii integra &
consummata systemata conscribunt,
quibus aliquando universam cor-
porum naturalium , & circa illa
contingentium φαινομένων seriem , a-
liquando partem duntaxat comple-
tuntur , suoque ingenio mutatio-
num causas modosque eruere alla-
borant : Alii profundissimam Na-
turæ abyssum ac difficiles late-
bras rectius perpendentes , experi-
mentis inveniendis , & conquirendis
observationibus operam dant , sic-
que*

Præfatio.

que tutiore viâ ad veritatem sese tendere, haud vanè sibi persuadent. Certè quamvis Illi justam laudem mereantur, His tamen omninò palma debetur, utpote feliciùs cumque solidiore fractu Naturalem Philosophiam excolentibus Etenim ea hujus est conditio, ut historiis, observationibus, & experimentis, etiam paucis, longè reddatur certior & perfectior, quàm effectis magno numero hypothesis declarativis, prolixisque commentariis ex ingenii ubertate ad ratiocinandum pronâ effusis. Qui plena opera texunt, tædio multæ dubitationis (quæ tamen ad veritatem ducit) videntur affecti, dumque in concludendo nimium festinant, suam aliorumque credulorum industriam, ac ulteriores tam necessarias investigationes ferè sufflaminant. Simulas enim mens satisfactum sibi esse judicat,

* 6

Præfatio.

dicat , illicò acquiescit , nec ad ampliorem inquisitionem impellitur. Porro, isti integrorum tractatum ac voluminum consarcinatores ne- tiquam sibi cavere queunt à mul- tiplici lapsu , quinimò experimen- torum defectu è non paucis sæpè falsis principiis sua deducunt , quæ quò majori curâ excolunt , eò al- tiùs erroribus implicantur ; hinc scriptorum suorum perennem ap- probationem sibi promittere neque- unt , sed ne speciosa systemata magno conamine elaborata , gli- scente observationum luce , magis magisque dispareant , vereri cogun- tur. Verùm longissimè absunt ab his incommotis Philosophiæ Expe- rimentalis Cultores , (quorum Il- lustrissimum in Angliâ Confessum universa meritò suspicit Europa , ac laudabili zelo passim imitatur) & in observationibus colligendis occupati , qui dum rem ex sese
ad-

ad huc incertam in suspensio relin-
quunt, ac observatorum præma-
turam reductionem in systema se-
riò averfantur, nequaquam sub-
sistunt, sed gratum assidue stimu-
lum sentiunt ad profundiorē in-
dagationem, quæ verum cognitio-
ni humanæ incrementum pollice-
tur. Præterea sensuum testimonio
instructi non sine causâ omnia ea,
quæ crebrò ac sollicitè animadver-
terunt, veritatem, ac proinde præ-
tium perpetuò servatura, firmiter
sperant; quin certò sciunt, iisdem
constare suum robur contra quælibet
ingeniorum figmenta constan-
ter duraturum. Soleo Philosophiam
Naturalem tacitè comparare ingenti
& operoso ædificio, propter requisi-
tæ materiæ defectum adhuc valdè
mutilo; ad cuius firmam exstru-
ctionem utique longe plus confe-
runt lapidum & lignorum conve-
ctores, quàm festinantes architecti,

Præfatio.

qui sufficienti materie destituti, machinam nihilominus exædificare nituntur, proinde haud diu post vicissim ruituram : His similes sunt ii, qui, non obstante experimentorum penuriâ, plena systemata exarant; Illis verò, qui observationibus editis imperfectæ scientiæ paulatim subveniunt. Ceterùm eave quæso, Benevole Lector, ne hoc, quod dixi, iniquam in Viros doctos Institutionum Physicarum, Compendiorum, aliorumque ejusmodi operum editores invectionem esse reputes; quos certè suis monumentis optimè de Rep. literariâ mereri, omnesque studii rerum naturalium amantes præclaro beneficio sibi devincire, existimo; dum ad instruendas rudiorum mentes syntagmata idoneâ methodo disposita expromunt, aut ex iis, quæ crebrâ experientiâ visa ac observata sunt, subactò judicio opuscula

con-

conficiunt ; verùm improbo præco-
 cem illam scribendi rationem, quã
 nonnulli, inanis gloriolæ fermento
 turgentes, è parvo ac insuffi-
 ciente observatorum numero
 absque cunctatione varias conclu-
 siones inferunt, easdemque in am-
 pla commentaria extensas orbi ob-
 trudunt ; sicque è tenui stamine
 operosissimas telas, sed admodum
 fragiles, contexunt. Verumenim-
 verò hic philosophandi modus præ-
 cipuè vitandus est in Naturæ ope-
 ribus obscuris, & mentis huma-
 næ aciem propemodum effugienti-
 bus ; ubi satius esse iudico, obser-
 vationum tramitem continuè am-
 plecti, quàm luxuriante ingenio
 varia circa abdita quævis com-
 minisci. Inter illa primas tenet
 Animalium intra matricem ovum-
 que productio ; negotium herclè ar-
 duum, & hominis ingenio ferè
 impervium ; quod proinde plurius

Curiosorum animos mirè exercuit, & adhuc exercet, sineque dubio exercebit impostertum. Fuerunt qui, operis difficultate fortassis deterri- ti, in Antiquorum hac de re sen- tentiam ignavè discesserunt, eorum inventis vix quicquam adjicientes. Fuerunt deinde, qui symbolum cor- dato Philosopho dignum, Nullius in verba, sibi applicantes, manum operi admove- re, propriisque oculis mirabilem Animantium exortum intueri, ac diligentius examinare conati sunt. Præter Aristotelem & Galenum, ex ultimis seculis cele- bres sunt: Julius Cæsar Arantius, Bononiensis; Hieronymus Fabri- cius ab Aquapendente, Patavi- nus; Ulysses Aldrovandus, Bo- noniensis; Adrianus Spigelius, Bruxellensis; Volcherus Coiter, Groninga - Frisius; Franciscus Plazzonus, Patavinus; Æmilius Parisanus, Romanus; Christopho-
RUS.

Præfatio.

rus Guarinonius, Veronensis; alique: quibus accedunt recentiores, partim adhuc viventes, partim nuperrimè defuncti, qui variis circa generationis locum ac instrumenta observationibus doctrinam hanc feliciter illustrârunt. Præ omnibus tamen eminet Immortalis Guilielmus Harvêus, Anglo-Britannus, rerum ad Animalium ymo, pertinentium scrutator indefessus & felix, ceu ex ejusdem aureis Exercitationibus satis superque perspicitur, queis æternum applausum, ac minimè perituram laudem est promeritus. Veruntamen cum elegans iste libellus decenti ordine careat; cum observationes in eodem enarratæ non sint unius generis, varièque dispersæ; cum denique plurimæ dissertationes sint immixtæ, atque sic omnia in unum quasi acervum permistim collatâ, vix legitur cum eo fructu, qualem tot insi-

Præfatio.

*insignes observationes aliàs ex sese
afferre queunt. Tâxi enim memo-
riæ custos est. Hoc igitur accuratiùs
expendens decrevi, omnia ea, quæ
Harvæus à se visa isthic annotavit,
excerpere, & ad certa distinctaque
capita referre; conjuncta nempe se-
parare, separata conjungere, ratio-
cinationes ac discursus, licet pul-
cherrimos, planè relinquere; adeò-
que nihil, nisi quod solidum, cer-
tum, & Harvejanâ autopsiâ com-
probatum fuerit, eximere: id quod
etiam dudum absolvi, privatoque
usui tum temporis destinavi. At-
tamen quum hanc Exercitationum
Harvæi epitomen pluribus prodesse
posse, nunc magis magisque mihi
persuadeam, audeo ipsam publico
dare; cui annectere placuit Wilhel-
mi Langly, Senatoris ac Medici
quondam Dordraceni Eminentis-
simi, Observationes quasdam de Ge-
neratione Animalium ab Ejusdem
Gene-*

Præfatio.

Genero , Cl. D. Christiano Mel-
dero , Mathes. in Acad. Lugd.
Bat. Prof. Eximio, *nuper in pagi-
nis aliquot manuscriptis mihi com-
municatas. Hic verò obiter indi-
candum tibi est , Amice Lector,
laudatum Langlæum non unâ , sed
aliquot vicibus diversisque tempo-
ribus Ovi inspectiones instituisse , in
quibus quæ ab ipso observata sunt ,
hic junctim exhibentur ; unde die-
rum computationes paulò laxiùs con-
signatas, & ejusdem diei observa-
tiones (haud eodem tamen tempo-
re collectas) vix examussim subin-
de convenire reperiēs ; quod non mi-
rum , quum si quis diversis vi-
cibus pulli in ovo formationem ri-
metur , non possit non ipse aliquod
interdum discrimen eâdem etiam ab
incubatione horâ animadvertere , id-
que vel ob gallinæ , vel ovi , vel
aëris quoque peculiarem constitutio-
nem , ob quam e. g. Punctum sa-
liens*

Præfatio.

liens nunc seriùs nunc citiùs agitari incipit. Junxi his Langlæi observationiunculis Ovi ab incubante gallinâ foti Inspectiões quondam in Academiâ patriâ directore Cl. D. Henr. Meibomio, Medicinæ Prof. Celeberrimo, à nobis institutas; ut & Observationes Anatomico-Med. quadraginta; nec non Cadavera balsamo condiendi rationem, quam celare, ne inutilis reddatur, non libet. Nequaquam verò (ut ad primum revertar) in iis, quæ Harvæus memorat, est acquiescendum, utpote qui in abstruso hoc Naturæ opere multa quidem conspexit, at plurima posteris reliquit investiganda. Deficit Ipse in non paucis, præsertim tamen circa prima generationis principia, tam in Oviparis, quàm Viviparis: in his post peractum congressum intra matris uterum prima embryonis stamina duci; in illis pulli efformationem ab
in-

Præfatio.

incubatu exordium sumere credit. Sed altius penetravit felix quorundam hujus ævi Insignium Anatomicorum industria, quæ in Viviparis testium ova, vera futuræ procreationis stamina; in Oviparis pulli in ovo rudimentum jam antè incubationem existens, & obscure apparens, nobis detexit; cujus primò omnium (ni fallor) mentionem fecit Josephus de Aromatariis, Assifinas, Epist. de Generatione Plantarum ex seminibus, præmissâ Disputationi de Rabie contagiosâ; quem tractatum Cl. D. Sladus quondam mihi communicavit; ubi, postquam vegetabilium semina studiosè enuclearit, & mirabilem illam periodum, à plantâ quæ semen producit ad plantam quæ ex semine illo, tanquam ovo, vicissim emergit, curiosè est persecutus, ita insit: Quod attinet ad ova gallinarum, existimamus equidem, pullum in

OVO

Præfatio.

ovo delineatum esse, antequam foveatur à gallinâ: quam Doctissimi Josephi sententiam veram esse, propriâ autopsiâ notavit, ac superiori anno Epistolica Dissertatione, de Formatione Pulli in ovo, ad Inclutum Britannorum Collegium missâ disertè ostendit Anatomicus Excel- lens & Ingenuus Marcellus Malpighius. In Sacculo, inquit, velut in amnio, dum solis radiis illum objiciebam, inclusum fætum animadvertēbam, cujus caput cum appensæ carinæ staminibus patenter emergebat. Atque hinc pulli formationem non tam per epigene- sin, quàm metamorphosin fieri, statuendum videtur. Hæ similesque observationes si Harvejanis jun- gantur, plurimum profectò lucis doctrinæ huic affulgebit, quando quæ Harvæus observavit cum ho- diernorum novis repertis non tan- tum non pugnant, sed adedò conspi- rant,

rant , ut sese invicem bellè illustrarent , ceu in observationibus fideliter justâque sollicitudine factis perpetuum esse novimus. Nonne , quum fœtum in tubâ uterinâ propriis oculis sese conspexisse Exerc. 65. memorat , recentiorem de ovorum post imprægnationem è testiculis per tubam transitu sententiam planè confirmat ? Sanè si ad testium notabilem , quæ post animantium venereos complexus evenit , immutationem in Cervis & Damsis unquam attendisset Harvéus , procul omni dubio isthoc de Viviparorum ovariiis invento dudum prævenisset Diligentissimum Wilhelmum Langly , qui jam antè septendecim annos præsertim in Cuniculis , quos magno numero aluit , testes ova continere & excludere , quin totam in illis generationis ex ovo seriem studiosè observavit ; cujus rei testes , Chartas manuscriptas , possidet Cl.

Dn.

Dn. Melderus, posthac fortassis in lucem emittendas. Eadem verò inveniendi felicitas postmodum aliis quoque peritis Animalium dissectionibus obtigit, qui hoc de *Σαρκίνης*, ipsiusque adeò mulieris, ovario haud levis momenti observatum publico abundè exposuerunt; interque illos primus Doctissimus Nic. Steno rem hanc subolfecisse videtur, quando in *Musculi descriptione Anatom. Ao. 1667. in lucem emissâ*, obiter quasi memorat, dari in Fæminis Testas ovario analogos; id quod antè ipsum quenquam publicè pronuntiassè, haud crediderim. Nunc verò hic muliebrium testiculorum usus adeò percrebuit, ut vix quisquam è Curiosorum cætu esse queat, è cuius animo antiqua de hoc argumento præjudicia, & pristinas bypotheses declarationis ergo sæpius confictas, evidens hæcce autopsia non eliminet. Nulla enim unquam

Præfatio.

quam prodiit observatio, quæ Animalium generationem magis illustret, atque hæc de testium ovis post fecundam sui irradiationem versus matricem devolutis. Ut taceam nunc, quantum Medicis circa Sterilitatis aliorumque muliebrium affectuum causas rimandas occupatis inde possit accedere commodi, illud solum considero, & ut omnes expendant, rogo, quàm dilucidè plures difficultates expediat, & non paucis arduis phænomenis, eorumque absconditis causis velum detrahat nova hæc sententia. Unum è multis in scenam placet producere, Gemellorum nempe intra Uterum efformationem, cujus ratio ac modus sicut è tritis illis, de seminum commixtione, facultate plasticâ, & similibus aliis hypothesebus difficulter & obscurè eliciuntur, ita in hac nuper exortâ observationum luce longè clariùs & faciliùs queunt intelligi,

* *

Præfatio.

telligi, præsertim si illud, quod Curiosissimus Dn. Swammerdamius non ita pridem in puerperæ dissectione annotavit, ritè cognoverimus, cujus historiam eâ accuratione, quâ mihi ab eodem communicata est, hic loci inserere non alienum fore arbitror.

Fœmina sex mensibus gravida, postquam gemellos exanimis pepererat, vivere desiit; aperto ejusdem cadavere, occurrit Uterus magnitudine caput infantis æquans, in cujus cavitate nil nisi sanguis concretus delituit, à quo & orificium ejusdem internum, propter insignem sui expansionem tres digitos junctos facile transmittens, fuit obturatum. Testiculus dexter nullam alterationem passus, sed planè integer; in sinistro vero visa est quædam quasi inflammatio, præterea notabilis cicatrix, quæ divisâ corpusculum heterogeneum,

newim,

neum, fibrosum, subflavum, duplici foveolâ præditum sese obtulit; omnia hujus testiculi ova ejusdem ferè magnitudinis fuerunt, mirisque vasorum plexibus & cincinnis exornata, quædam substantiæ testis altius immersa, alia superficiiei & tunicæ investienti magis vicina; porrò aliquot eorundem paria (singula scilicet) tam arcuè propriis tunicis sibi invicem fuerunt connata, ut integra & absque laceratione neutiquam potuerint divelli; quale par è mox memoratâ foveolâ gemino sinu constante procul omni dubio exciderat; in cujusvis ovi liquore accuratè intuenti observata est mica candidior, instar quarti officuli auditus; ovorum in Spiritu Vini per tres quatuorve dies infusorum liquor circa micam istam factus est mucilaginosus & spissior, quemadmodum ferè Vini spiritus affuso spiritu Urinæ (si nempe uterque probè re-

Præfatio.

ctificatus fuerit) in mucaginem quandam degenerare solet..

Hæc sunt, quæ vidit Dn. Swammerdamius ; unde ansa nobis datur suspicandi , Gemellorum productionem istiusmodi ovorum pari , propter æqualem molem ac maturitatem , & imprimis conglutinationem mutuam arctissimam ovarii carceribus simul extruso , deberi ; & idcirco fœmina isthæc , siquidem effugisset mortem , absque dubio viro juncta gemellos denuò , quin aliquoties procreasset. Verùm è memoratâ observatione insuper elucet , ovum è testiculo muliebri simili ratione ac vi expelli , quâ in Cuniculis idipsum fieri animadvertit Insignis , dum viveret , Anatomicus Dn. Regnerus de Graaf lib. de *Mulierum Organ.* c. 16. Scilicet ovo ad exitum destinato circa ambitum & à posticâ parte accrescit corpusculum aliquod fibrosum , quod paulatim

latim adauctum, ovum sensim è suo alveolo exprimit, protrudit, & foràs urget; donec tandem, solutis vinculis ac rupto ovarii involucro, elabatur; haud absimili modo, ac in majoribus pustulis videre est, ubi summus apex ob conclusa purulentas sordes albicans & prominulus, rubicundo circulo seu halone cingitur, & ab ipso, sicut ovum à carunculâ, in altum extollitur, donec in exilem escharam resiccatus decidat. Quod si verò duo, vel (quod rariùs evenit) tria ova firmiter copulata & æquè matura adsint, communis fibrosa substantia eadem simul ad egressum cogit, ceu credibile est accidisse in muliere illâ mirè fœcundâ, cujus mentio fit Obs. V I. Decad. III. Sed sunt præterea plures alii mirabiles in generationis opere effectus, quorum causas talium observatorum beneficio eruere, haud valdè arduum ju-

Præfatio.

*dicamus. Ceterùm nequaquam diligentissimo scrutatori Harvêo vitio verti debet, quod istud de testiculorum ovis, multaque alia non fuerit affecutus; abundè nihilominus Orbi satisfecit, quin tam magnificè suo Exercitationum fasciculo de Philosophorum Medicorumque Choro meritus est, ut nihil magis in votis esse debeat, quàm ut his & secuturis temporibus plures Harveji sese sistant, quò reconditum animalis propagationis negotium, & infinitæ, quæ in eodem adhuc supersunt, tricæ ac difficultates sensim clariùs enodentur. Tu, Benevole Lector, Insignem Harvêum tibi antè oculos constitue, ejusdemque in scrutando vestigia pro viribus sequere; & si fortasse quædam circa viventium *vivacior* observaveris, aliis necdum visa, protinus in commune conferre haud gravare. Etenim nefas esset celare, sibi-*

sibi que soli servare ea, quæ in proximi commodum vergere possunt. De meo autem conatu velim benignè sentias, nec, magno an parvo labore ista collegerim, curiosè examines non enim quæ summâ contentione efficiuntur, aut cum anxio quasi sudore extorquentur, æquè semper pulchra & utilia sunt. Fætus laborioso partu editi vix solent esse vitales, aut robusti. Quapropter fructusne aliquis inde in te tuique similes redundare queat, potius expendere, & ex eo unicè rem æstimare oportet. Interim scias, non caruisse suo labore hoc negotium, quin nec levi operâ illud absolvi potuisse. Sed, antequam te dimittam, hoc unum adjiciam, me libelli Harvejani editione eâ usum esse, quæ Amstelodami apud Joh. Ravesteynium Anno 1651. in duodecimo prodiit; quumque in eâ vitiosam numerorum singulis Exerci-

Præfatio.

tationibus præfixorum seriem offenderim, circa Exerc. 4. initium capientem, eam totam emendasse, quemlibet nempe numerum unitate augendo; quo in negotio me imitentur necesse est omnes ii, qui simile exemplar possidentes, meas in compendio hoc Exercitationum allegationes eidem conformes reddere cupiunt. Tuum nunc fuerit, amice Lector, opusculum evolvere; si sapiat, progredere, sin' minus, desiste, melioraque exprome. Vale.

Ad

Ad Doctissimum & Amicissimum

D N. I. SCHRADERUM,

Cum varias Harvêi maximi obser-
tiones in locos communes
redigeret.

QUæ toto Harvêi fuerant sparsæ antè li-
bello,

Tu, *Schradere*, suis condis opes oculis.
Scilicet haud adeò est dives, qui millia
multa

Possidet, at variis invenienda locis;
Quàm cui confestim cum vult conceditur
uti

Illis, quas multas arca recondit opes.

M. Sladus. Med. D.

S Y L L A B U S
C A P I T U M

Observationum

H A R V E I.

CAP. I. *DE Gallo & Gallinâ.* pag. 1.

II. *De Gallinæ Ovo & Pullo.*
13

III. *De Cervis & Damis.* 41

IV. *De Animalibus in genere.* 65

V. *De Animalibus in specie.* 78

VI. *De quibusdam ad Animalia
pertinentibus, deque Plan-
tis; accedunt Observatio-
nes Medicæ.* 119





OBSERVATIONES

ex Harvæi libello de Gene-
ratione Animalium
excerptæ.

C A P. I.

De Gallo & Gallinâ.

Gallus.

Vasa Spermatica.



Acit ad celeriores seminis
egressum, vasorum sperma-
ticorum in gallo brevis &
rectitudo. *Ex. 39 p. 132.*

Testiculi. Gallus ad ipsam
præparantium exortum suos testiculos ha-
bet. *Ex. 3. p. 4.*

Vasa deferentia. Testiculi in gallo geni-
turâ scatent, & in vasis deferentibus, lon-
gis, amplisque plurimum ejus reperitur.
Vesiculas genituram continentes non repe-
rio. *Ex. 39. p. 131. seq.*

Orificium, penis loco. In gallo penem non
invenio. Ejus verò loco orificium reperio
(haud secus quàm in gallinâ) minus tamen
illud & angustius. *Ex. 5. p. 15. seq.*

Coitus. Vasorum deferentium extremi-

tas spiritu (dum coït) inflata, glandis more turgescit, quâ uteri gallinæ orificium aperto podice reiectum comprimit, humoreque suo genitali oblnit. *Ex. 39. p. 132.*

Gallus adeò libidine ferox æstuat, ut (nisi complures gallinæ ipsi suppetant) fæminas suas sæpius invitando, & cogendo fatiget, & (ut in phasiano, gallo indico, aliisque observavimus) intempestivè superfiliendo, dorsumque pedibus atterendo (etiam cum in nidis ova incubant) eas malè mulctet. Vidimus aliquando gallinas à ferocientis galli injuriâ adeò laceras & detritas, ut dorsum totum implume, & ad ossa ipsa perquam miseris modis nudum habentes, brevi exspiraverint. *Ex. 39. p. 134.*

Cum duas gallinas, aliquandiu à gallo seclusas, huic restituerem; quarum altera ovo gravida, altera recens enixa erat; gallus huic ocyus occurrit, eamque avidè ter quaterve compressit: alteram vero circumibat sæpiùs, pedibusque alas fricando salutare visus est, adventumque gratulari; veruntamen ad priorem reversus, eam iterum iterumque iniit, coïtumque per vim repetiit: neglectâ intereà gravidâ, quam nullo modo ad venerem sollicitabat. *Ex. 6. p. 24.*

Gallus gallinaceus in prælio victor, non modò in superati conjuges, sed in ipsum victum quoque libidinem suam exercet. *Ibid.*

Gallina.

Ovarium. **L**ocus ovarii positus est statim infra jecur ad spinam, supra arteriam magnam descendentem. Quo enim loco, in majoribus animalibus sanguineis, arteria cœliaca mesenterium ingreditur, ad exortum nempe venarum emulgentium, vel paulò inferiùs, & quo loco ceteris animalibus sanguineis & viviparis vasorum præparantium ad testiculos tendentium exortus est; & ubi gallus suos testiculos gerit, ibi etiam gallinæ ovarium reperitur: *Ex. 3. p. 4.*

Nempe ei, à parte anteriore, truncus portæ, gula & ventriculi orificium; à posteriore, vena cava, & arteria magna ad spinam dorsi descendens; supra, jecur; subtus autem ventriculus adjacent. *Ex. 8. p. 28.*

Quod in ovario conspicitur, non est ovum vitellus, sed aliquid potius compositum, quod ambos liquores permixtos in se contineat. Colore quidem vitellum refert, sed consistentiâ suâ propiùs ad albumen accedit; coctum enim ad duritiem, non (ut vitellus) friabile est; sed albuminis instar concretum, glutinosum, & tenuibus lamellis constructum cernitur. Habetque albam quasi papulam in medio sui. *Ex. 37. p. 129.*

In gallinæ ovario varia admodum vitellorum incrementa cernuntur, à quantitate propemodum invisibili, ad consummatam magnitudinem. *Ex. 3. p. 7.*

Ego vitellos milii semine longè minores observavi; qui nempe instar papularum, aut sudaminum, vel arenularum, propè visum effugerent; & illius loci membranarum veluti scabrities viderentur. *Ex. 3. p. 10.*

Nullum ovum in ovario cinctum est albumine, sed vitelli solùm reperiuntur; qui prout è minimorum congerie sese extulerint, in ambitum prodeunt, ut in fusiori spatio faciliùs amplientur. Dum vitelli augescentes majorem molem acquirunt, à reliquis separantur; quod dum fit, singuli vitelli, præter tunicam propriam, aliam ab ovario mutuuntur, quæ illos extrinsecus amplectitur, & fundamento, unde oriuntur, adnectit. Ambit verò tunica illa integrum vitellum; sed in parte vitelli exteriore, à propriâ ejus tunicâ non facilè distinguitur, quod ambæ tenuissimæ sint: In parte autem posticâ, quâ vitellus racemi fundamento obvertitur, tunica hæc vitello non adhæret, nec in eum venulas spargit; sed sacculi instar solùm amplectitur. *Ex. 3. p. 10.*

Singulis vitellis totidem tunicæ ab eodem fundamento desumuntur. Fundamentum autem hoc est corpus sui generis, ad pennati spinam abortum; venæ & arteriæ magnæ

magnæ adnexum, laxum, porosum, & fungosum; ut plurimos vitellos ex se producat, iisdemque tunicas largiatur: quæ postea adauctis vitellis distenduntur; eosque, sacculi instar, cum collo angustiore, ventre autem amplo ambiunt; quemadmodum à vitriarii flatu ampullæ efformantur. *Ibid.*

Ex accuratâ inspectione edoctus sum, pedunculum, à quo vitellus pendet, non in hujus exiguum aliquem locum inferi (quemadmodum pomis & prunis contingit) indeque connexionis adhuc superesse vestigium; sed eundem, antequam vitellum attingit, è racemo in orbem (tubæ instar) dilatari; ut vitelli horizontem, sive circulum bipartientem (non aliter, quàm tunica amphiblistroides oculum) amplectatur: adeò, ut pars superior vitelli, sive hemisphærii, quæ racemum spectat, à pedunculi contactu & cohærentiâ prorsus libera sit; in cujus tamen cupulæ, sive scaphii parte superiore, (aliquantulum autem à latere) dicta macula locatur. *Ex. 61. p. 269.*

Ubi gallina ova parere desierit, integrum ovarium, cum infundibulo, (ceui effœta) exarescunt, retrahunturque, & abolentur: relicto duntaxat fundamento, radicumque indicio. *Ex. 4. p. 11.*

Infundibulum. Gallinæ infundibulum seu tuba, ab ovario (quod undique complectitur) deorsum tendens; sensumque latior

facta, in superiorem uteri productionem terminatur; estque similis vaginali tunicæ in scroto, membranâ tenuissimâ, facilèque dilatabili constans. *Ex 4. p. 10. seq.*

Vitellus in eo hærens nunquamprehenditur. *Ibid. p. 11.*

Ab infundibulo, (inter ventriculum, intestina, renes & lumbos) processus uteri, sive pars ejus superior cum multis revolutionibus & cellulis (ad figuram coli & recti intestini in homine) in ipsum uterum descendit. Ipse autem uterus processui huic continuus, infra ventriculum, inter lumbos, renes & intestinum rectum, extremo abdominis loco ad podicem situs est; adeò ut, cum ovum albumine vestitum in eo continetur, deorsum tantoperè decumbat, ut digitis facilè, num molle, an durum, partuique vicinum id ovum sit, percipere liceat.

Uterus hic in gallinâ, tum magnitudine, tum fabricâ varius conspicitur; Quippe in gallinâ virgine, sive pullo, carnosus est, & rotundus, quasi bursa vacua; tantillæ cavitatis, ut vix fabam continendo sit; foris quidem lævis est, intus autem plicis quibusdam secundum longitudinem rugosus: primo intuitu vesicam urinariam majusculam, aut ventriculum alterum parvum, facilè judices. In prægnante autem & jam veneri maturâ, (quam ex rubicundo cristæ colore mulieres norunt) uterus multò auctior,

etior, & carnosior apparet; cum plicis majoribus & crassioribus; ob magnitudinem illam, quam ovo excipiendo idoneam cernimus; qui sursum secundum spinæ ductum, longè protenditur, & ex multis loculamentis, five cellulis (tanquam intestinum colon, ut dixi) componitur, quæ ex uteri producti replicatione constituuntur. Pars hujus inferior, ut maxima, ita crassissima & carnosissima est, pluribusque & majoribus plicis roborata; figura ejus interna ovalis cernitur, tanquam ovi proplasma. Sunt processus uteri ut plurimum tres spiræ; non est hoc tamen ita perpetuum, quin (ut in coli cellulis contingit) natura interdum abludat. *Ex. 8. p. 28. seq.*

Uterum ovis privatum rarò reperiēs, sed vel in processu spiris inhærens, vel in ipso utero contentum invenies. Si processum hunc vacuum inflaveris, ceu obliquus & contortus tubulus apparebit, & ad modum cochleæ, five turbinis in fastigium assurgens: talisque est ex plicis & spiris uteri fabrica, ut licet descendentī ovo in via satis pateat; tamen vix ullus retrorsum sit (vel inflato aëri) ad superiora transitus.

Processus uteri cum suis spiris, in effæta gallina, atque etiam in pullis juvenculis, adeò imminuitur, ut in tenuissimas membranas abeat, & planè aboleatur, nullumque ejus vestigium extet; uti neque ovarii aut infundibuli: solummodò ibidem (tan-

quam racemi radix) glandulosum quid & spongiosum , quod in gallinis coctis dulce sapit , reperitur. Uterus unà cum processu, membranæ operâ dorso alligatur ; quam propterea Fabricius mesometrium vocat, per quod plurima quoque vasa , sanguine refertissima , in singulas uteri plicas ramificantur. Quin etiam ab uteri fundo , secundum longitudinem , ligamentum (instar tæniæ) ad infundibulum usque protenditur , quale in superiore coli regione productum cernimus. Quasi portio quædam exterioris tunicæ tensa & contracta , ut reliquum processus in plicas & cellulas corrugetur. *Ex 8. p. 30. seq.*

Tota uteri substantia (præsertim circa plicas) tam in utero ipso , quam processu ejus , multis amplisque venis scatet : plures tamen sunt arteriarum ramuli , quam venarum. *Ibid.*

Plicæ , quæ in parte uteri interiore obliquæ , & transversæ apparent , carnosæ substantiæ sunt , & colore albisimo ac lacteo præditæ , aquam lentam exsudant ; ut tota interior superficies , tum uteri , tum processus ejus , multo quasi tenui albumine madeat , unde vitellus descendens augetur , circumpositoque paulatim albumine perficitur. *Ibid.*

Certum est , in gallinæ utero statim à coïtu , nihilo plus conspici , quam antè ipsum coïtum reperiébatur. *Ex. 44. p. 151.*

Neque

Neque in coïtu, vel ante, aut post ipsum, quicquam sanguinis in gallinæ utero continetur. *Ex. 34. p. 120.*

Ab orificio uterino exteriori, ad interiora, & matricem trajectus adeò implexus, & interioris suæ tunicæ laxitate rugosus est, ut neque stylo, nec serâ, viam intus reperire potuerim; Imò verò, Fabricio teste, ne quidem inflatus aër in uterum penetrat. *Ex. 5. p. 10. seq.*

Orificium uteri, siue vulvæ; nimirum transitus è communi cavitate in uterum gallinæ, est veluti protuberantia quædam mollis, laxa, rugosa, atque orbicularis, tanquam præputii extremitas clausa, aut vulvæ interioris cujusdam tunicæ prolapsus, atque inter foramen ani, & uropygium locatur, aliquantulum sinistrorsum vergens. *Ex. 5. p. 15.*

Podex. In deplumatâ gallinâ reperire est, podicem, non (ut in ceteris animalibus) in orbem contractum, sed depresso orificio transversim scissum, & duobus labellis conniventem; quorum superius, alterum inferius intra se collectum tegit & occulit. Superius istud labrum seu velabrum, à radice uropygii oritur; & ut palpebra superior oculum, sic hoc tria pudendi orificia contegit; (nempe ani, uteri, & ureterum) quæ sub hoc velabro, tanquam præputio, retracta latent; quemadmodum in mulieris pudendo, intra cunni labra & nymphas,

A 5. vulvæ,

vulvæ, urinæque foramina absconduntur. Ac propterea duo illa excrementa, (urina nempe, & stercus) simul tanquam è communî cloacâ, sursum elato velabro, & nudato foramine egeruntur. Similiter in coïtu gallina, supervenienti gallo vulvam detegit, & accommodat. *Ex. 5. p. 12.*

Velabri istius fabrica in gallinâ, est similis superioris palpebræ: ex cute nempe, membranâ carnosâ & musculosâ texitur; cum fibris à circumferentiâ undique ad centrum ductis; ejusque interior superficies, ut palpebræ & præputii, mollis est. Habet etiam in extremitate sui tarsum semicircularem, ad modum palpebræ: atque insuper inter cutem, & membranam carnosam, interstitium cartilaginofum, ab uropygii radice, cum tarso falcato ad angulos rectos copulatum. *Ex. 5. p. 13.*

Sublato, & rescisso hoc velabro, foramina aliquot apparent; quorum alia conspicua, alia obscura sunt. Evidentiora quidem sunt, ani, & vulvæ; obscura autem, tum illud, per quod urina è renibus profluit; tum exiguum illud à Fabricio inventum, *in quod gallus, ait ille, semen suum immittit. Ibid.*

Foramina hæc omnia adeò sibi invicem vicina sunt, ut ferè in unam cavitatem concurrere videantur; quam cloacam liceat appellare; quòd in eâ, unâ cum alvi fecibus, urina è renibus descendens commisceatur, donec

donec simul egerantur. Per hanc quoque ovum in partu transiens, sibi viam parat. *Ex. 5. p. 13. seq.*

Hæc cavitas crassior paulò & rugosior, quàm intestinum est: atque in egestione & coïtu foras provolvitur, & tanquam interior intestini pars prolapsa, prominet: eodemque tempore, omnia foramina distinctè apparent; quæ statim in ejus reductione, quasi in unam bursam collecta reconduntur. *Ibid. p. 14.*

Excrementi autem exitus partem anteriorem possidet, atque inter ipsum & uropygium, introitus in matricem deprehenditur. *Ibid.*

Foramen autem in quod Fabricius putat, gallum semen suum immittere, inter hoc vulvæ ostium, & uropygium cernitur: In pullis juvenculis vix reperitur; in adultis autem promiscuè inest, tam gallo, quàm gallinâ. Valdè exiguum & obscurum est. Vix enim aciculam aut setam admittit, & in cavitatem cæcam terminatur: neque unquam potui humorem seminale in eâ reperire. *Ibid.*

Coïtus. Ego sæpiùs observavi; gallinam, prout gallus eam à dextrâ, aut sinistrâ parte conscenderit, eò versùs podicem suum indifferenter flectere. *Ex. 5. p. 15.*

Partus. Gallina, contra ac fæminæ ferè omnes, in coïtu querula perstrepit, & renititur; in partu verò, licet ovum pro cor-

poris & uterini orificii proportionē prae-
grande adsit, quodque nihil adjumenti (ut
fœtus viviparorum solent) ad exitum con-
ferat, citra dolorem tamen faciliè parit,
& à partu continuò exultat. *Ex. 41. p. 141.*

In Angliâ aliquæ gallinæ quotidie ovum
pariunt; sed fertiliores ut plurimum biduo
continuè pariunt; primum nempe ovum
matutino tempore, secundum postridie sub
vesperam, tertio autem die feriantur *Ex. 13.
p. 51.*

Jecur. Nostræ gallinæ, quò pinguiore
fuerint, eò jecora minora, & pallidiora ha-
bent. *Ex. 51. p. 194.*

Renes & Ureteres. In Gallinâ, Ureteres
à Renibus, (qui ampli longique in dorsi
cavitate locantur) utrimque descendunt, &
in communem cavitatem, sive cloacam
desinunt. Exitus autem eorum adeò obscu-
rus est, & in cavitatis ipsius limine delite-
scens, ut forinfecus eum invenire, & sty-
lum vel tenuissimum immittere, planè sit
impossibile. *Ex 5. p. 15.*

Ova. Gallinæ suo tempore gloriunt, licet
ova (quibus incubent) nulla habeant. *Ex.
de Concept. p. 379.*

CAP. II.

*De Gallinæ ovo & Pullo.**Ovi intra gallinam efformatio.*

Vitellus in racemo, exigua duntaxat papula est, sensimque auctus, colorem & magnitudinem vitelli adipiscitur; indeque abruptus per infundibulum descendit, & per spiras cellulasque processus devolutus, albumen induit: licet nulli utero adhæreat, nec per vasa umbilicalia augeatur, sed, ut piscium vel ranarum ova foris ex aquâ albumina sibi parant, & circumvolvunt; vel, ut fabæ, ciceres, ceteraque legumina & frumenta, humore macerata intumescunt, indeque alimentum pullulanti ex sese germini acquirunt: ita similiter ex uteri plicis albugineâ humiditate promanante, vitellus sibi albumen quærit, & concoquit; donec tandem in extremo utero, membranis, testâque duriore assumptis, ad partum perficitur *Ex. 9. p. 31.*

Ovorum fecundatio. Ego aliquando vernâ tempestate gallinas duas à gallo seclusas per quatrimum detinui, quæ interea singulæ tria ova pepererunt, non minus aliis ovis prolifica. Iterumque aliam gallinam seclusi, quæ decimo ab inde die ovum peperit; aliudque die vicesimo, & utrumque fecundum. *Ex. 6. p. 24.*

A 7

Ego

Ego experiētiā edoctus, affirmare possum, vicissimum ovum à gallina (post hujus à gallo divortium) proveniens, fuisse fecundum & prolificum. *Ex. 40. p. 135.*

Ovorum differentie. Ova gallinacea recentia albidiora sunt, quàm requieta; ætate quippe offuscantur, & præsertim ab incubatione; si valdè recentia fuerint, ab adhærente polline aliquantulum scabra sunt: requieta verò, ut cortice obscuriore, ita & lævigato magis constant. Recentia (modò integra fuerint) propè ignem posita sudant, & præ ceteris jucundo sapore prædita sunt. Imò verò ova, post duorum aut trium dierum incubationem, suavius sapiunt, quàm requieta. *Ex. 13. p. 45.*

Ovorum alia aliis longiora sunt, & acuminata magis. Gallina quælibet similia semper ova parit; licet enim aliquando in ejusdem gallinæ ovis discrimen aliquod invenerim, est tamen hoc adeò exiguum, ut nisi valdè exercitatis non innotescat. In eodem enim utero ceu proplasmate, singula ejusdem gallinæ ova figuram suam penè eandem acquirunt. *Ex. 13. p. 46. seq.*

Ovorum alia sunt fecunda, alia infæcunda. Sunt etiam ova urina & cynosura, sic dicta, quod diebus canicularibus ova sæpè putrescant, quia ob æstus nimios ab incubantibus gallinis deferuntur; vel etiam, quia eâ anni tempestate crebrò tonat. Fæcunda censentur, quæ fotu blando de se pul-

pullos producant Hodie in Ægypto, alibi-
bique, in clibanis, five hypocaustis, pulli
ex ovis generantur. *Ex. 13. p. 48. seq.*

Gallina absque maris congressu, non so-
lùm ova concipit, sed & parit, eaque per-
fecta, at hypenemia, & infæcunda. *Ex. 5.
p. 20.*

Observavi aliquando, maculam five ci-
catriculam, in ovis etiam infæcundis, la-
tius explicari; nunquam tamen ad cacu-
men assurgere, nec circulis ordine disposi-
tis circumscribi. Vidi quoque interdum vi-
tellum alicubi clarescere, & liquefieri, sed
inæqualiter, partelque coagulatione quasi
temerariâ concretas, instar nubium sparsim
volitantium innatare. Licet ova hæc non-
dum rancida; putrida, & fætida dicantur,
sunt tamen ad putredinem prona, & ad
eam tandem continuato incubantis calore
pertingunt; idque eodem illo loco ductâ
corruptionis origine, quo ova prolifica ge-
nerationem auspicantur. *Ex. 17. p. 67. seq.*

Mulieres apud nos, ut ova cynolura &
irrita, à fæcundis internoscant; post deci-
mum quartum, aut decimum sextum à
primo incubatu diem, ova in aquam tepen-
tem molliter demittunt: quæ fundum pe-
tunt, irrita habentur; fæcunda, quæ inna-
tant. Si fætus in ovo grandior factus, se
alacrius moverit, ovum non modò huc
illuc volutatur, sed & fætus edit; & si au-
rem propius admoveris, per aliquot dies

ante

ante exclusionem, pullum intus calcitrare, obtrepere, & pippire audies. *Ex. 13. p. 50.*

Sunt quædam ova majora, alia minora, aliqua etiam minima, quæ vulgò in Italiâ centenina dicuntur. *Ex. 13. p. 51.*

Magna est in ovorum maturitate diversitas, aliaque aliis citius perficiuntur. Adeò, ut quædam ova quinta die minus provecta sint, quàm alia tertio ut plurimum solent: idque in plurimis ovis per idem tempus incubatis, eodemque die apertis, comperi. Ut, neque sexum sequiorem, nec aëris inclementiam, neque incubandi negligentiam, aut aliud quippiam causari possem. *Ex. 17. p. 67.*

Ova gemellifica. Non desunt ovis sua monstra; huc referri possunt ova gemellifica, quæ duobus vitellis prædita sunt; quale nuper in utero galinæ perfectum, testâque obductum reperi, cum vitellis, cicatriculis, atque albuminibus crassioribus, omnibus geminis; aderant etiam quatuor chalazæ; albumen autem tennius unicum duntaxat prædicta omnia circumambiebat; quod item membranæ duæ communes solum investiebant, & singulari cortice integebatur. Ex istiusmodi ovis gemini pulli nascuntur, non sunt tamen vitales, sed plerumque citò pereant. *Ex. 13. p. 52.*

Vidi sæpè ova gemellifica, quorum singulos vitellos bina albumina ambiebant
cum

cum membranis communibus, propriis-
que singillatim obvolventibus. Alia quo-
que ova vidimus cum binis vitellis quasi
connascentibus, quibus utrisque unicum
albumen commune circumfunde-
batur.

Ex. 24 p. 93.

Ovum in Ovo. Vidi ovum perexiguum
crustâ tectum, intra aliud gallinæ ovum
majus, perfectum & cortice circumcirca
obductum, contineri. *Ex. 11. p. 36.*

Ovi cortex. Compertum habeo, ovum
in utero ferè semper duro cortice obdu-
ctum esse: & aliquando vidi ovum è galli-
nâ vivâ exemptum, etiamnum calens, sine
cortice humiditate tenaci madescens; quod
tamen ab humiditate illâ circa putamen
concrecente, aut evaporascente nihil o-
mninò obduruerat, neque ab aëre ambiente
frigido permutabatur; sed mollitiem, quam
in utero habuerat, retinuit. Visum est etiam
à me ovum è gallinâ recens prognatum,
perfectoque cortice incrustatum, cuticulâ
tamen membranosa & molli super corti-
cem inductâ vestitum, quæ membrana ne
quidem post ovi ortum concrecebat. Vidi
præterea ovum è gallinâ natum, undiqua-
que testâ obductum, præterquam in acuti-
culminis apice, ubi exigua mollisque quæ-
dam eminentia permansit. *Ex. 11. p. 35.*

Cortex, dum ovum in utero est, multò
tenuior, & transparens magis, ac lævi su-
perficie conspicitur; edito autem jam ovo,
cra-

crassior multò , minus translucidus, & superficie asperâ (tanquam polline albiſſimo adſperſo & nuper accreſcente) apparet. *Ex. 11. p. 37.*

Cortex ovi fragilis eſt, præcipuè parte obtuſiore, & iſtante pulli exitu; poroſus etiam eſt, dum enim (præſertim recens) antè ignem coquitur, ſudorem quali per poros guttatim emittit. *Ex. 61. p. 268.*

Cortex ovi vetuſti minus transparens, offuſcatur *Ex. 15. p. 57.*

Ovi membranæ. Membranarum ovi communium exterior, quæ cortici adhæret, durior eſt: interior verò lævis & mollis; Membranæ interiores, & propriæ liquores ſuos continent, & diſtinguunt: unde tenues valdè, pellucidæ, & fragiles ſunt. *Ex. 61. p. 268.*

Ovi cavitas. Cavitas quædam exigua in obtuſiore ovi parte intus propè putamen conſpicitur, quæ interdum in ipſo ſaſtigio ſita eſt, interdum nonnihil ad latus inclinat, ſubjectæ chalazæ ferè è directo reſpondens: Figurâ utplurimum circulari eſt; In ovo recentiſſimo exigua eſt, oculi humani pupillæ magnitudinem referens, quotidie increſcit, prout ovum requietum magis fuerit, & ambiens aër calidior; à prima ſtatim incubationis die valdè ampliatur; ſit cavitas iſthæc inter teſtam membranâ ſuccingente ibi loci deſtitutam, & membranam anteriorem univerſos ovi liquores am-

amplectentem. Omnibus ovis inest; imò verò utero adhuc remanente ovo, quamprimum cortice obtegitur, inveni. *Ex. 12. p. 43. seq.*

Cavitas hæc, dum ampliatur, magis secundum ovi longitudinem, quàm latitudinem expanditur, & figuram demum ab orbiculari declinantem obtinet. *Ex. 15. p. 56. seq.*

Ovi albumen. Ego in ovo gallinaceo non modò varium albumen observavi, sed etiam duplex; utrumque propriâ membranâ involutum: alterum tenuius, liquidius, & ejusdem fermè consistentiæ cum humore illo, quem ex uteri plicis manantem, albuminis materiam & nutrimentum diximus; alterum albumen est crassius, & viscosius, paulòque magis ad albedinem vergens; in vetustioribus, & requietis ovis post aliquot dierum incubationem sufflavescens. Ut secundum hoc albumen vitellum undique obtegit, ita liquor ille exterior, ipsum circum ambit. Bina hæc albumina distincta esse, vel hinc constat; si, ablato cortice, membranam utramque proximam penetraveris, videbis alborem liquidum & exteriorem protinus effluere, iisdemque membranis hinc inde in patinam reclinatis; interius tamen & crassius albumen, locum, & figuram suam globosam servare, utpote membranâ propriâ, tenuique adeò, et visum prorsus effugiat, terminatum:
hanc

hanc autem si fecueris, secundum albumen illicò huc illuc sparsum effluit, & figuram rotundam amittit. *Ex. 12. p. 41. seq.*

Albumen ovi vetusti crassius redditur & viscidius; ad stramineum sive spiceum colorem vergens. *Ex. 15. p. 57.*

Albumen ovi colliquatum, & lac aquosum sive crudum in uberibus, ejusdem planè coloris, saporis, & consistentiæ apparent. *Ex. 58. p. 255.*

Ovi vitellus. Ovipost diem incubationis decimum quartum ad duritiem cocti vitellum grati planè saporis, similisque suavitatis cum recenti ovo itidem indurato, reperi. Vitellus vivente adhuc gallinâ, à racemo diremtus, statimque comestus, dulciùs sapit crudus, quàm coctus. *Ex. 13. p. 46.*

Propria vitelli tunica in ovo vetusto laxior reddita, in rugas flaccescit; nam hujus liquoris aliquid tempore dissipari verisimile est. *Ex. 15. p. 57.*

Vidi genus quoddam gallinaceum, cujus statura ampla, color pennarum nigricans, caro sanguine saturata, jecur rubicundius; eorum tamen ova (etiam sæcunda) vitellos pallidissimos habebant, nec plus hordei maturi stipulâ coloratos. *Ex. 60. p. 264.*

Ovi cicatricula Circulus albus & perexiguus, vitelli tunicæ, (tanquam cicatricula quædam inusta) adnascitur; macula hæc perpusilla est, lenticulæ ferè magnitudine, aviculæ pupillam referens, alba, plana, & circu-

circularis; omnibus ovis inest, etiam à prima eorum origine in vitellario. *Ex. 12.*

p. 44.

Ovi chalazæ. Chalazæ, id est, grandines, binæ singulis ovis obtigerunt, altera in obtuso, altera in acuto angulo. Plus earum in albumine reperitur; vitello tamen validius adhærent, ejusque membranæ appenduntur: Corpora sunt longiuscula, concreta magis quam albumen, & albidiora, nodosa, luciditatis cujusdam non expertia, ut grando; Constat quælibet chalaza pluribus quasi grandinibus, albumine ad iuvicem junctis: earum altera major est, & longius à vitello versus obtusum ovi cacumen protenditur: altera minor, à vitello inferius versus partem ovi acutam porrigitur. Major ex duobus vel tribus nodis, quasi grandinis granis, globulive conflatur; qui modico intervallo à se invicem distant; minor ordine majori succedit. *Ex. 12.*

p. 42. seq.

Gallinæ incubatus. Aliæ gallinæ semel, aliæ bis, terve, aliæ multoties incubant.

Ex. 13. p. 51.

Ubi gallina incubans in nido senserit, pullos intus calcitrare, ova revolvit & accommodat, donec pulli debitam posituram nacti, quieverint. *Ex. 13. p. 50*

Quis non admiretur affectum illum, aut furorem potius glorientis gallinæ, qui extinguere nequit, nisi aquâ frigidâ obruatur?

Du-

Durante hoc animi impetu, cuncta negligit, & ceu furibunda alas demittit, dum hispidæ furriguntur plumæ; inquieta & querula obambulat; alias gallinas nido turbat, ova passim quærit, quæ incubet; nec quiescit, donec aut illa nacta fuerit, aut pullos, quos deducat; quos sanè miro zelo, & ardore convocat, fovet, pascit, & tuetur. Quàm lepidè risum movet gallina, dum supposititios anatis pullos (quos pro suis exclusit) in aqua natantes sequitur, locumque sæpe ambiens, cum periculo vadum tentat, invocat, mirisque artibus ad se pellicere satagit? *Ex. 13. p. 49. seq.*

Nonnullis gallinis, ova sua rumpere, nidosque deferere consuetudo est, morbo-ne id fiat, an vitio, necdum constat. *Ex. 13. p. 51.*

Certò constat, ova facilè quassari, concuti & disperdi, si quis avibus incubantibus molestus fuerit, quo tempore liquores colliquantur & turgent, membranæque eos ambientes dilatantur & tenerescunt. *Ex. 17. p. 70.*

Ovi Inspectiones singulis incubationis diebus institutæ.

Die II. **S** Ecundo incubationis die, postquam ovum horas viginti quatuor sub gallinâ tepuit; cavitas ejus in
obtusio

obtusio cacumine multum ampliatur, & descendit. Vitellus, qui prius in albuminis centro hærebat, versus cacumen obtusum assurgit; ejusque pars media, cui macula infixæ est, attollitur, & membranæ cavitatem ambiendi sese applicat; adeò, ut vitellus cavitati per cicatriculam conjungi videatur, & prout vitellus adscendit, albuminis pars crassior tantundem in acutum, imumve angulum detrudatur. *Ex. 15. p. 57. seq.*

Vidi aliquando secundo & tertio die, cicatriculam dilatatam, pullique jam positum exordium, necdum tamen adscendente vitello; rarò quia id contingit, ab ovi imbecillitate profectum arbitrabar. *Ex. 15. p. 58.*

Dicta macula dilatatur ad pisi, vel lentis magnitudinem, & in circulos (ceu circino circumductos) dispertitur, qui punctum album perexiguum habent pro centro. *Ibid.*

Interea chalazas, sive grandines, hinc atque illinc ab utroque ovi cacumine, versus latera ejus declinasse videas; idque ob permutatum illum liquorum situm, adeò, ut altera chalaza ex obtuso angulo aliquantulum descendat, altera verò ex acuto cacumine tantundem sursum feratur. *Ibid. seq.*

Chalazæ integræ utrinque, & immutæ (sed loco motæ) reperiuntur. *Ex. 15. p. 59.*

Vitellus (præsertim ubi cicatrix est) paululum colliquescere incipit, propriamque

que suam tunicam in tumorem attollit, videturque eundem colorem, consistentiam & saporis bonitatem, quam in recenti ovo habuit, recuperasse. *Ex. 15. p. 59.*

Die III. Præterito die secundo, cicatriculæ circuli conspectiores, atque ampliores fiunt, ad magnitudinem unguis digiti annularis, & interdum medii; quibus tota macula in duas regiones (aliquando tres) easque diversis sæpè coloribus obscure distinctus dividitur, oculi figuram planè referens, tum protuberantiâ aliquâ, qualis in cornicâ tunicâ vititur, tum magnitudine, tum etiam humore transparente, & lucidissimo intus contento; cujus centrum pupillam repræsentat, sed puncto quodam albo in centro existente, tanquam si aviculæ alicujus ocellus suffusionem in medio pupillæ pateretur: ob quam similitudinem *Oculum ovi* nominavimus. Intra hos circulos liquor continetur clarissimè refulgens, quovis crystallino humore purior; quem si transversim ad lumen intuearis, tota jam macula potius in albumine locata, quam vitelli tunicæ (ut prius) impressa conspicitur, & ceu portio quedam albuminis colliquefacta & clarificata, intra tunicam propriam tenuissimam conclusa apparet. Ideò liquorem hunc *colliquamentum candidum* appello. *Ex. 16. p. 59 seq.*

Colliquamentum hoc brevi (eodem nempe die) augetur, præsertim interior
ejus

ejus regio, quæ dum expanditur, exteriorem repellit, & obliterat. *Ex. 16. p. 60.*

Quantum ex accuratâ inspectione discernere licuit, fit sanguis, antequam punctum saliens efformatur; idemque calore vitali præditus est, priusquam per pulsum cietur. *Ex. 51. p. 190.*

Sub finem tertii diei lineam sanguineam purpurascentem, & punctum saliens adhibitâ summâ diligentia, & clarâ magnâque luce, vel radiis solaribus adaptatis, aut perspicilli ope, jam tum discernere poteris; aliàs, quia tam tenuis est & exilis purpurifata linea, punctique salientis adeò imperceptibilis motus, planè frustra experieris. *Ex. 17. p. 63.*

Die IV. Quarto die, (post tres scilicet dies, totidemque noctes) si inspexeris, occurret jam major metamorphosis, & permutatio admirabilior, quæ singulis ferè illius diei horis manifestior fit; quo tempore in ovo, de vitâ plantæ ad animalis vitam fit transitus. Jam enim colliquamentum limbus lineâ exili sanguineâ purpurascens rutilat; ejusque in centro ferè punctum sanguineum saliens emicat, exiguum adeò, ut in suâ diastole, ceu minima ignis scintillula, effulgeat, & mox in systole visum prorsus effugiat, & dispareat. *Ex. 17. p. 62.*

Ovo aëri frigidiori diutiùs exposito, punctum saliens rariùs pulsatur, & languidiùs agitatur: admoto autem digito calen-

te, aut alio blando fotu, vires statim vigoremque recuperat. Quinetiam postquam punctum hoc sensim elanguisset, & sanguine plenum à motu omni cessans, nullumque vitæ specimen exhibens, morti penitus succubuisse visum esset; imposito digito meo tepente, spatium viginti arteriæ meæ pulsum, ecce corculum denuò erectum revixit, & tanquam postliminio ab orco redux, pristinam choream redintegravit. Idque alio quolibet leni calore, ignis nempe, aut aquæ tepidæ, iterum iterumque à me atque aliis factitatum est. *Ex. 17. p. 66. seq.*

Ego pluribus experimentis certus sum, non motum solummodò puncto salienti inesse, sed sensum etiam. Nam ad quemlibet vel minimum tactum, videbis punctum hoc variè commoveri, & quasi irritari. *Ibid.*

Ab eo puncto meatus venarum specie duo sanguine pleni, flexuosi feruntur ad circulum purpurissatum, & tunicam ambientem colliquamentum; sparsis per ipsius colliquamenti spatia plurimis fibrosis propaginibus, quæ omnes ab uno principio (ut arborum virgulta ab eodem trunco) profluunt; In hujus radicis angulo inflexo, colliquamentique medio, punctum rubrum saliens ponitur. *Ex. 17. p. 63.*

Totum hoc colliquamentum sanguineis fibris distinctum, ambarum papilionis alarum

rum magnitudinem & formam refert.

Ex. 17. p. 65.

Punctus ille (quem in medio circuli quasi centrum diximus, & vitello adnexum) evanescit, priusquam punctus, qui ab Aristotele saliens dicitur, discerni queat, vel in rubrum (ut opinor) conversus pulsatur. Nam uterque punctus, qui in centro colliquamenti, & qui juxta radicem venarum inde exorientium situs est, nunquam simul apparent; sed in albi locum succedit ruber punctus saliens. *Ex. 17. p. 64.*

Die Mercurii, sub vesperam, tria ova gallinæ supposui; dieque saturni paulò antè eandem horam reversus, inveni hæc ova frigida, utpote à gallinâ derelicta: aperto nihilominus eorum uno, pulli exordium reperi; lineam nempe rubram & sanguineam in ambitu; in centro autem pro puncto saliente, punctum album exsangue: quo indicio percepi, gallinam haud multò prius incubationem deseruisse: quare vi captam, & in cista conclusam, per integram noctem ibidem detinui; postquam scilicet ova duo reliqua, cum aliis novis illi supposuisssem. Quid fit? postridie summo mane, ambo ova rediviva erant, apparuitque in centro ipsum punctum micans, albo puncto multò minus; è quo (albo nimirum) scintilla, tanquam è nube profiliens, in diastole duntaxat comparuit. Adeò, ut videretur mihi, ex albo puncto,

rubrum punctum emicare ; utcunque in illo punctum saliens generari : atque existente jam sanguine , aut nasci , aut saltem moveri. Imò læpissimè comperi, punctum saliens , cum (ceu planè intermortuum) ab omni motu quiesceret , à novo fotu motum denuò & pulsationem recuperasse. *Ibid. seq.*

Haëtenus nullum vasorum discrimen deprehendere potui ; neque enim arteriæ à venis , vel tunicâ , vel pulsû distinguuntur. *Ex. 17. p. 66.*

Venæ priùs , quàm arteriæ , sunt conspicuæ : saltem , quantum nobis observare licuit. *Ex. 56. p. 230.*

Perfectiora ova , jam sub finem quarti diei , duplicem vel bipartitam habent vesiculam pulsantem ; eo nempe modo atque ordine , ut unâ sese contrahente , altera sanguine distenta , & rutilans appareat , quæ mox pariter contracta , sanguinem liquidò exprimit ; momentoque interjecto , prior denuò refurgit , pulsûmque repetit. Clarèque videas , actionem harum vesicularum esse contractionem , à quâ sanguis impellitur , & in vasa protruditur. *Ex. 17. p. 68.*

In proveëtoribus ovis , aliquando sub finem quarti diei , nescio quid turbidi vesiculas pulsantes adumbrabat , visûmque (offusæ nubeculæ instar) impediebat , quò minùs clarè puncta salientia intueri potuerim. Clariori tamen luce , perspicillisque adhibitis , collatisque unâ subsequentiûm die-

rum

rum observationibus, constitit, esse corporis rudimentum, ceu nebulam ex colliquamenti parte concoctam, vel circa venarum principium concrefcens effluvium. *Ibid.*

Ova hypenemia sive infæcunda, hoc ipso tempore mutari incipiunt, atque indolem suam ostendere. Nam ut ova fæcunda in colliquamentum mutantur, ita subventanea eodem tempore corrumpuntur, & putredinem induunt. *Ex. 17. p. 67.*

Die V. Die quinto circa venam brevem ab angulo ductam (ubi duo puncta alternatim micantia sita sunt) crassius aliquid & albidius, nubeculæ instar, (transparens tamen) apparet, per quod prædicta vena obscure, ceu per nebulam, conspicitur. Est autem corporis rudimentum, quod jam singulis horis concretum magis compactumque cernitur, venamque prædictam & amplectitur simul, & illi, globuli alicujus instar, appenditur. Rudimentum id globosum, vermiculi hujus (ut sic dicam) carinam magnitudine longè superat, estque figuræ triquetrae, in tres nempe partes (protuberantis arboris gemmulæ more) obscure divisum: earum una orbicularis est, & reliquis duabus major, ductis mox à circumferentiâ versus centrum tenuissimis filamentis, nigricat; septique ciliaris exordium apparet, indeque particulam hanc in oculum mutatum iri indicat. In hujus medio, pupilla admodum exigua, & puncti lucidissimi

mi instar conspicua est : quo potissimum iudicio conjecturam feci, integrum hunc globulum futuri capitis rudimentum esse; circulumque illum nigrum ex oculis alterum futurum, cui ex adversâ parte alter opponitur : quippe ita siti sunt, ut ambos simul intueri nequeas, cum superior inferiorem obtegit & occultet. Primum hoc futuri corporis rudimentum, quod circa venam concrefcere diximus, figuram solum oblongam, & aliquantulum, carinæ instar, inflexam obtinet ; estque consistentia ejus mucosa, instar situs candidi, qui rebus humidis arctèque conclusis innasci solet. Venula autem, cui mucorem illum accrescere dixi, est cava descendens per spinam dorfi. Duarum quoque vesicularum pulsantium ordinem si diligenter intuitus fueris, quæ posteriùs se contrahit, eam sanguinem in hujus venæ principium impellere, eamque distendere conspicias. *Ex. 18. p. 74.*

Jam primum fœtus rudimentum sese conspiciendum exhibet, (quemadmodum in Fabricii figurâ quintâ & sextâ videre est) eoque in aquam limpidam immisso, quid corporis factum sit, quid etiamnum desideretur, cognitu facile fuerit : Apparet nempe formâ vermiculi, sive galbæ ; sicut in frondibus arborum, corticum pustulis, fructibus, floribus, alibique vermium & crucarum primordia conspiciamus ; præsertim verò in gallis quercinis. *Ex. 18. p. 76. seq.*
Prima

Prima corporis fabrica sive constitutio (quam mucilaginosam diximus) priusquam membra ulla discernuntur; cumque cerebrum nil aliud, quàm aqua limpida est; si modò leviter pungatur, instar vermis vel erucæ, sese obscurè movet, contrahit, & contorquet; ut sentire ipsam, evidenter pateat. *Ex. 57. p. 245.*

Cavitas ovi jam multò auctior, totamque ejus partem superiorem vacuum relinquit, tanquam quinta pars ovi absumpta foret. *Ex. 18. p. 76.*

Venarum ramuli longiùs protelantur, pluresque numero non solum in colliquamentum, sed hic in albumina, illic in luteum distribuuntur, amboque liquores passim fibris sanguineis scatent, vitelli pars superior plurimum colliquescit & funditur, ut ab inferiore planè diversa appareat, jamque duo quasi vitelli videantur: dum superior, ceræ liquefactæ instar, inflatus & pellucidus emicat, inferior & densior, unà cum albuminis parte crassiore, ad acutum ovi angulum subsidit; estque adeò tenuis vitelli superioris tunica propria, ut à minimâ concussione facilè rumpatur. *Ibid.*

Sub finem quinti diei, vel initio sexti rudimentum corporis spinam dorsi luculentius refert, cui latera exstructa assurgere incipiunt: alæ nimirum & pedes è galbâ aliquantulum protuberant: venarum meatus nunc planè umbilicum referunt. *Ex. 18. p. 78.*

Die VI. Die sexto, capitis tres bullæ evidentiùs apparent, oculorumque tunicæ jam distinctæ sunt; simul etiam pedes, atque alæ expullulant. *Ex. 19. p. 78.*

Pullo non alia adhuc uropygii forma adest, quàm quæ in ceteris omnibus animalibus, ipsisque serpentibus conspicitur; cauda nempe teres & exigua. Parenchyma cordis pulsanti vesiculæ obnascitur, paulòque post jecoris, & pulmonum cernuntur rudimenta, rostrumque: sed apparent albissima omnia, præsertim rostrum. Circa hoc tempus etiam viscera omnia, & intestina conspicua sunt: cor verò antè reliqua se videndum exhibet, pulmones etiam antè jecur aut cerebrum: omnium tamen primi oculi videntur, propter amplitudinem ipsorum & nigredinem. Jam quoque fætus sese movet & leniter contorquet, caputque exporrigit; licet nihil etiamnum cerebri, præter aquam limpidam, vesiculæ inclusum comperiatur. *Ex. 19. p. 78. seq.*

Pars corporis anterior, thorace & abdomine privata, plane aperta cernitur, corque ipsum, jecur & intestina foris pendula conspiciuntur. *Ex. 19. p. 79.*

Sub finem hujus diei, & principium septimi, digiti pedum distinguuntur, fætus que jam pulli effigiem induit, rostrum aperit, & calcitrat: omnesque partes adumbrantur, præ ceteris verò oculi. Viscera obscurè patent. *Ibid.*

Die

Die VII. Omnia manifestiora sunt, videnturque singularum partium primordia; nempe alæ, pedes, genitalia, pedum digiti divisi, femora, clunes, &c. Jam se movet fœtus, & calcitrat, perfectusque pul-
lus conspicitur; cui nihil postea superadditur, sed partes tenellæ duntaxat incrementum sumunt: quæ quanto magis augentur, tanto quoque magis albumen absumitur, membranæque exteriores unitæ, secundinæ naturam referunt; quemadmodum & venæ umbilici effigiem magis indies præsentant. *Ex. 20. p. 82.*

Bullula quædam, instar cristæ, extra cerebri ambitum expansa, cerebelli vicem supplet, ipsaque similiter aquâ limpidâ referta est. Cerebrum obscurè bifidum apparet, minusque quam cerebellum fulget, magis tamen candicat; & quemadmodum cor foris extra pectoris penetralia conspicitur, ita pariter cerebellum extra cerebri fines protuberat. Abscisso capite, apparuit (perspicillis utenti) in cervice, venæ ad cerebrum adscendentis quasi punctum sanguineum. Spinæ quoque vestigium jam primum à reliquâ pulpâ discernitur, colore quidem lacteo, sed consistentiâ firmiore. Ita similiter, quasi tenues arancæ telæ, exiles lineæ lacteæ per corpusculi pulpam vagantes, costarum aliorumque ossium specimen exhibent. Cor, pulmones, jecur, & intestinorum loco, tenuissima filamen-

ta, omnia alba, Jecoris parenchyma venæ umbilicali, quâ parte ingreditur, super exilia stamina fibrosa adnascitur: simili prorsus modo, quo rudimentum corporis, venæ à corde descendenti, vel vesiculæ pulsanti accrescere diximus. *Ex. 19. p. 79. seq.*

Oculorum tunicæ jam videntur, licet humorem solum liquidum, & limpidum in se contineant: illi extra orbitas suas prominuli sunt, singulique non minùs cerebrum amplitudine excedunt, quàm caput, cui innascuntur, totum reliquum corpus mole exsuperat. *Ex. 19. p. 79.*

Colliquamenti ambitus jam supra dimidium ovi occupat. Cor foris pendulum, à corpore nonnihil remotum est, &, si attentè inspexeris, vasa quædam umbilicalia pulsare videas. *Ex. 19. p. 82.*

Memini, me aliquando die septimo in ovo ignavioze vidisse cavitatem quidem in obtuso cacumine dilatatam, colliquamentum venis conspersum, in ejus medio vermiculum, oculi etiam rudimentum, ceteraque quæ in aliis ovis quarto aut quinto die fieri solent, vesiculæ tamen pulsantes non aderant; nec venarum truncum, aut radicem reperire licuit: Quapropter meritò ovum imbecillius judicabam, præsertim cum ejus colliquamentum minus solito pellucidum & fulgens, venasque parum rutilantes, cernerem. *Ex. 20. p. 82.*

seq.

Die

Die X. Venas jam perspicuè videre est arterias comitari; tam has, quæ ad albumina tendunt; quàm illas, quæ ad vitellum. Vitellus etiam hoc tempore liquefcit, & fusior est, non totus quidem, sed is qui supernatat, neque etiam venarum ramuli in totum vitellum excurrunt, sed in partem illam duntaxat, quam, liquatæ ceræ instar, fusam diximus. Similiter venæ, quæ ad albumen tendunt, arterias sibi comites habent; Ipsaque albuminis major pars in humorem candidum abit, qui pullum innatantem amplectitur, interjacetque utramque vitelli portionem, superiorem nempe & inferiorem; cui in imo (angulo nempe acuto) pars albuminis crassior & viscidior subjacet. Jam maxima albuminis pars in colliquamentum indeque in fætum absumpta est, totum nempe albumen tenuius, crassiorisque pars major: vitellus nunc amplior, quàm initio erat, conspicitur. *Ex. 21. p. 84.*

Die XIV. & sequentibus. Cor, aliaque viscera omnia, intra pulli ventres jam abscondita latent, & quæ nuda priùs, forisque prominentia cernebantur, nunc, nisi aperto thorace atque abdomine, neutiquam conspiciuntur. *Ex. 22. p. 85.*

Oculi pupilla jam distinguitur, palpebræ apparent, atque etiam membrana nictatoria, in majore oculi cantho, sese conspiciendam dat. *Ibid.*

Cerebri gyri quoque distinguuntur, & cerebellum calvariâ occluditur, cauda etiam uropygii figuram adipiscitur. *Ibid. seq.*

Post diem decimum quartum, viscera (priùs alba) carneum sive rubicundum colorem paulatim induunt. Intestina & ventriculus nondum abdomine concluduntur, sed interioribus annexa, foris propendent. Albumen quotidie absumitur; quod vitello non contingit, qui penè integer etiamnum permanet, eâdemque mole, quâ primo die conspiciebatur. *Ex. 22. p. 86.*

Diebus sequentibus quinque vasa umbilicalia videre est; quorum unum, est vena maxima, è cavâ supra jecur oriunda, ramosque in albumen dispertiens: aliæ duæ venæ à portâ proficiscentes (ejusdem ambæ originis) in binas vitelli partes distribuuntur, & utramque hanc arteriolæ ex lumbaribus natæ comitantur. *Ibid.*

Notatu dignum est, membranam colli-quamenti, quæ cum exteriori tunicâ conjungitur, & secundinam sive chorion constituit, jam vitellum totum unâ comprehendere, & contractiorem redditam, vitellum simul cum intestinis ad fætum adducere, eique conjungere, & ceu sacculo constricto claudere. Quæque antè subtilis & transparens fuerat, prout jam magis magisque contrahitur, ita pariter crassescit magis, & carnosior evadit: posteaque ad similitudinem herniæ intestinalis, in scroto dilatato
in;

intestina simul cum vitello recondit & sustinet; tandemque quotidianâ contractione adductior, abdomen pulli constituit. Vitellum hoc modo circa diem decimum octavum intra intestina laxiore alvo collocatum reperies; non tamen ita firmiter positum, quin intestina levi momento (ut in herniâ intestinali fit) vel intra ventrem repulsa, vel foràs in scrotum delapsa, unâ cum vitello huc illuc pellantur. *Ex. 22. p. 86. seq.*

In ventriculi cavitate liquor limpidus reperitur, ejusdem planè consistentiæ, coloris & saporis cum colliquamento, in quo fœtus natabat; qui per intestina dilabans, colorem sensim mutat, & in chylum vertitur; tandemque in intestinis inferioribus simile excrementum occurrit, quale eadem in pullis jam exclusis continent. Ubi provectiores fuerint pulli, in eorum ventriculo liquorem hunc coctum videas, & coagulatum; quemadmodum in iis, qui lacte vescuntur, schiston fit, in serum nempe & colostrum permutatum. *Ex. 22. p. 87.*

Absumto ferè albumine, & exiguâ jam colliquamenti relictâ quantitate, per aliquot antè exclusionem dies, pullus totus conglobatus, capite utplurimum inter femur dextrum & alam posito, rostro etiam, unguibus & plumis, ceterisque omnibus instructus conspicitur. Modò dormit, modò vigilat, movensque sese respirat & pipit. Si ovum auri admoveris, tumultuantem in-

tus fætum, calcitrantem atque pipientem manifestè audies. Idem, si in aquam calidam pedetentim dimiseris, innatabit, pul-
lusque intus à calore ambiente expergefa-
ctus saltus edet, ovumque huc illuc volu-
tabit. *Ex. 22. p. 87. seq.*

Albumine jam penitus confecto, paulò antè exclusionem, umbilicus alter in al-
bumina derivatus oblitteratur. *Ex. 22. p. 88.*

Excrementa, quæ primùm in intestinis reperiuntur, alba sunt & coenosa, testæ ovi emollitæ similia: quinetiam ejusmodi ex-
tra fætum intra secundinas reperire est. Tempore procedente, paulò antè fætus ex-
clusionem, fæces subvirides cernuntur, qua-
les exclusi pulli ejiciunt. *Ibid.*

Visitur etiam in ingluvie portio quædam colliquamenti deglutita. Nec hætenus qui-
dem jecoris color purpureus, aut sangui-
neus est, sed ab albore in flavedinem ver-
gens, qualia piscium jecora cernuntur. Pul-
mones tamen sanguinolenti rubescunt. *Ibid.*

Jam colliquamentum paulatim turbatur immutatur & absumitur, (cujus pridem ma-
gna copia erat) fætusque supra vitellum de-
cumbit. Iisdem diebus, antequam hepar co-
lorem sanguineum nanciscitur, secundam-
que (ut ajunt) concoctionem instituit, sel
virescens jam intra ejus lobos invenies. *Ex. 22. p. 87.*

Generatur lanugo in pullo gallinaceo,
post

post decimum quartum diem; perfecto jam fœtu, omnibusque partibus instructo. In plumarum autem exortu primo, quasi puncta quædam in cute cernuntur; postea verò plumulæ (veluti è terrâ herbæ) excreſcunt, tandemque explicantur, & totum corpus circumvestiunt. *Ex. 56. p. 239.*

Ut fœtus, & liquorum posituram apertius discernere, post diem decimum quartum ad exclusionem usque, (albuminis majore parte jam absumptâ, & diviso vitello) ovum integrum ad duritiem decoxi; ruptoque cortice, ac pulli collocatione perspectâ; inveni tum albuminis reliquum, tum ambas vitelli partes eâdem consistentiâ, colore, sapore, aliisque accidentibus, quibus ova requieta, & similiter cocta dotari solent. *Ex. 22. p. 89.*

Pulli exitus ex ovo. Cum pullus aërem jam liberiores quærit, rupto cortice prodit in lucem, circa diem vicesimum primum, aut vicesimum secundum. *Ex. 23. p. 90.*

Experientiâ compertum habeo, pullum ipsum (non autem matrem) corticem frangere. Quippe in primâ ovi perforatione, hiatus iste multò minor est, quàm ut matris rostro conveniat: sed pulli rostro directè respondet; circa quod (in modum coronæ) corticem æquali semper à cacumine distantia ruptum videas, partesque confractas (præsertim primis ictibus) forâs semper prominere. *Ex. 23. p. 91.*

Quin

Quin egomet, aliique mecum complures, simulac pullum audivimus corticem unguibus scalpere, vidimus quoque illicò eundem rostro pertundere, rupturamque in circulum, coronæ instar, deducere. Quinetiam vidi, fætum capite suo corticis cacumen attollere, & amovere. *Ex. 23. p. 92.*

Ipsemet gemellos ex ovo exclusos vivos nunquam vidi; quod vel in ovo ipso, vel in exclusione alter pereat. *Ex. 24. p. 93.*

Pulli recenter exclusi nutritio. Vitellus in abdomine inter intestina concluditur, idque non solùm dum fætus in utero fuerit, sed post exclusionem etiam, cum obambulat, matremque insequens victum quæritat: eodem enim intus contento pullus primis ab exclusionem diebus (donec rostrum firmitudinem acquisiverit quo cibaria frangat & præparet, ac ventriculus robur quo eadem conficiat) pro nutrimento utitur; estque adco lacti analogos. *Ex. 22. p. 88.*

Etiam post tricesimum diem, quàm exclusus est pullus, vitelli reliquias ad intestinum deprehendi. *Ex. 22. p. 89.*

Pulli priùs sunt plumigeri, quàm pennigeri: quippe pennæ in alis tantùm, & uropygio reperiuntur, ac profundius ex imâ cutis parte, vel ex ipso perioestio nascuntur, motuique inserviunt; plumæ autem è summâ cute oriuntur, & ubique munimenti gratiâ adsunt. Cujuscunque coloris

loris plumæ fuerint, subjecta cutis non nisi unum exhibet: Quinetiam una eademque penna, variis interdum coloribus, miroque ordine tingitur, & ad pompam exornatur. *Ex. 56. p. 239.*

C A P. III.

De Cervis & Damis.

Cervus.

Sunt animalium quædam species, quarum mas singularis plurimis fæminis sufficiat, ut in Cervis, Damis, & pecorum generibus videre est. *Ex. 39. p. 133.*

Hujusmodi verò animalia corporis magnitudine, & ornatu, animique robore & armis, fæminas suas longiùs superant, quàm illa, quæ conjugalia sunt, neque enim tantoperè perdix mas, corvus, aut columba à consortibus suis distinguuntur; quantum gallus à gallinâ; vel cervus à suis fæminis discrepat. *Ex. 39. p. 134.*

Cervo ad coitum maturo pili in gutture & collo nigricant; ejusdemque coloris est præputii extremitas, quæ etiam putret & vehementer fætet. *Ex. 66. p. 288.*

Admiratione dignum est, quod in venatoribus quotidie experimur: vivariorum custodes diligentiores, qui cervorum vel
dam a-

damarum cum plurium curam habent, si fortè cornua singulis annis decidua, in sylvis aut saltibus reppererint; quorumnam cervorum ea fuerint, certissimè dignoscunt.

Ex. 13. p. 47.

Venatores novimus, qui, si cervum aliquem, aut ejus cornua semel duntaxat conspicati essent, aut vestigia ejus in luto vidissent, eundem postea, per eadem cornua, aut vestigia (tanquam ex ungue leonem) à ceteris omnibus certò distinguerent, atque internoscerent: quinetiam ex vestigiis jam primum visis, de ignoti cervi magnitudine, obesitate & vigore judicarent; nempe, utrum viribus validus, an cursu defatigatus esset; simul, utrum mas an fæmina, discernere. *Ibid.*

Cervarum & Damarum Partes genitales.

Pudendi Ostium. **I**N externo orificio, nec labra, nec clitoris, nec nymphæ adfunt, sed duntaxat orificia duo (alterum urinæ pectinis ossi adjunctum, alterum vulvæ inter anum & urinæ meatum) reperiuntur. Cuticula membranosa (qualem in gallinâ observavimus) deorsum ab ano protensa velabrum operit, quod à fæminâ, dum coit, aliquantulum retrahitur, vel saltem à maris

ris pene, cum vulvæ orificium ingreditur, fursum propellitur. *Ex. 65. p. 280.*

Vagina uteri. Vulva five vagina uteri, quæ ab externo pudendi ostio ad internum matricis orificium extenditur, in damâ pariter ac muliere inter vesicam urinariam & intestinum rectum locatur: marisque genitali, formâ, amplitudine, & longitudine respondet. Eadem dissecta oblongis intus rugis, sulcisque hians ad facilem distensionem, lenoque humore lubrica cernitur. *Ex. 65. p. 281.*

Cervix uteri. In fundo vulvæ orificium angustissimum & occlusum conspicitur: principium nempe cervicis uteri, per quod quicquid ex uteri cavo propellitur, forâs emanat. Sequitur uteri cervix, five processus, transitusque longior ac rotundior multò quàm in muliere; fibrosior etiam, crassior, & nervosior, à vulvæ fundo ad uterum usque protensus. *Ibid.*

Cervice hâc secundum longitudinem rescissâ, videas non modò ingressum ejus exteriorem, in vaginæ fundo conspicuum arctè connivere, firmiterque conglutinari, adeò, ut ne aër quidem inflatus, in uteri cavitatem penetrare queat; sed & quinque alias consimiles angustias ordine collocatas, firmèque contra omnem extraneæ rei ingressum constrictas, & mucagine glutinosâ figillatas. *Ibid. seq.*

Quinque hi recessus distinctissimè in cervâ

vâ & damâ conspiciuntur, ceu totidem orificia uteri constricta, & conglutinata; quæ meritò credas munimenta adversus cujuslibet rei introitum; stylus tamen è cavitate uteri foràs emissus, dicta foramina facilè recludit, & egreditur. *Ex. 65. p. 282.*

Uterus. Uteri cavitas in cervis & damis minima est; uti & substantia ejus magnitudine & crassitie exigua. Quippe uterus in illis animalibus est tanquam vestibulum, five propylæum, in cujus cavitate iter utroque apertum, dextrorsum & sinistrorsum in cornua deducit. *Ibid.*

In Cervâ & damâ, ut & ceteris quoque viviparis sanguineis (præter mulierem, simiam & solidi pedum genus) pars generationis præcipua non est uterus, sed cornua. *Ex. 65. p. 283.*

Cornua ista infra quidem cellulis quibusdam protuberantibus rugosa sunt, ad coli intestini modum; supra verò (quæ spinam spectant) lævia, & æqualia, ac quasi tæniâ ligamentosâ astricta recurvantur; sensimque, cornuum instar, gracilescunt. Licet autem in cervarum & damarum cornibus plures sint cellulæ, non omnes tamen uniusmodi sunt magnitudinis, sed prima ceteris longè major est, in quâ potissimum conceptus continetur. *Ex. 65. p. 284.*

Quemadmodum in muliere, ita similiter in damis & cervis, cornua uteri utrinque cum testiculis, omnibusque uteri va-

fis,

sis, circumvicinis partibus (præsertim dorso) crassâ membranâ annectuntur; inque eâ partes omnes dictæ suspenduntur; vasaque uterina per eam disseminantur: in quâ etiam vesiculæ quædam utrinque, & glandulæ cernuntur, quas Anatomici vulgò testiculos appellant. *Ibid. seq.*

Substantia cornuum uteri est cuticularis, sive tunica carnosâ (qualis intestinorum) venulis quibusdam gracillimis confersa. Poteris eam, more Anatomico, in plures tunicas dispertire, diversosque fibrarum ductus observare. Cornua ista, instar lumbricorum terrestrium, sese moventia sæpiùs conspexi. *Ex. 65. p. 281.*

Vasa Uteri. Vasa præparantia dicta, & deferentia vel ejaculantia hic non invenias. *Ex. 65. p. 281.*

Venæ uterinæ omnes (ut in muliere) originem è venâ cavâ propè emulgentes ducunt: arteriæ verò (quod illis etiam cum muliere commune est) è ramis arteriæ magnæ descendentes cruralibus oriuntur: & quemadmodum in muliere gravidâ, vasa uterina sanguinea plura & majora sunt pro proportionem, quàm in reliquo ejus corpore; ita quoque cervix & damis prægnantibus usu venit. Arteriæ autem, (contra quàm in ceteris partibus) multò quàm venæ numerosiores sunt; eademque inflatæ vicinas venas pariter distendunt; quod illis ab inflatis venis vicissim non contingit. Hoc ipsum

ipsum quoque à D. Riolano observatum video. *Ex. 65. p. 285.*

Testiculi. Testiculi in his, ut & ovibus, capris ac bifulcis omnibus, visuntur quidem, sed sunt quasi parvæ glandulæ, quæ pro-
statis, aut mesenterii glandulis proportio-
ne respondent. Coïtus tempore (quando
maribus testiculi turgent, & humore se-
minali replentur) in cervis & damis, ce-
terisque viviparis omnibus (in quibus repe-
riuntur) uteri cornua immutantur; testi-
culi autem (tanquam ad generationem
nihil facerent) nec turgent, nec quicquam
â solitâ constitutione (sive antè coïtum,
sive post ipsum) variant, *Ex. 65. p. 286.*

Cervarum & Damarum coïtus. Damae &
cervæ uno solùm statoque anni tempore
mares admittunt: nempe sub medium Se-
ptembris, post festum Sanctæ Crucis. *Ex.*
66. p. 287.

Coïtus tempore, mares fæminis aggre-
gantur; aliàs verò secedunt ab invicem;
maresque (præsertim seniores) cum ma-
ribus: fæminæ cum fæminis & maribus
junioribus degunt, & pascuntur. Mense
circiter integro libidinis desiderium exer-
cent: ejusque initium, si tempestas sicca
fuerit, tardiùs, sin pluviosa, citiùs auspi-
cantur. Ideòque in Hispaniâ (ut intellexi)
rarò coeunt antè Octobris Calendas: quòd
imbres illic haud priùs ingruant. Durat au-
tem rariùs apud nos eorum coïtus ultra
medium Octobris. *Ibid.*

Ec-

Eodem tempore furore libidinis sæviunt, canes hominesque adoriuntur: aliàs verò timidi valdè, & imbelles sunt; ac vel à minimæ caniculæ latratu sese continuò in fugam proripiunt. *Ibid.*

Quilibet mas fæmellas suas omnes novit, nec aliquam errare patitur à grege suo, sed cursu factò, palantem ocyus revocat. Si fortè fæminam alienam offenderit, non ardentè eam insequitur, sed abire finit: sin autem mas alter ad hujus gregem venerit, statim occurrit obviam, & intentat cornua. *Ibid. seq.*

Si mares invicem (ut fit) prælia commiserint, victi fæmellæ omnes victori in possessionem cedunt. *Ex. 66. p. 289.*

Cerva & dama ægrè maris initum patiuntur (quippe, tauri instar, cum impetu coitum peragit) &, nisi vi compulsæ aut fatigatæ, congressum repudiant. *Ex. 66. p. 288.*

Fæminæ (Cervi) marem non patiuntur, nisi noctu, locisve obscuris, qualia ob eam causam à maribus in connubia eliguntur. *Ex. 66. p. 289.*

Veteres & robusti mares, plures in grege suo fæmellas habent; juvenes & infirmi, pauciores. Aliis deni; quindeni aliis associantur. *Ex. 66. p. 288.*

Si fortè mas junior cælebs fæminam solivagam repererit, accurrit ocyùs & persequitur, cursuque fatigatam & jam ampliùs auferere nequentem conscendit, & per vim comprimit. *Ex. 66. p. 288.* Ma-

Mares seorsum quilibet loca sibi parant coëundi, fodiunt scrobes scilicet, aut loco acclivi adstant, amasiasque suas vici lim ad se venire cogunt. Quæ coitura est, posteriores pedes in scrobem demittit, fidensque (si opus sit) clunes aliquantulum deprimat; quo fit, ut insiliens mas unico initu (taurino more) eam protrudens verberet, coitumque absolvat. *Ibid.*

Custodes ajunt, altero vel tertio saltem coitu impleri sæminam: ea verò, simulac prægna evaserit, marem denuò non admittit. *Ibid.*

Mas postquam sæmellas suas implevit, defervescit; simulque timidior factus ac macilentior, gregem deserit; vagatur solus, avidèque pascitur, ut attritas vires refarciat; nec sæminam aliquam postea toto anno aggreditur. *Ibid.*

*Cervarum & Damarum post impræ-
gnationem Uteri immutatio
& Conceptio.*

Mense Septembri.

Mense Septembri, cum primùm sæminæ ineuntur, earum uterus (cornua intelligo) paulò carnosior & crassior, mollior etiam & tenerior conspicitur. In cavitæ utriusque cornu (parte illâ quæ tanquam taniâ caperata est; nempe quæ
spinæ

spinæ objicitur } carunculæ quinque, ceu verrucæ molles aut papillæ ordine dispositæ, protuberant: quarum prima reliquis major, ceteræque suo ordine continuo minores sunt; quemadmodum & ipsa cornua perpetuo ductu versus extremum cacumen tenuantur. Earum aliquæ ad digiti crassioris amplitudinem (quasi caro fungosa luxurians) excrescunt: quæ aliis albidiores, aliis rubicundiores visuntur. *Ex. 67. p. 289.*

Circa diem Septembris vicesimum sextum aut vicesimum octavum, (ut etiam postea in Octobri) uterus crassior redditur; & carunculæ jam tumidiore, mulierum papillas referunt: lacti profundendo paratas crederes. Abscissâ harum summitate, easdem ex innumerabilibus punctis albis compactas, tanquam ex totidem scetis cum mucosâ aliquâ visciditate erectis, conspicabar: factâque inter pollicem & indicem à radicibus sursum versum constrictione, è singulis punctis minima sanguinis guttula prodiit. Unde diligentiore postea indagine intellexi, totidem arteriolarum capillamenta esse. *Ibid seq.*

Uteri (scil. cornuum) cavitas, & interior superficies haud aliter, quàm interior ventriculorum cerebri concameratio aut caro glandis intra præputium, tactu mollissima, & lævissima apparet. In illa verò nec sperma matris, nec aliud quippiam ad conceptum spectans invenire unquam potui. Ma-

restamen interea quotidie coïtum celebra-
bant, egoque fœmellas quamplurimas dis-
secabam. Vidi in nonnullis, carunculas in-
ter se vicinas adeò, ut quasi protuberantiam
quandam continuam, ex quinque simul
junctis præ se ferrent. *Ex. 67. p. 290.*

Mense Octobri. Plurimis quidem dissectio-
nibus mense Octobri, tum antè finitum ca-
rum coëundi terminum, tum etiam postea
institutis; nunquam tamen in uteri cavita-
te, aut ejus cornibus, semen aut sanguinem,
alteriusve rei vel vestigium quidem reperire
licuit. Uterus solùm major, & aliquantul-
um crassior; carunculæ quoque tumidio-
res ac floridiores conspiciebantur: è qui-
bus factâ digitis expressione validiore, mi-
nimæ sanguinis guttulæ emanabant: quem-
admodum è gravidarum papillis, quarto
prægnationis mense, lac aquosum expri-
mi solet. In unius quidem, aut alterius
utero præter naturam extenuato, inveni
putrilaginem quandam viridem & ichoro-
sam, abscessus instar, cavitatem ejus re-
plentem; cetera tamen, damæ illæ sanæ
erant & obesulæ; non minus reliquis, quas
simul recenter mactatas inspeximus. *Ex. 68.
p. 291.*

Circa Octobris finem, & principium
Novembris, finito jam tandem coïtu, fœ-
mellisq; à marium consortio discedenti-
bus, cœpit uterus (aliis priùs, aliis poste-
riùs) minorem molem præ se ferre, atque
in-

interioris cavitatis paries, ceu inflatus, tumefieri; namque ubi cellulæ nuper erant, ibi nunc globuli interiùs extuberabant, qui cavitatem ferè omnem opplebant; adeò ut latera sese mutuo tangentia & quasi agglutinata conspicerentur, nihilque inter se spatii relinquerent. *Ibid.*

Carunculæ nihilo majores, sed albidiores tantum, & quasi aquâ calidâ maceratæ videbantur; quales lactantis papillæ, statim ab infantis suctu, conspici solent. Sanguinem verò ex illis, ut antea, digitorum compressione, elicere non potui. *Ibid. seq.*

Interior ista uteri superficies tuberibus inflata, adeò nunc tenera, delicata, & lævis evasit, ut nihil supra. Credas equidem, ventriculorum cerebri mollitiem adesse, digitumque ei admovens, nisi oculos consulueris, vix percipias te eam tangere. Jamque aperto statim post internecionem uteri sinu; undosum ac testudineum motum sæpe vidi (qualis in ima parte cochleæ, aut limacis, dum repit, conspicitur) quasi uterus esset animal in animali, motumque proprium exerceret. *Ex. 68. p. 292.*

Paulò post dicta interioris tunicæ uteri extuberantia fatiscere, (ac si madore perfunderetur) & paulatim fidere, atque extenuari cæpit; quinetiam nonnullis, sed rarò, purulenta quædam materia (sudoris in modum) adhærebat. Visa primum hac materia, dubitabam, num maris semen esse,

an ex puriore illius parte concoctum quid arbitrarer. Quoniam autem eam rarissimè, & in paucis admodum conspiciabar ; & jam viginti diebus præteriisset cum maribus consuetudo ; materiaque ipsa non esset lenta, viscida, aut spumosa, (quale semen deprehenditur) sed magis friabilis, & purulenta, ad flavedinem tendens, appareret ; potius casu aliquo, vel à sudore, ex nimio cursu ante necem defatigatis, eam contigisse judicabam. *Ex. 68 p. 292.*

Quò clariùs tanti momenti experimentum, (nihil scilicet etiamnum seminis aut conceptûs in uteri cavo reperiri) posteris constaret; Serenissimus Rex experiendi causâ (quoniam in omnibus idem concipiendi modus, & tempus est) duodecim circiter damas-fæminas, circa initium Octobris, ab omni marium consortio segregavit, murisque inclusas in vivario suo ædibus Hamptonienfibus vicino-detinuit. Ne verò quis causaretur ; has ita seclusas, semen ex ultimis congressibus retinuisse, (coitus enim tempus nondum præterierat) earum aliquas dissecai, vidi que, nihil seminis in ipsarum uteris superesse: cum reliquæ tamen ex præcedaneo coitu, (ceu contagio quodam) prægnantes fuerint, fætusque suos statotempore pepererint. *Ex. 68. p. 293.*

Mense Novembri. Circa diem Novembris duodecimum, aut decimum quartum, aliquid primum in uteri damarum cavo, ad
futu-

futuram prolem pertinens reperiri, plurimorum annorum experienciâ edoctus, verè testor. *Ex. 69. p. 295.*

Memini quidem, anno salutis 1633. conceptionis signa, sive exordia, paulò citiùs apparuisse; quòd tempestas nubila, & pluviosa esset. In cervis etiam, quæ sex septemve diebus priùs, quàm damæ, coeunt; octavo vel nono circiter Novembris die, aliquod semper futuri fætûs vestigium deprehendi. Quid autem illud sit, & quomodo inchoetur, jam dicam. *Ibid.*

Paulò antequam quippiam discernitur, uteri sive cornuum substantia minor apparet, quàm cum primum libidinabantur; albæque carunculæ flaccidiores sunt, & interioris tunicæ protuberantia subsidit aliquantulum, corrugatur, ac madescit. Circa tempus enim prædictum, per mediam utriusque cornu atque etiam uteri cavitatem, mucosa quædam filamenta (tanquam araneorum telæ) ab ultimo sive superiore cornuum angulo ducuntur; quæ simul juncta, membranosam, ac mucilaginosam tunicam, sive manticam vacuum referunt. Atque ut plexus choroïdes per cerebri ventriculos traducitur; ita sacculus iste oblongus, per totum utriusque cornu, intermediique uteri cavitatem protelatur. In quo ductu, intra rugas fatilcentis tunicæ interioris sese insinuans, inter prædictas globulosas extuberantias, tenues fibras impli-

cat ; ad eum prorsus modum , quo pia mater intra cerebri gyros se abscondit. *Ibid.*

Post diem unum aut alterum , mantica hæc impletur aquosâ , albâ , lentâ , & albugineâ materiâ ; longumque farcimen humore isto plenum refert. Lentore quidem suo exteriore uteri lateribus continetibus aliquantulum adhæret ; ita tamen , ut facilè ab iis separari queat : quippe in uteri angustîâ (ubi constringitur , dum eam pertransit) arrepta illa , ex utroque cornu integra educitur , modò cautè actum fuerit. *Ibid. seq.*

Conceptus iste adauctus & extractus , figurâ manticæ , sive duplicis farciminis deprehenditur ; & exteriùs quidem , purulentâ quâdam forde oblinitur ; intus verò lubricus est , lentumque humorem , ovi albumini liquidiori non absimilem , in se continet. *Ex. 69. p. 296.*

Primordia hæc circa diem decimum octavum Novembris , aut (ad summum) vicesimum primum , perficiuntur ; idque interdum in dextro cornu , aliquando in sinistro , nonnunquam in utroque ; habentque in se materiam colliquatam , transparentem , & crystallinam , propriâ tunicâ tenuissimâ , atque orbiculari contentam , humorque eo , in quo postea conceptus natat , longè puriorem ; in cujus medio , fibræ sanguinæ , & punctum saliens (primum futuri fætus fundamentum) citra ullam præterea

terea cujuslibet rei præsentiam, clarè discer-
nitur. *Ex. 69. p. 297.*

Chorion totum conceptum involvit, & per utrumque cornu extenditur: amnion in priore aquâ natans in alterutro duntaxat cornu continetur; nisi ubi gemini fœtus adfuerint; quo casu, utrivis una hæc tunica inest; Exteriorem membranam alicubi si dissecueris, aqua turbidior statim omnis ex utroque cornu effluit; crystallina verò, quæ in interiore amnio est, non simul elabitur, nisi & ipsum quoque apertum fuerit. *Ibid. seq.*

Vena quæ primùm in humore crystallino intra amnium conspicitur, è puncto saliente originem trahit; atque umbilicallium vasorum naturam, & officium subit; paulatimque auctior reddita, in alias quoque ramificationes per colliquamentum sparsas, protelari cernitur. *Ex. 69. p. 298.*

Colliquamentum integrum aquæ tepidæ claræ in vase argenteo vel stanneo inditum, punctum saliens intuentium oculis perbellè exhibet; Eique sequentibus diebus (vigesimo primo, aut vigesimo secundo) mucago, instar vermiculi, galbæ formâ, adjacet, in duas partes divisa; ex quarum alterâ truncus formatur; ex alterâ caput; spina, instar carinæ, paululum inflexa; caput ex tribus vesiculis, sive globulis parvis imperfectè compositum cernitur, & in aquâ crystallinâ natans, crescit conti-

nuò, figuramque debitam adipiscitur. *Ibid.*

Post sextum & vicelimum Nov. diem, fœtus corpore propemodum perfectò cernitur; atque indiscriminatim, quibusdam in dextro, quibusdam in sinistro cornu, reperitur: quibus autem gemelli fœtus contingunt, iis in utrolibet cornu unus adest.

Ibid. seq.

Eodem tempore, mas à fœminâ genitalibus suis facilè distinguitur. Marem & fœminam (prout casus tulerit) modò in dextro, modò in sinistro cornu invenias. Sæpiùs tamen fœminam in dextro, in sinistro marem observavi: idque frequenter in damis, quæ gemellos utero gerebant, mihi videre contigit. *Ex. 69. p. 299.*

Pedes formatos, ungulas fissas, mucosâs, parumque flavescentes videre licet. *Ibid.*

Quamprimum fœtus formari incipit, & crescere; substantia uteri plurimùm extenuatur; contra quàm in muliere usu venit. Quippe in Cerva & Dama, quantò magis embryo augetur, tantò propiùs etiam earum uteri cornua ad intestini formam accedunt; illudque cornu præcipuè (in quo fœtus continetur) sacculum refert, licet amplitudine & capacitate sui, alterum exsuperet. *Ibid.*

Ovum hoc, five conceptus nuspiam hætenus matris lateribus adhæret vel adnascitur, (quanquam fœtus jam perfectus cernitur) sed facili negotio integrum eduxeris. *Ibid. seq.*

Venarum umbilicalium ora, intra conceptûs albumen, & vicinos humores, eorumque tunicas obliterantur; nusquam autem adhuc utero adnexa sunt, licet per eas venas solas alimentum fœtui subministretur. Si unicus fœtus fuerit, illius vasorum umbilicalium distributio ad utrumque cornu (ramulis quibusdam per uteri cavitatem ductis) protenditur, ut utrinque alimentum hauriant. Sin bini adfuerint (in singulis nempe cornibus unus) uterque vasa sua umbilicalia in illam solùm conceptûs partem disseminat, quæ proprio suo cornu respondet: nimirum dexter fœtus è dextrâ conceptûs parte victum quærit, sinister è sinistrâ: ceteraque etiam similiter conceptus geminus cum ovo gemellifico sese habet. *Ex. 69. p. 300.*

Sub finem Nov. partes omnes clarè ac distinctè dignoscuntur; fœtusque jam magnitudine fabæ majoris, vel nucis moschatæ apparet; occipite quidem prominulo, ut in pullo; sed oculis minoribus: Os ad utramque auriculam hians cernitur: buccæ enim & labia ultimò perficiuntur, utpote partes cutanæ. *Ibid.*

Fœtum magnitudine fabæ majusculæ, intra tunicam amnion transparentem, in purissimo suo pabulo natantem, vasi argenteo aquâ limpidissimâ pleno sæpè indidi; hæcque potissimùm notatu digna observavi: Cerebrum albumine ovi paulò crassius (tan-

quam lac mediocriter coagulatum) rudique formâ, sine calvariâ, intra ambientem undique membranam continetur. Cordis conus albicat; ceteraque omnia viscera (ipsumque adeò hepar) alba sunt, & quasi spermatica. Truncus venarum umbilicalium ex corde oritur, jecorisque gibbum transiens, in venæ portæ truncum perforatur; indeque paululum progressus, & in plurimas propagines dispersitus, per colliquamentum & tunicam Chorion innumerabilibus furculis diffunditur. Lateralia utrinque à spinâ ascendunt; unde thorax quasi cymba aut navicula apparet; priusquam cor, & pulmones intra ejus ambitum reconduntur. Intestina, cor, aliaque viscera planè conspicua sunt, videnturque corporis veluti appendiculæ; donec obducto antè thorace, atque abdomine, intra eorundem cavitatem occluduntur. Eodem tempore latera utrobique, tam pectoris, quàm alvi, alba, mucilaginosa, & quasi similis constitutionis visuntur; nisi quod per interiora pectoris exiles quædam & capillares lineæ candidissimæ occurrant; quarum indicio inter futuras costas, partesque lateris carnosas distinguimus. *Ex. 69. p. 301.*

Mense Decembri. Principio Decembris auctior jam & perfectior fœtus conspicitur; digiti nempe longitudine. Cor, ceteraque viscera & intestina (quæ antea foris appensa cernebantur) in corporis cavum absconduntur;

tur;

tur; ut ea citra sectionem intueri, cordisque pulsum distinguere nequeas. *Ex. 70. p. 305.*

Conceptus, sive ovum, mediantibus in utrolibet cornu quinque carunculis utero totidem in locis copulatur, & adnascitur; non adeò tamen, quin facili conatu avelli queat. Quod ubi factum est; in exteriore Chorii superficie, quâ utero per dictas carunculas adhærebat, vestigia harum inæqualia, lentore quodam viscosa & rugosa conspiciuntur: quasi eodem glutine adhæfio, sive conjunctio facta foret. Carunculæ, quæ prius (tanquam fungi aut verrucæ) uteri lateribus adnatæ cernebantur; nunc conceptui annexæ, vicem supplent placentæ. *Ibid.*

In Embryone hoc tempore dissecto, interiora omnia distincta, & perfecta conspiciuntur; præsertim ventriculus, intestina, cor, renes & pulmones; qui etiam in lobos divisi, sanguinolenti apparent, formamque debitam nacti sunt. Color autem his rubicundior est, quàm iis, qui aërem aliquando inspirârunt; quod pulmones, ab eo dilatati, albedinem induant. *Ex. 70. p. 306.*

In fœtu fœmineo testes juxta renes, in uteri suspensorio, utrinque ad fines cornuum, positi sunt; majoresque proportionem, quàm in adultis; & caruncularum instar, albæ visuntur. *Ibid.*

In fœtus ventriculo, materia aquea (non abſimilis ei, in quâ natat) reperitur; ſed turbidior paulò, minusque transparent: quale lac eſt, cum primùm prægnantibus mulieribus, circa quartum aut quintum menſem, è papillis emulgetur; vel ſerum albidius, quod nos *White poſſet* dicimus. *Ibid.*

In inteſtinis ſuperioribus, chylus ex eâdem materiâ coctâ abundat: In colo autem, excrementa viſcentia, & formata ſcybala apparere incipiunt. *Ibid.*

Urachum non invenio perforatum: nec differentiam aliquam tunicæ allantoidis (quæ urinam continere dicitur) à chorio: neque urinam in ſecundis reperio, ſed in veſica, eamque copioſam. Veſica ipſa oblongior, inter arterias umbilicales à ramis arteriæ magnæ deſcendentis ortas, ſita eſt. *Ibid. ſeq.*

Jecur rude eſt, & propemodum informe; ac quaſi aliquid præter naturam eſſet, videtur ſolùm rubicunda & ſanguinolenta effuſio. Cerebrum nonnihil figuratum intra membranam craſſiorem continetur. Oculi ſub palpebris occulti latent; hæque adeò invicem conglutinatæ ſunt, arctèque coherent, (veluti canibus mox ab ortu evenit) ut eas diſjungere, oculosque aperire vix potuerim. Pectoris oſſa, & coſtæ jam ſenſim dureſcunt: muſculorum quoque color, ex albo in ſanguineum tranſit. *Ex. 70.*

Institutis per hunc mensem plurimis dissectionibus, factus sum quotidie certior, carunculas illas placentæ uterinæ officio fungi: eademque jam rubicundæ ac turgidæ, nucis juglandis magnitudine reperiebantur. Conceptus, quem antea mucoris solùm ope carunculis adhærere diximus, jam vasorum umbilicalium ramusculos, in ipsas carunculas (ut plantæ radices suas in terram) inserit, quibus utero agglutinatur, & adnascitur. *Ibid.*

Sub finem Decembris, fætum spithamæ longitudinis, sese validè moventem, calci-trantemque vidimus. Os ac fauces aperiebat, claudebatque. Cor in pericardio situm, dissectoque pectore conspicuum, manifestè fortiterque pulsabat; ventriculi tamen ejus uniformes erant, & magnitudinis ejusdem; parique cacumine (ceu bicipiti cono) constabant: parietum quoque crassities æqualis apparuit. Quin etiam liquidò vidimus, cordis auriculas (quæ hoc tempore, tanquam vesicæ majusculæ, sanguine replebantur) postquam cor ultrà pulsare desiisset, motum suum diutulè continuare. *Ibid.*

Interiora omnia, quæ nuper quidem perfecta erant, nunc ampliora & conspectiora sunt: Calvaria autem cartilaginea, partimque ossea est. Ungulæ flavescentes, flexiles, ac molles (ut adultorum aquâ calidâ emollitæ) conspiciuntur. Carunculæ quoque maximæ (ceu fungi grandiores) per

totam uteri cavitatem extendantur, placentaque vicem planè subeunt: propagines enim complures amplæque venarum umbilicalium in illas penetrant. *Ibid. seq.*

In quocunque hujusmodi conceptu, unus solum fœtus efformatur; ejus vasa umbilicalia ad omnes carunculas (tum ejusdem, tum etiam oppositi lateris) derivantur: in quo autem bini fœtus adsunt, eorum utriuslibet umbilicalium ramificatio, non ultra ejusdem lateris carunculas porrigitur. *Ex. 70. p. 308.*

Venæ umbilicales minores versus fœtum tendentes, dum coeunt, in alias majores definunt, eademque similiter ulteriùs progressæ, & unitæ, in alteras majores; tandemque duos truncos constituunt, qui simul juncti, sanguinem in venam cavam & portam regerunt.

Arteriæ verò umbilicales (è ramis arteriæ magnæ descendentiæ ortæ) duæ sunt, perquam exiguæ, nec nisi ob pulsûm conspicuæ: eademque ad ambitum conceptus (scil. ad conjunctionem placentæ, sive caruncularum cum venarum propaginibus) diductæ in capillares primum, ac demum in invisibiles oblitterantur. *Ibid.*

Quemadmodum in utero, vasorum umbilicalium extrema in carunculas terminantur; ita similiter extra eum vasa uterina (quæ copiosa & larga sunt) sanguinem à matre versus matricem (mediate suspen-

spensoriorum ductu) deferentia, in easdem carunculas forinfecus definunt. Notandum etiam, vasa interiora ferè omnia venas esse; exteriora verò plurima, esse arteriarum propagines. *Ibid.*

In gibbâ sive convexâ caruncularum parte, quæ conceptum spectat, miram Naturæ observavi solertiam: in plurimis nempe cavitatibus & cotyledonibus, sive acetabulis exteriùs hiantibus, materia alba & mucilaginosa reperiebatur; quæ (ut mel favos) carunculam totam implebat; eratque colore, consistentiâ, ac sapore albumini ovi per similis; Conceptum verò à carunculis istis si avulseris; videas illico ex singulis cotyledonibus & favis, eorundemque mucore, totidem furculos, sive capillares vasorum umbilicalium ramusculos (tanquam filamenta oblonga) simul extrahi: quemadmodum herbas è terrâ evulsas radices suæ comitantur. *Ex. 70. p. 309.*

Unde clarè constat, vasorum umbilicalium extrema, nullo modo cum vasis uterinis per anastomosin conjungi; neque sanguinem ex illis haurire; sed in mucagine istâ terminari, atque obliterari, indeque sibi alimentum sumere; eodem prorsus modo, quo antea ex humore albugineo intra conceptûs tunicas comprehenso, victum quæritabant. *Ibid.*

Idque etiam inde porrò cognoscitur, quod extrema umbilicalium filamenta,
cum

cum è prædicto mucore extrahuntur, alba omninò conspiciantur. *Ex. 70. p. 310.*

Denique, si carunculas illas digitis compresseris; ex earum unâ aliquâ (tanquam ex papillâ) succi istius alibilis facilè cochlearis mensura emulgetur: idque nullo apparente sanguine; quem attrectatu, etiam valido, nunquam elicueris. Quinetiam caruncula sic emulcta atque inanita, compressæ spongiæ instar, contrahitur & flaccescit; plurimisque foraminibus pertusa cernitur. *Ibid.*

Mensibus Januario, Febuario, & seq. Finito Decembri, carunculæ minus firmiter, quàm antea, utero adhærent; parvoque negotio ab eodem disjunguntur. Imò quò grandior fætus fuerit, partuique vicinior; eò faciliùs etiam carunculæ istæ ab utero recedunt: tandemque (ceu fructus maturior ab arbore) suâ sponte, tanquam ad conceptum attinentes, ab utero delabuntur. *Ibid.*

His ab utero separatis; videas, in earum relictis vestigiis arteriolarum adeuntium puncta sanguinem fundere. Sin verò ab ipsis carunculis conceptum avulseris, sanguis ex illis non emanat; verùm contra è vasorum solùm finibus ex conceptu prodeuntibus, effluit. *Ex. 70. p. 311.*

Post Decembrem, nihil novi aut notatu digni evenit, de quo non sit dictum priùs: (præter pilos, dentes, cornua & similia) sed

sed ea omnia auctiora solùm apparent.

Ex. 70. p. 312.

Cervarum & Damarum partus. Damæ & Cervæ pariunt post medium Junii, circa festum divi Joannis Baptistæ. Gerunt itaque utero novenis mensibus, non autem octonis, ut *Plinius* voluit: saltem apud nos parere solent nono mense postquam primùm coierunt. *Ex. 66. p. 287.*

C A P. IV.

De Animalibus in genere.

Conceptio Animalium.

Multa animalia concipiunt, quibus ne gutta quidem sanguinis in genitalibus (si subito dissecueris) apparet. *Ex. 34. p. 120.*

Generatio Animalium. Est quod miremur, animalium omnium, præsertim sanguineorum (puta canis, equi, cervi, bovis, gallinæ, serpentis, hominis denique ipsius) primordia, tam plene galbæ figuram & consistentiam referre, ut oculis internoscere nequeas. *Ex. 18. p. 77. seq.*

Ovipara. In Piscibus, avibus, reliquisque oviparis omnibus; mares semine replentur eodem tempore, ac loco, (intra corpus scilicet) quo fæminæ ova concipiunt. *Ex. 39. p. 133.* In

In Oviparis (dum generantur) oculi ,
quàm in viviparis , majores multò & con-
spectiores sunt. *Ex. 69. p. 298.*

Sicut in avibus , ita in serpentibus etiam
aliisque oviparis crassior materia à renibus
descendens conspicitur ; præsertim iis, quo-
rum ovum duriore cortice obducitur. *Ex. 7.
p. 28.*

In Quadrupedibus oviparis , album cæ-
mentum (*excrementosum*) abundat , foras-
que ejectum, evaporatione tenuioris partis,
citò vel in crustam friabilem , aut in polli-
nem ovi testæ pulveratæ simillimum, con-
crescit. *Ex. 11. p. 39.*

Vivipara. Quem ordinem in ovo , ac
damis, cervisque à nobis perspectum dixi-
mus ; eundem quoque semper in omnibus
viviparorum embryonibus observavimus.
Ex. 70. p. 314.

Sunt nonnulla animalia , quorum pa-
riendi tempora varia & incerta contin-
gunt : ut plerisque usu venit , quæ dome-
stica appellantur , & cum hominibus de-
gunt. Ea enim variis temporibus , & ve-
nerem exercent , & pariunt ; nempe ob pa-
buli copiam , & inordinatam præter naturæ
morem , lasciviam. Talibus verò (ut & ho-
minibus) partus difficiliiores sæpe , & peri-
culosiores obveniunt. Alia porrò animalia,
lunæ circuitus magis observantia , quolibet
ferè anni tempore coeunt , & pariunt : ut
cuniculi , mures , & mulieres. *Ex. de part.
p. 334.*

In

In Canibus, Cuniculis, Suibus, ceterisque viviparis & multiparis animalibus fœtus quilibet, binos humores, & utramque tunicam peculiare fortitur. *Ex. 69. p. 304.*

Liquor, cui fœtus in utero innatat, est probi saporis, & similis lacti aquoso; ac proinde statim à partu, omnia ferè vivipara, cum absorbent, jamque natos fœtus lambendo detergunt; humoremque quem auferunt, avidè devorant; cum fœtum excrementa ne attingant quidem. *Ex. 58. p. 250.*

In viviparorum fœtibus, dum utero geruntur, intestina crassiora consimili excremento replentur; qualieadem, cum lacte vescuntur, abundare cernimus. *Ex. 58. p. 253.*

Ut mulieribus plerumque membranæ antè fœtus exitum disruptæ aquam profundant; id tamen non est perpetuum: neque cetera animalia ad eum modum pariunt, sed conceptum integrum (fœtum nempe cum secundis) excludunt: ut in canibus, ovibus, equabus, aliisque videre est. *Ex. de part. p. 341.*

Statim à partu, mater (pluribus animalibus is mos est) excrementum suæ prolis, unà cum membranis continentibus, avidè devorat; Aliqui observarunt, animalia illa, nisi ista comedant, lac suum ægrè dimittere. *Ex. de Ut. Membr. & Hum. p. 365.*

Ceteris animalibus haud tanto (*ac mulieribus*)

ribus) molimine opus est; quibus partes (*genitales*) uno aut altero die perfectè restituantur, & consolidantur. Imò verò eorum nonnulla (ut in lepore, & cuniculo videre est) horulæ unius spatio, post partum, marem admittunt, & à coitu denuò implentur. *Ex. de part p. 354.*

Vasâ umbilicalia in omnibus animalibus haud eodem modo dividuntur: in quibusdam enim bini venarum ramuli, pluresve, in fœtus corpore reperiuntur; quorum alii jecur transeunt, alii in Portam, vel mesentericas venas inseruntur. *Ex. de Ut. Memb. & Hum. p. 374.*

Consimilis (*ac in homine*) quoque est vasorum umbilicalium constitutio in aliis fœtibus ferè omnibus, quibus unica placenta obtigit; veluti in canibus, muribus, aliisque: funiculus tamen iis brevior est, minusque complicatus. In bobus autem, ovibus, cervis, damis, suibus, reliquisque, quibus alimentum non ab unâ solum carneâ mole, sive placentâ, sed à pluribus suppeditatur; vasorum umbilicalium distributio diversa cernitur. Ramuli nempe, sive fines vasorum, non modò per carneam substantiam, sed etiam, (& quidem potissimum) extra ipsam, per membranam chorion fibris minutissimis disseminantur: qualis etiam vasorum umbilicalium distributio (sine funiculo scilicet) in fœtu humano cernitur, antequam conceptus utero adnascitur.

tur. *Ex. de Ut. Membr. & Hum. pag. 375.*

Solidipeda. In muliere, & solidipedibus, uterus est locus conceptionis; in ceteris autem, conceptus in cornibus perficitur. *Ex. 65. p. 283.*

Bisulca. Farcimen aliud (*præter Chorion*) ad utrumque cornu deductum, in bisulcorum secundinis non reperio; neque aliud quicquam, præter conceptum ipsum. Invenio solum vesicæ processum quendam, qui inter arterias umbilicales positus, humorem excrementitium in se continet; idemque in aliis productus, in aliis brevior cernitur. *Ex. de Ut. Membr. & Hum. p. 359.*

In Ovibus aliisque bisulcis (*dum utero geruntur*) manifesta insunt scybala. *Ex. 58. p. 253.*

Pennata. Oculi avium nunquam sese ad ratam illam proportionem contrahunt, quæ est inter oculum & caput animalis vivipari. Gallinæ enim, aliisque avibus, si cutem oculos integentem detraxeris, horum quilibet totam cerebri molem facile æquaverit: in beccagine autem & similibus, alteruter oculus toto reliquo capite (si rostrum demseris) major est. Omnibus verò avibus id commune est, ut orbita, sive cavitas, quæ oculum amplectitur, cerebrum ipsum exsuperet, ut in ipsarum craniis videre est. Fit autem, ut earum oculus minor videatur, quia totus, præter pupillam, cute & plumis obtegatur; neque orbiculari figurâ

figurâ præditus est, (quâ promineat) sed depressiore; uti piscibus contingit. *Ex. 18. p. 72.*

Membrana nictatoria in majore oculi cantho, avibus omnibus est peculiaris, quâ oculos suos detergere solent. *Ex. 22. p. 85.*

Perforatio pulmonum in pennatis præsertim patula admodum; in gallo indico & gallinaceo ipso, omnibusque ferè pennatis, immisso in trachæam stylo, transitus è pulmonibus in cavitates abdominis apertos & patentes invenias. Aër in eorum pulmones follium operâ inspiratus, non sine impetu ad inferiora pertransit. *Ex. 3. p. 6.*

Certum est, membranas in avibus, non modò transversim positas ad cinctum corporis, sed & secundum ventris longitudinem protensas, vicem diaphragmatis subire; Earum pulmones lateribus & costis adeò affixi sunt, ut parum admodum dilatari, assurgere, & contrahi possint; bronchia, sive asperæ arteriæ fines in abdomen perforantur, aëremque inspiratum intra cavitates illarum membranarum recondunt. *Ex. 3. p. 5.*

Statim sub corde, ad corporis præcincturam, ubi diaphragma in quadrupedibus situm est, jecur amplum & bipartitum utrinque (nam liene carent) collocatum, hypochondria replet. *Ex. 7. p. 27.*

Avium ventriculus intra abdominis capacitatem, infra cor, pulmones, & jecur
situs

fitus est. Ingluvies autem extra corpus (ut plurimum) in infimâ colli parte, ad os jugale hæret. *Ex. 7. p. 26.*

Aves ferè omnes duplicem ventriculum nactæ sunt; quarum alter ingluvies, alter ventriculus propriè dicitur. In priori edulia ingesta reservantur, & præparantur; in posteriori conficiuntur, & in chylum transeunt. In ingluvie aves grana integra devorata retinent; indeque cum epotâ aquâ madafacta, macerata, atque emollita, in ventriculum postea transmittunt: ut ibidem molantur, & comminuantur. Cujus rei gratiâ, pennata ferè omnia arenulas, calculos, aliaque quædam duriora deglutiunt, & in ventriculo unâ cum cibariis servant; (dum interim in ingluvie nil tale reperitur) habentque hunc ventriculum ex duobus crassissimis & robustissimis musculis (in minoribus avibus, carnosus aut ligamentosis) compactum; ut hoc modo ceu duobus lapidibus molaribus, molere cibaria possint. Hoc pacto alimenta conficiunt, & chylificant, posteaque compressione factâ pars mollior & liquidior sursum attollitur; eamque in principium intestinorum (quod in illis juxta ingressum gulæ in ventriculi parte superiore collocatur) transferunt. Id ita fieri, in pluribus avium generibus apparet; in quorum ventriculis si calculi, aliave duriora & aspera diutiùs permanferint, à continuo eorum motu adeò attrita, & lævigata

cer-

cernuntur, ut cibariorum attritioni inepta sint, ac propterea rejiciantur. *Ex. 7. p. 25. seq.*

Aves, cum calculos eligunt, linguâ probant; & si nihil asperos senserint, rejiciunt. *Ex. 7. p. 26.*

Falconibus, Aquilis, aliisque avibus ex prædâ viventibus, si aurem propè admo-
veris, dum ventriculus jejunos est; mani-
festos intus strepitus, lapillorum illuc in-
gestorum, invicemque collisorum, perci-
pias. *Ibid.*

Intestina in avibus à parte ventriculi su-
periore oriuntur; & secundum longitudi-
nem, sursum, deorsumque (non transver-
sim ut in nobis) replicantur, cum pluribus
tenuibus membranis interjectis, aëre reple-
tis. *Ex. 7. p. 27.*

Venæ lacteæ mesenterii in pennatis nul-
libi reperiuntur. *Ex. 22. p. 89.*

Renes ampli in avibus visuntur, oblon-
gi, & tanquam ex globulis carneis compo-
siti, nullisque cavitatibus præditi, utrin-
que spinæ, & arteriæ, venæque magnæ de-
scendenti adjacent; & in amplâ, atque ob-
longâ ossis coxendicis cavitate sepulti ja-
cent. Ex horum parte anteriore, secundum
longitudinem, ureteres ad cloacam, & po-
dicem ipsum extenduntur; ut serosum ex-
crementum illuc à renibus deferant. *Ex. 7.
p. 27.*

Est in avibus feri urinosi exigua quanti-
tas,

tas, quod illæ parum bibant, & earum nonnullæ nihil omninò. Nec separatim, ut in aliis animalibus, urina profluit; sed in communem cloacam, alvi quoque fæcibus dicatam, ex ureteribus destillat; differt hoc lotium in avibus, atque in aliis animalibus; aves (contra quàm vivipara animalia) majorem sedimenti copiam obtinent; idque à liquidâ parte, colore albo sive argenteo distinguitur; & non modò in cloacâ reperitur, alvi quoque fæces circumalinit; sed etiam in toto ureterum ductu; qui à renum tunicis, hâc ipsâ albedine discernuntur. Major quoque hujus materiæ, quàm serosæ & tenuioris partis copia: estque consistentiæ inter crassam urinam, & itercoraceum excrementum mediæ; adeò ut ureteres pertransiens lac coagulatum, sive leviter densatum referat, forasque ejectum citò facillè in crustam friabilem concreseat. *Ibid. seq.*

In minoribus avibus (quæ quotannis duntaxat semel, & pauciora ova pariunt) vix ovarium reperias; sed ubi in maribus testiculi siti sunt, ibi in fæminis pro ovario tres aut quatuor bullæ (pro numero scilicet ovorum, quorum sunt primordia) nec minus ipsis marium testiculis conspicuæ, inveniuntur. *Ex 3. p. 8. seq.*

In omnibus avium ovis reperiuntur chazæ, fæcundis pariter & subventaneis, idque in utroque eorum cacumine. *Ex. 14. p. 42. seq.*

D

Etiam

Etiam in minimarum avicularum ovis, tenue filum aut nervulus chalazæ vestigium exhibet. *Ex. 12. p. 43.*

Aves minores, celeriter, & affricu duntaxat coitum perficiunt. *Ex. 5. p. 17.*

Aves venere turgentes orificium uteri protendunt; quod renitens ac duriusculum reperiens, si digitum admoveris. Adeò verò libidinosa interdum aves sunt, ut si dorsum earum manu solùm leviter tangas, statim procumbant, orificiumque uterinum nudent, & exporrigant, quod si blandè digito demulseris, vago murmure, alarumque gesticatione, gratam veneris dulcedinem exprimunt; quinetiam fœmellas ova inde concipere, in turdo, merulâ, aliisque expertus sum. *Ibid.*

Aquatilia. Pisces, qui turmatim ad multa centena millia, prolis educandæ gratiâ, certis locis convenire solent, statâ anni tempora designant. *Ex. de Part. p. 334.*

Jecur piscium semper albicans cernitur, dum eorum venæ purpurascunt, & nigricant. *Ex. 51. p. 194.*

Pisces & serpentes intra amplas vesicas in abdomine positas aërem attrahunt, & reservant; & ranæ, ac bufones, cum æstate vehementiùs respirant, aëris plus solito in vesiculas numerosissimas absorbent, unde earum tam ingens tumor. *Ex. 3. p. 5.*

Pisces duas quasi vesicas oblongas, sive folliculos nacti sunt, ut videre est in cypri-
no,

no, halece, & violâ, (quam nostrates *Smelt* vocant) in quibus omnibus, ut nullus cernitur uterus, præter ovarium; ita hoc ovis aliquando adeò refertum est, ut reliqui corporis molem faciliè exsuperet. *Ex. 3. p. 8.*

In utroque piscium sexu, generationis tempore, duo folliculi per totum ventrem ducti, situ, figurâ, & magnitudine pares insunt; qui simul adaucti, replentur, in mare quidem materiâ similari, spermaticâ, lacteâ, in fœminâ verò granulis innumeris, præ exiguitate visum effugientibus. *Ibid.*

Piscium ova, membranis, involucris ac munimentis constant; & materia contenta constitutione dissimilari haud prorsus destituitur. *Ex. 60. p. 258.*

Ova piscium fœcundandi vim forinsecus mutuuntur. *Ex. 36. p. 125.*

A piscium masculorum geniturâ in aquam sparsâ, magnam ovorum congeriem fœcundari certum est. *Ex. 40. p. 135.*

Vidi ipsemet aliquando pisces mares fœmellam jam parituram (canum more) turmatim sectari, ut ova recens posita lacte suo, sive semine aspergerent. *Ex. 41. p. 140.*

In Piscibus cartilagineis, ut Rajâ, Fastinacâ, Caniculâ &c. bina duntaxat ova simul maturantur, & utrinque à dextro & sinistro cornu descendencia, in utero inferiore foventur, excluduntque fœtus vitales, (ut viviparis contingit) in ovario tamen infinitus

penè ovorum numerus , diversarumque magnitudinum reperitur; in Rajâ supra centum numeravi. *Ex. 3. p. 7.*

Piscibus cartilagineis statum pariendi tempus est in autumno. *Ex. de part. p. 333.*

Piscium cartilagineorum (nempe Rajæ, Pastinacæ, & Caniculæ) ova bicolora sunt, & vitellum satis coloratum habent; cum tamen eorundem piscium omnes partes (apsa etiam jecorum parenchymata) albæ, extingues, & frigidæ appareant. *Ex. 60. p. 264.*

Omnes pisces sponte suâ nascuntur. Apparet hoc maximè in Rajâ, Pastinacâ, Galeo, omnibusque piscibus cartilagineis, qui ova intus concipiunt, eaque perfecta, & bicolora, (albumine scilicet & vitello prædita) atque cortice cartilagineo valido quadrangulâri conclusa; è quibus intra abdomen & uterum detentis, pisciculi efformati, rupto vi cortice, egrediuntur foràs. *Ex. de part. p. 345.*

In Cyprino, aliisque quibusdam piscibus, vesicam urinariam deprehendi. *Ex. 5. p. 15.*

Pisces, Ranæ, Crustata & Coch'leæ ova ejusdem omnia magnitudinis in se continent; quæ foràs emissâ, simul augentur, perficiuntur, & fetus excludunt. *Ex. 3. p. 7.*

Coch'leæ sua ova reponunt in spumâ *Ibid.*

Crustata (perquillæ, gammari, attaci) pinus adhærentia circumferunt. *Ibid.*

In-

Insecta. Multa animalia, præsertim insecta, ab inconspicuis præ exiguitate principiis & seminibus (quasi atomis in aëre volitantibus) a ventis huc illuc sparsis ac disseminatis, oriuntur; quæ tamen sponte, sive ex putredine orta judicantur; quia eorum semina nuspiam comparent. *Ex. 41. p. 142.*

Insecta plurima (in quorum censu bombyces, & papiliones sunt) ova concipiunt & pariunt, absque maris congressu, sed irrita & subventanea. *Ex. 5. p. 20.*

Insectorum ova membranis, involucris ac munimentis constant; & materia contenta constitutione dissimilari, haud prorsus destituitur. *Ex. 60. p. 258.*

Ex ovīs insectorum vermes atque erucæ primum erumpunt, è quibus postea in chrysalidas, sive aurelias (tanquam in nova) denuò regressis, musca tandem, vel papilio enascitur. *Ex. 62. p. 274.*

Muscæ omnes & papiliones, membranulas (in quibus aureliæ delitescabant) perforant. *Ex. de Part. p. 344 seq.*

Ad eundem modum vespæ, crabrones, & reliqua insecta, sponte suâ nascuntur. *Ex. de Part. p. 345.*

Vere, quamprimum erucæ cernuntur, (quarum semina, instar atomorum invisibilium, à ventis ut plurimum deferuntur; non autem, ut vulgò creditur, sponte, vel è putredine ortum ducunt) arbores statim

gemmaſ ſuas protrudunt, erucis illis ceſſuras in alimentum; quas viciffim aviculæ plurimæ inſectantur, alendiſque pul- lis ſuis in nidos deferunt. Adeò ut, quo- tieſcunque cernere contingit, inuſitata eru- carum genera, ſimul aviculas rarò viſas, peregrèque adventantes conſpiciamus; (tanquam hæ illas è remotioribus terris perſequerentur) ſuntque utriſque eadem ferè pariendi tempora. *Ex. de Part. p. 334.*

C A P. V.

*De Animalibus in ſpecie.**Homo.**Uterus muliebris.*

Mulieris uteri orificium anguſtiſſimum flavefcente glutine obſtruitur. *Ex. 65. p. 282.*

Puellæ impuberes, ut mammaſ non ha- bent, quàm pueri, majores; ita uterus illis eſt perexiguus, albus, cutaneus, venis de- ſtitutus, digitique majoris apicem, aut fa- bam majusculam magnitudine non exce- dens. *Ex. de Part. p. 351.*

In virgine nubili, pyri magnitudinem & formam refert. *Ex. de Part. p. 353.*

In mulieribus ſæcundis, & ad concipien- dum

dum idoneis, parvæ cucurbitulæ, aut ovi anserini amplitudine conspicitur; simulque cum mammis turgescit, laxatur, & carnosior factus incalescit. *Ibid.*

Reperi eum statim à partu magnitudine capiti æqualem, & plus quàm digiti majoris latitudine crassum, vasisque plurimis sanguine plenis refertum. *Ibid.*

Vetulæ, ut collapsa ubera, ita uterum retractum, flaccidum, vietum, pallidum, venis & sanguine carentem habent. *Ex. de Part. p. 351.*

Vasa præparantia dicta, & deferentia vel ejaculantia Anatomici in muliere sollicitè nimis inquirunt: quippe omnibus non contingunt, & in quibus insunt, nunquam eodem modo reperiuntur. *Ex. 65. p. 281.*

Coïtus mulieris. Novi plurimas mulieres, quæ citra humoris in coïtu ejectionem fæcundæ satis essent; & nonnullas etiam, quæ postquam emissionem ejusmodi expertæ sunt, majore quidem voluptate in coïtu delectarentur, sed de fæcunditate solitâ plurimum amitterent. Infinita etiam exempla sunt fæminarum, quæ, licet in coïtu voluptatem sentiant, nihil tamen emittunt, & nihilominus concipiunt. Humor autem ille foràs ejicitur, & circa clitoridem, vulvæque orificium ut plurimum profunditur; rarò intra vulvam, nunquam verò intra uterum; estque consistentiâ serosus sive ichorosus, ad modum urinæ. *Ex.*

Mulier gravida. Mulieris gravidæ uterus indies, prout fœtus increverit, crassior & canohor evadit. *Ex. 69. p. 299.*

Vidi sæpè aquas medio gestationis tempore proruere, citra abortum: salvo interea, & vigente ad partum usque robustiore fœtu. *Ex. de Ut. Memb. & Ham. p. 366.*

Mulieris Partus. Matronæ prudentiores, dum singulis mensibus solitum menstrui fluxus diem in fastos referunt, spe rarò excidunt; verùm transactis decem lunæ curriculis, eodem die, quo (absquè prægnatione foret) menstrua iis profluerent, partum experiuntur, ventrisque fructum colligunt. *Ex. de Part. p. 338.*

Fuit profectò non ita pridem apud nos mulier, quæ fœtum in utero sedecim amplius mensibus gessit, cumque ultra decem menses (pluribus ejus rei concitiis) huc illuc variè sese commoventem sensit, tandemque vivum peperit. *Ex. de Part. p. 335.*

Inter signa imminentis partûs, lac potissimùm habetur: tale, inquam, quod & copiâ, & consistentiâ, alendo fœtui sit idoneum; quale ante septimum mensem non conspicitur. *Ex. de Part. p. 332.*

Matrix ad partum matura, descendit inferiùs, emollitur, atque orificium suum aperit. Colliguntur etiam aquæ vulgò dictæ: id est, pars quædam chorii, in quâ prædicta materia aquosa continetur, fœtum antecedit, atque è matrice in vaginam prolabitur:
par-

partes quoque vicinæ laxantur, & distensionem aptæ fiunt: quinetiam sacri & pectinis ossium cum coxendice copula (quæ fit per synchondrosin) adeò emollitur, & solvitur, ut dicta ossa faciliè exeunti fœtui cedant; & hiantia, regionem totam hypogastricam ampliorem reddant. *Ibid.*

Proditurus infans, cum se vertit, caputque deorsum præcipitat, os uteri laxat & aperit; descendens verò, si ad coccygis apicem impegerit, hæret, ægrèque prodit foràs; non sanè sine sui ipsius, foetantisque discrimine. Naturæ autem instituto laxari & emolliri partes illas, manifestum est. Nam si immisso digito, orificium matricis molle & laxum obstetrix invenerit, appropinquantis partus signum æstimat certissimum, etiam antequam aquæ proruperint. Imò verò (experta prodimus) si quicquam vel post partum remanet ejiciendum, vel alio quovis tempore inest, quod uterus expellere conetur, orificium ejus tum inferius prolabitur, tum etià molle & laxum reperitur: sin autem illud post partum sursum retractum, & duriusculum inveniatur, salubritatis hoc est indicium. *Ex. 58. p. 251.*

Simili quoque experienciâ edoctus assero, ossa pubis sæpè ab invicem in partu laxari, emollito eorum cartilaginoso connexu, totamque hypogastrii regionem ad miraculum usque ampliari; non quidem

ab aquosæ substantiæ profusione , sed suâ sponte, ut fructus maturi excludendis suis seminibus solent hiscere. *Ibid.*

Obstetricibus expertis non ignotum, mulieres aliquando conceptum integrum, cum ambientibus membranis illæsis, excludere. *Ex. de Part. p. 341.*

Novimus, parturientes interdum ab ingenti distentionis molestiâ, ob fætum scilicet secundinis (ceum ovum integrum) prodeuntem, membranarum rupturâ, (sive obstetricis unguibus, sive forcipis operâ ea contingat) effluente subitò aquâ, plurimum levari. *Ex. 58. p. 252.*

Norunt quoque gnaræ obstetrices, si quando antè debitam uteri apertionem, omnis aqua simul effluerit, fœtantem in partu diutiùs morari, ac difficilior fieri puerperium, *Ibid.*

Nonnunquam mulieribus in partu aquam ingenti copiâ profluxisse vidimus: aliquando etiam geminam: obstetrices nostræ, *bywaters* nominant. Ideòque mulieres aliquæ, ingentem ventris tumorem præse ferunt, licet parvulum postea & extenuatum fætum pariant; aquas verò copiosissimas profundunt. *Ex. de Ut. Membr. & Hum. p. 366.*

Addam exemplum memorabile, mihi narratum ab Illustrissimo Domino *Georgio Carew*, Comite de Totnes, & Munsteri in *Hibernia* diu Proconsule, qui etiam eorundem-

dem temporum annales conscripsit. Mulier scil. gravida maritum in castris stipendia facientem comitabatur; cumque exercitus quotidie in alia loca migraret, fortè à minoris fluminis occurſu impeditus, per horam substitit: simulque gravida hæc, ingruente jam partu, ad arbuſta & vepreta proxima seceſſit, ſolaque, citra ullius obſetricis operam, aliumve apparatus, duos infantes peperit; quos ad flumen deferens, aquâ vivâ proluit, ſequè ipſa lavit; quo factò gemellos rudi veſtamine incluſos humeris geſtavit, eodemque die, nudis pedibus (ut erat) exercitum comitata, duodecim mille paſſuum iter fecit, idque ſine ullo valetudinis diſpendio. Sequenti verò die, Illuſtriſſimo Proregi Comiti *Montjoy*, (qui eo tempore contra Hiſpanos in obſidione Kinfalienſi exercitum ducebat) ipſique Proconſuli, rei novitate motis, ſacro luſtrico intereſſe, nominaque infantibus dare placuit. *Ex. de Part. p. 357.*

Mulier quædam apud nos (compertum narro) ſub veſperam mortua, in conclavi ſola relictæ eſt: mane autem ſequenti, inter femora ejus repertus eſt infans, qui proprio niſu exitum ſibi procuraverat. *Ex. de Part. p. 345.*

Uterus ſtatim ab excluſo fœtu & ſecundis, ſeſe ſenſim colligit, cervicem arctat, atque interiora verſus in locum priſtinum ſe retrahit; & partim per diaphoreſin in.

sensibiliter minuitur, partim in lochia solvitur; partesque omnes vicinæ, ossa, venter, totaque regio hypogastrica, simul constringuntur; & firmanantur. Per lochia emanat primò sanguis purus; postea saniosus, recentis carnis loturæ similis; deinde ichorofus. *Ex. de Part. p. 353.*

Si vel sanguinis grumi, vel aliud præternaturale, post partum in cavitate uteri remanserit; hic nec sursum retrahitur, nec orificium suum claudit; sed cervix ejus mollis, & aperta persentiscitur. *Ex. de Part. p. 354.*

Abortus. Pleræque mulieres, quarum conceptus (instar ovi subventanei) irritus & sine fœtu est, tertio mense abortiunt. *Ex. 56. p. 235.*

Perire intus conceptum, & in putrilaginem versum sensim indies (tanquam flores albos) emanare; nonnunquam observavimus tum in mulieribus, tum etiam in aliis animalibus. Erat non ita pridem Londini mulier; quæ, post ejusmodi abortum, concepit denuò; debitoque tempore infantem peperit. Postea verò, interpositis aliquot mensibus, dum consueta obit munia, sine dolore & ægritudine aliquâ insigni, prioris abortûs officula nigra frustatim ejecit. Eorum quædam ad me delata, esse spinæ, femoris, & aliorum ossium fragmina, indicium fecerunt. *Ex. de Part. p. 337.*

Superfetatio. Novimus mulieres, post tri-

trimestre aut quadrimestre spatium, mortuo jam conceptu & in utero putrescente, paulatimque (ceu putridis lochiis) effluente tabo, superfoetasse. Eædem tamen post decimum quartum demum mensem se peperisse affirmârunt. Famula quædam ab hero suo compressa, ut culpam tegeret, Septembri mense Londinum advolat; ubi clanculum peperit; & firmatâ valetudine, domum reversa est. Decembri autem sequente novo partu (nam superfoetaverat) occultatum antea crimen divulgavit. *Ex. de Part. p. 336.*

Embryo humanus. Primo mense, vix quicquam conceptus in utero extare arbitror; saltem nihil unquam reperi. Labente verò eodem mense, conceptum rejectum sæpius vidi (similem ei, quem è tibicina excussum Hippocrates memorat) ovi phasiani magnitudine, aut columbini; eratque instar ovi excorticati, formâ nempe ovali: membrana autem crassior (Chorion dicta) eum ambiens, foris ceu mucore albo obsita conspiciebatur, (præsertim parte obtusiore) intus verò lubrica apparuit, aquâ limpidâ, lentâque plena: præterea nihil inerat. *Ex. 56. p. 235.*

Secundo mense ovum ejusmodi (sed majus) sæpe conspexi cum abortus indiciis rejectum, lochiis scilicet ichorosis: idemque aliquando integrum; aliquando ruptum thrombis sanguineis opertum. Intus læve

erat, & lubricum; sanguine foris adhærente: eâdemque formâ, quâ prior, comparuit. In horum rejectorum quibusdam fætum inveni; in aliquibus nullum. Fætus ille longitudine quidem unguem digiti minimi, formâ verò ranulam referebat, præterquam quod magno capite, & pedibus brevissimis esset; instar gyrinorum, mense Junio, cum artus primum pullulant, caudam amittunt, & ranæ imaginem induunt: Tota ejus substantia alba, adeoque mollis & mucilaginosâ apparuit; ut, nisi aquæ limpidæ inditam, manibus tractare non potuerim. Facies eadem erat, quæ aliorum animalium, canis nempe, vel felis; sine labiis, largoque oris rictu ad aures usque patente. *Ibid.*

In Conceptu muliebri (dierum circiter quinquaginta) gallinaceo ovo, aut gallinæ indicæ, æquali, fætus longitudine fabæ majusculæ visebatur, cum capite prægrandi, quod cerebellum, tanquam crista, supereminebat; cerebrum autem ipsum lacti coagulato erat simile; Cranii vice membrana coriacea, & aliquibus locis cartilaginosa, per frontem ad narium radices dividebatur. Rostrum apparuit caninum, auriculæ nullæ; neque item nasus: arteriam asperam tamen in pulmones descendentem, penisque rudimentum discernere licuit; Ambæ cordis auriculæ, tanquam oculi nigricantes, cernebantur. *Ex. 69. p. 303. seq.*

In Embryone humano genitalia conspicua sunt, simulatque arteria aspera discernitur. *Ex. 69. p. 299.*

Abortum tertio mense rejectum sæpe dissecai (ad ovi anserini magnitudinem) cui inerat fœtus (duos digitos transversos longus, *Ex. 69. p. 297.*) omnibus suis partibus distinctus, rudi tamen formâ. Apparebant quidem caput, oculi, atque artus; muscoli verò indistincti erant; ossa nulla, sed eorum loco lineamenta quædam alba, & veluti cartilagine molliores: cordis substantia albißima, cum duobus paris magnitudinis & crassitie ventriculis, & bicipiti cono; (parvos nucleos gemellos diceret:) jecur valdè exiguum, atque idem album. Toto hoc temporis spatio (trimestri scil.) vix quicquam placentæ sive hepatis uterini conspicitur. Nullum indicium reperire licuit, quo conceptum illum sive ovum utero adhuc connexum fuisse crederem: solummodò parte ovi hujus obtusiore, externa superficies rugosior crassiorque, (quasi musco tenui, aut lanugine quâdam vestita, *Ex. 69. p. 296.*) apparuit; tanquam placentæ jam futuræ rudimentum. *Ex. 56. p. 235. seq.*

Interior ovi hujus superficies, lævis & lubrica existens, plurimis vasorum umbilicalium propaginibus, referta cernitur. *Ex. 69. p. 296. seq.*

Quarto mense (cum conceptus Struthio-

thionis ovo grandior vifitur, *Ex. 69. p. 297.*) mirum dicta, quantum factus accreverit: jam enim à pollicis longitudine, ad fpathamæ amplitudinem auctus est: membra quoque omnia diftincta apparent, & fanguine tinguntur; artuum muscoli, & offa difcernuntur; unguum etiam veftigia confpicua funt; feque ipfum validè movere embryo incipit. Caput tamen prægrande est; facies fine labiis, buccis, & nafo; Rictus oris ingens, cujus medium lingua occupat; oculi parvi, fine palpebris; Membrana frontis medium totumque verticem operiens, nondum cartilaginea, nedum offea evadit; occiput verò duriusculum, & quafi cartilaginofum, calvariæ foliditatem jam inceptam indicat. Genitalia quidem comparebant, verùm testiculi intra abdomen (ubi fœmellis uterus) locabantur, manente fcroto inani. Muliebria imperfecta vifebantur; uterufque cum fuis tubulis formam uteri agnini bicornem referebat. Placenta nunc auctior, uteroque affixa, conceptus ferè medium comprehendebat; mihi que videbatur, quafi carnofa uteri excrefcencia, feu fungus; adèò in toto ambitu, pars ejus gibba, utero jam craffiori reddito firmiter adnafcebatur; In hanc ramuli umbilicales fpargebantur. Cerebrum amplum & fluidum, coagulum referebat, venis majusculis refertum. Cordis ventriculi ambo
ejus-

ejusdem magnitudinis, eorumque parietes æqualiter crassi. In pectoris regione intra costas, tria loca concava, nec multum inæqualia visa sunt; quorum infimum pulmones sanguinolenti, similique cum jecore & renibus colore, possidebant: medium cor & pericardium occupabant: superiorem verò partem glandula (quam thymum dicimus) prægrandis complebat. *Ex. 56 p. 236. seq.*

In ventriculo chylus reperiēbatur; non absimili substantiā ab aqua, in quā natat. Inerat quoque coagulum album, simile strigmentis illis albis & mucosis, quæ obstetrix in recens natis (è cutis præsertim plicis) statim à partu abluīt. In superioribus intestinis excrementi vel chyli aliquid: in inferioribus papaverculum. In vesica urina reperiēbatur; sicut & bilis in vesicula ei destinata. Intestinum cæcum (perinde ac in adultis) quasi coli appendiculum vacuum erat, & superfluum; non autem, ut in aliis animalibus (nempe porco, equo, lepore) tanquam alter ventriculus. Omentum, cæa velamentum, aut nebula tenuissima ac transparens, super intestina omnia fluitabat. Renes eo tempore non formantur in gibbum, ut in adultis; sed ex multis quasi globulis compinguntur; (quales in vitulo conspiciamus, & tursione) tanquam singulis ureterum divaricationibus, ad earundem ori-

orificia totidem globuli aut papillæ apponerentur , è quibus urinam emulgerent. Supra renes glandulæ binæ reperiuntur , ab Eustachio primùm observatæ, plurimo sanguine scatentes ; earumque vena , quam adiposam Anatomici vocant , non multò minor ipsâ emulgente apparet. Jecur & lien , (secundum proportionem) uterque sanguine æquè plenus. *Ex. 56. p. 237. seq.*

Aqua illa , quæ in conceptu abundat , minore copia (pro proportionem) cernitur propè partum , quando fætus est grandior , quàm primis prægnationis mensibus. Vesica eo tempore urinâ plena & distenta est. Profectò transitum illum (quem urachum Anatomici appellant) urinam , ut putant , è vesicâ per umbilicum educentem , nunquam invenire potui ; sæpè verò observavi , vesicam manu compressam , urinam foràs per penem non autem per urachum profunderè. *Ex. 56. p. 238.*

In humano fætui , cutis , partesque omnes cutaneæ , ultimo loco perficiuntur. Idèdque inter initia , nec labia , nec buccæ , nec auriculæ , nec palpebræ , nec nasus discernuntur : ultimòque omnium coalescit linea illa , quâ labia superiora committuntur. *Ex. 56. p. 239.*

Fætûs in utero positura. Infans in utero ut plurimum reperitur , adductis ad abdomen genibus , flexis retrorsum cruribus , pedibus decussatis , manibusque sursum ad

caput sublatiſ, quarum alteram circa tempora, vel auriculas, alteram ad genam detinet; ubi maculæ albæ, tanquam confrictionis veſtigia, in cute cernuntur: ſpina in orbem ſeſtitur; caput ad gœua, incurvato collo, propendet. Tali membrorum ſitu, qualem in ſomno per quietem quærimus, capite ſupernè, facieque ut plurimum ad matris ſpinam verſâ, embryo locatur. Paulò autem antè partum, capite deorſum inflexo, verſus matricis oriſcium (tanquam exitum quæſiturus) urinatur, inumque petit. *Ex. de Part. p. 331. ſeq.*

Fætum humanum in utero diverſum ſitum nanciſci, gravidæ norunt; quarum uterum modò ſupernè, modò infernè, nunc in hoc, nunc in illo latere pulſat. *Ex. de part. p. 332.*

Ego non arbitror, fætum eandem ſemper membrorum poſituram ſervare. Quippe in aquâ natans, ſeſeque movens, modò huc, modò illuc extenditur; varièque inflectitur, & volutatur; aded ut proprio umbilici funiculo implexus, mirè interdum irretiatur. *Ex. de part. p. 331.*

Fætuſ in tubâ uteri hærens. Quemadmodum alia animalia ſemper in cornibus concipiunt; ita aliquando etiam mulier reſerta eſt, quæ fætum in cornu, ſive tubâ illâ gereret; ut doctiſſimus Riolanus (*Anthrop. l. 2. c. 34.*) ab aliis obſervatum meminit,
&

& nos etiam propriis oculis conspeximus. *Ex. 65. p. 283.*

Fœtus exsecti. Vidimus sæpissimè tætus ab utero exsectos, defunctis jam ante horas aliquot matribus, superstitibus. *Ex. de Ut. Membr. & Hum. p. 376.*

Fœtus Secundinæ. Placenta muliebris gibbâ sui parte, quâ utero adhæret, plurimis tuberibus inæqualis est; videturque istorum operâ eidem adnasci; adeò, ut non ubique utero affigatur, sed iis solum locis, ubi vasa in eum porrecta, nutrimentum eliciunt, & in quibus propterea vasorum quasi fines abrupti cernuntur. Num autem dictæ vasorum extremitates sanguinem ab utero exsugant, an potius concoctum quid albumini simile, quale in cervis & damis reperiri diximus, nondum exploratum habeo. *Ex. 70. p. 310.*

In Placentâ muliebri statim à partu (si rem probè inspexeris) arterias multò plures, quàm venas, majoresque, cum infinitis propemodum furculis, quoquo versum ad extremum usque ambitum ejus ductis ac disseminatis, reperies. Sicut etiam in simili lienis fungoso parenchymate arteriarum numerus, quàm venarum, major est. *Ex. 70. p. 308.*

Membrana Chorion (in muliere) parte sui inferiore, cum Amnio ferè jungitur; nec facilè ab isto separabilis est. *Ex. de Ut. Membr. & Hum. p. 367.*

Mem.

Membrana Chorion (in muliere præsertim) foris inæqualis, & viscosa est; intus autem lævis & lubrica cernitur, venis plurimis intertexta. Pars ejus superior est crassior, molliorque: inferior autem, tenuior, & magis membranacea. In muliere etiam, placenta parti hujus membranæ superiori adnascitur. *Ibid.*

Venæ umbilicales juxta embryonem in duos truncos dividuntur; eundem verò ingressæ, unam venam umbilicalem constituunt; quæ in Cavam, propè dextram cordis auriculam, definit; jecurque permeans, in Portam perforatur; nullasque præterea propagines de se spargit, donec è gibba jecoris parte prodeat, orificio satis amplo. Adcò ut apertâ venâ cavâ ab auricula cordis deorsum versus, sanguineque omni depletâ, orificia tria quasi simul juncta conspiciantur: quorum unum, venæ cavæ descendens est introitus: alterum, rami jecorarii, per totam hepatis gibbam disseminati, exitus; tertium autem, venæ istius umbilicalis origo. *Ex. de U. Membr. & Hum. p. 374.*

In humano fœtu, trium quatuorve digitorum ab umbilico intercapedine, venarum atque arteriarum trunci simul involuti complicantur, (perinde ac si cereos aliquot, funis instar, contorqueas) eosdemque membrana crassa ac mucosâ obducit & conglutinat. Funiculus ipse Chorion adien

adiens, in fima placentæ parte, choriique interiore superficie, in plurimas propagines dirimitur; ac deinde in alias propemodum infinitas ramificatur; quibus alimentum, ceu per radices haustum, alendo fœtui distribuitur. Ejusdem funiculi venæ, variis locis nodos aliquot sive varices, quasi vesiculas sanguine plenas, obtinent: quâ arte à naturâ cautum est, ne sanguis in fœtum confertim refluat. *Ibid. seq.*

Certum est, arterias umbilicales, non matris, sed cordis proprii virtute agitari; quippe rhythmum, sive ordinem à matris pulsû diversum obtinent: idque facilè experiri licet, si manum alteram carpo matris, alteram umbilici funiculo admove-
ris. Imò verò in cæsonibus, membranâ Chorion etiamnum obvolutis, sæpè reperi (matre jam extinctâ, & planè rigidâ) arterias umbilicales micantes, fœtumque vegetum. *Ex. de Ut. Membr. & Hum. p. 376.*

Fœtus suctio. Experti sumus, fœtum in partu hærentem, antequam ejulare, respirare possit, digitum ori admotum apprehendere & fugere. Quinimò recens natus suctionem accuratiùs molitur, quàm adultus, aut ipsemet per aliquot dies defuetus, queat. Neque enim infans papillam labiis comprimens fugit, ut nos, absorbendo; sed quasi deglutire vellet, totam in fauces usque attrahit, linguæque & palati auxilio,

tan-

tanquam manducando, lac emulget; majore profectò conatu, atque arte, quàm adultus possit. *Ex. 58. p. 254.*

Fetûs lac. Notandum, in omni fœtu humano, vegeto & sano, lac perfectum passim reperiri; eodemque maximè thymum glandulam abundare. Reperitur etiam in pancreate, & per totum mesenterium, in quibusdam quasi venis lacteis, glandulisque, inter divaricationes venarum mesaraicarum positis. Quinetiam ex infantium recens natorum uberibus aliquando exprimitur, imò spontè effluit. *Ex. 56. p. 238.*

Hermaphroditus. In muliere quâdam ex febre mortuâ embryonem hermaphroditum, longitudine fabæ majusculæ, reperi. Pudendum ei erat, quale cuniculo: labia, præputium, nympha, glandem referebant. Visum est quoque parte superiore penis exordium; & utrinque, pro testiculis, scroti laxior cutis aderat. Uterus autem perexiguus, uteri ovilli vel talpæ effigiem, cum duobus cornibus exhibebat. Et, quemadmodum prostata glandulæ, juxta pueri penem locabantur; ita similiter testiculi visendæ magnitudinis cornibus istis adjacebant. Adeoque foris sexum virilem potiùs, intus autem, muliebre magis præferebat. Uterus matris ingens apparuit, cum vesicâ urinariâ (ceu appendice) adjunctâ: contrà autem in fœtu, vesica magna cum annexo
utero

utero perexiguo sese obtulit. *Ex. 69. p. 304.*

Legi apud D. du Val, Medicum Rothomagensem, hermaphroditum quendam chirurgis atque obstetricibus demandatum fuisse, ut, num vir an mulier esset, decernerent. Illi inspectis genitalibus mulierem esse judicabant: iustumque propterea est, ut sequioris sexus vestitu uteretur. Interea tamen mulierum amores sectari, virique officium præstare, accusabatur. Hic tandem repertus est, erumpente ex latenti præputio (tanquam ex locis muliebribus) mentulâ, viri munus obuisse. *Ex 5. p. 16.*

Homines caudati. Chirurgus quidam, vir probus, mihi que familiaris, ex judic Orientali recux, bonâ fide mihi narravit, in insulæ Borneæ locis à mari remotioribus & montosis nasci hodie genus quoddam hominum caudatum, è quibus ægrè captam virginem (sunt enim sylvicolæ) ipse vidit, cum caudâ carnosâ, crassâ, ipithamæ longitudine intra clunes reflexâ, quâ anum & pudenda operiebat. *Ex. 5. p. 13.*

Equa.

Equa & Asina licet in utero conceptum gerere videantur, is tamen conceptionis locus cornu potius naturam & constitutionem, quam uteri, refert: locus enim

enim ille non est bipartitus, sed oblongior, & ab utero discrepans, tum situ, tum connexionione, tum fabricâ & substantiâ, magisque utero superiori, seu processui uterî gallinæ (ubi ovum crescit & albumine cingitur) comparandus est, quàm utero muliebri. *Ex. 65. p. 286.*

Sues & equæ carnosam copulam non habent; sed in iis ovum sive conceptus, ut primò ex succis in utero scatentibus sit, (quemadmodum ovum in gallina albumine augeri diximus, citra ullam ejus cum utero connexionem) ita pariter incrementum accipit; fætusque etiam, alimento à conceptu (in quo continetur) subministrato, in eundem modum alitur, quo pullus ex ovi liquoribus. *Ex. de Ut. Membr. & Hum. p. 368. seq.*

Quibus viviparis carunculæ & placentæ defunt, (ut equis & porcis) eorum fætus ad partum usque humoribus duntaxat intra conceptum repertis enutriuntur; neque uspiam illorum conceptus utero adnascitur. *Ex. 70. p. 309.*

Serenissima Angliæ Regina equam candidissimam, formæque eximiæ, dono acceperat: ejusque genitalia (ne ab equis admistrariis inita, corporis gratiam atque equitandi usum amitteret) equifones (ut fieri solet) annulis ferreis infibulaverant. Eadem tamen, (nescio quo pacto, nec custodes mihi modum indicare poterant)

E facta

facta est gravida; tandemque, cum nihil tale suspicarentur, noctu peperit, pullusque vivens mane ad matris latera conspicitur. Id cum mihi nunciaretur, adii illicò locum, vidique ambo vulvæ labia annulis confuta, totumque pudendum versus sinistrum latus detrusum, abruptum, & à dextrâ coxendicè laceratum adeò, ut solutâ per incredibilem fætûs vim partis robustissimæ unitate, facilè ei per ingentem illum hiatus exitus patefceret. *Ex. de part. p. 346.*

Ovis.

Tales angustix (quales in cervarum uteri orificio interno observantur) in cervice uteri ovilli, vaccini, & caprini (Fabricio quoque observatore) reperiuntur, arctè omnes conclusæ, & ingressum quemlibet præcludentes. *Ex. 65. p. 282.*

Vidi aliquando in conceptionibus ovillis (duorum circiter mensium) fætus geminos, (interdum unum duntaxat) qui digitum transversum longitudine æquabant: forma iis erat minimæ lacertulæ: magnitudo vespæ, aut crucæ: spina dorsi in orbem flectebatur adeò, ut caput propemodum ad caudam pertingeret. Uterque separatim in aquâ limpidâ peculiari intra Amnium natabat; ejusdemque magnitudinis (tanquam ab uno initu, conce-

ceptuque nati essent) conspiciebantur. Quamvis enim alter in dextro cornu, in sinistro alter reperiretur, ambo tamen in eâdem manticâ, eâdemque aquâ exteriori (ac proinde in eodem ovo) continebantur. Os amplum; oculi verò puncta erant exigua, & vix conspicua; contra, quàm in avium genere contingit. Præcordia quoque illis nondum intra corporis cavitatem conclusa, sed foris pendula cernebantur. Exterior membrana, Chorion dicta, utero minimè adhærebat; adeò, ut conceptum integrum extrahere licuerit. Simul etiam in eâdem tunicâ; infinitas ramorum umbilicalium propagines (utero nusquam alligatas) conspiciam. Aderant solum bini humores, totidemque hos continentes tunicæ: quarum Chorion per utrumque cornu protendebatur, plenumque aquâ turbidiore ovum sive conceptum efformabat: tunica verò Amnios penè invisibilis (qualis oculi arachnoïdes) humorem crystallinum amplectebatur, in quo fætus ovillus natabat. *Ex. 69. p. 301. seq.*

Humor intra Chorion, ad alterum centuplâ (ne dicam millesimâ) proportionem erat; licet ipse humor crystallinus in Amnio eâ copiâ esset, ut nemo illum tantilli fætus in ipsâ natantis sudorem esse, jure suspicari posset. Quinetiam limpidus valdè, nulloque malo odore, aut sapore imbutus apparuit; sed (veluti in cervis &

damis observavimus) omninò lac aquosum videbatur, nihilque excrementitiæ pravitatis obtinebat. Paulò antè partum vix quicquam ejus reperitur. *Ex. 69. p. 302.*

Tunica uteri ovilli interna innumeris carunculis (ut cælum stellis) tota insigniebatur ; erantque oculis cancri, à nobis dictis, non abfimiles, sed minores ; & tanquam verrucæ penfiles, glandulosæ, ac albæ, inter tunicas uteri hærentes, conceptum versus nonnihil excavabantur ; (contrà quam cervis & damis evenit ; in quibus illæ fætum versus extuberant) quinetiam sanguine turgebant ; earumque interior superficies, quæ conceptum respicit, punctis nigris sanguineis plena conspiciebatur. In has carunculas venæ fætûs umbilicales nondum inferebantur ; nec conceptus ipse utero adhærebat. *Ibid. seq.*

Allantoïdema, quam prædicant tunicam à Chorion distinctam, in ovillo conceptu non invenio, sed postea (fætu grandiore facto) cum ovum sive conceptus utero adnascitur, venæque carunculis infeminantur, Chorion ulterius protenditur, & utrinque in extremitatibus ejus (tanquam appendicibus) humor quidam flavedine tinctus (excrementitium diceret) seorsum cernitur. *Ex. 69. p. 303.*

In aliquibus conceptibus ovillis binos fætus reperi ; in aliis duntaxat unicum, cumque omni lanâ nudum, oculisque

arctè

arctè adeò occlusis & agglutinatis , ut palpebras aperire non potuerim ; ungulæ tamen aderant. Quibus bini fætus contingebant , ii in diversis cornibus reperiiebantur ; & quidem promiscuè , nullo observato ordine , mas interdum in sinistro , fæmina in dextro , aliquando contrà inerant : ambo autem semper eodem conceptu communi , eâdemque exteriori membranâ Chorio comprehendebantur : Cujus extrema utrinque ad finem cornuum , quasi bilioso excremento tincta apparebant ; videbanturque turbidi aliquid , & excrementi in se habere. *Ex. 70. p. 312. seq.*

Vasorum umbilicalium propagines , carunculis annexæ , firmiter adeò adnascuntur ; ut , cum divellere eas cuperem , gibba à tunicâ uteri interiore abrumperetur potius , quàm à conceptu recederet : contrà quàm in cervis & damis evenit. Cæteroquin idem utrobique officium , eademque acetabula deprehenduntur ; atque eodem modo viscosus & albugineus mucus (qualis etiam vaccinis carunculis inest) emulgetur. *Ex. 70. p. 313.*

In quo conceptu singularis fætus continetur , hic ad omnes utriusque cornu carunculas vasa sua umbilicalia transmittit , ut inde nutrimentum petat ; cornu autem , in quo fætus ipse (in aquâ crystallinâ intra amnion natans) reperitur , altero majus est : In quo autem bini fætus insunt , eorum al-

teruter privatas suas carunculas obtinet : missique in proprium duntaxat cornu vasis umbilicalibus, ex eodem sibi alimentum quærit. *Ibid.*

In fœtu masculo, testiculi (pro ætate) magni foris in scroto propendent. Fæmel- larum autem ubera, ibidem loci, papil- lis (quales mulierum mammæ habent) do- nantur. *Ibid. seq.*

In duplici fœtus ventriculo (nempe oma- so & abomaso) aqua crySTALLINA, similis illi, in quâ natabat, apparuit; quippe co- lore, odore, sapore, & consistentiâ, pla- nè inter se congruebant. Inerat quoque in intestinis superioribus, quasi chylus; in inferioribus excrementum viride, & scy- bala, qualia, cum gramine pascitur, ege- rere solet. Jecur satis amplum reperieba- tur: fellis quoque vesicula oblongior, & in quibusdam vacua. *Ex. 70. p. 314.*

Lepus. Cuniculus.

In Lepore, & Cuniculo (prægnantibus) multi globuli, (quemadmodum in serpen- tibus ova) tanquam armillæ ex pluribus succini globulis filo unitis, conspiciuntur. Et leporinus quidem conceptus glandi quercinæ persimilis est; dum eum placen- ta, ad modum cupulæ, complectitur, hu- moresq; in tunicis conclusi, ceu glandes, propendent. *Ex. 69. p. 304.*

Cuniculam, & leporem ex cæsis matrum
uteris extractos, supervixisse novimus.
Ex. de Ut. Membr. & Hum. p. 376.

Canis.

Venatores novimus, qui in venatione,
ubi quadraginta circiter canes feram infe-
quuntur, omnesque simul elatis vocibus
perstrepunt, singulos tamen (etiam emi-
nus) internoscent, atque audito sono in-
telligant, quis eorum primus, quis poste-
rior sit; quis recto tramite incedat, quis
avius aberret; num fugiat fera, an adstet,
& cornibus repugnet: utrum longè præ-
currat, an recens è cubili fuscitata
fuerit. Atque hæc omnia, in medio ca-
num, hominum, cornuumque strepitu &
fragore; idque in ignotâ & obscurâ sylvâ.
Ex. 13. p. 47. seq.

Visa est canis fœmina cibos præmansos
& semicoctos catulis suis nutricandis revo-
mere. *Ex. 7. p. 27.*

Sunt animalium fœminæ, quæ libidine
prurientes vix pluribus maribus contentæ
sunt, ut canis & lupa. *Ex. 39. p. 133.*

In Canibus, Cuniculis, aliisque pluri-
mis animalibus expertus sum, nihil pror-
sus in utero post coïtum per aliquot die-
rum spatium reperiri. *Ex. 68. p. 293.*

In Canibus, per totum cornu ductum
varii nodi sunt; in quibus totidem humo-

res continentur ; & in singulis eorum , singuli fœtus. *Ex. 69. p. 304.*

Evenit interdum , ut catuli , erosus (dum adhuc in utero sunt) membranis, in lucem prodeant. *Ex de part. p. 341.*

Caniculæ delicatulæ, coïtum (citra fecunditatem) admittentes, observantur nihilominus debito partûs tempore ignavæ esse, & parturientium more latitare, atque ab aliâ cane catulos furripere, eosque (ceu proprios) lambere, & fovere, imò verò pro iisdem acriter dimicare. Nonnullæ etiam lac sive colostrum in mammis habent ; aliisque gravidarum & parturientium affectibus obnoxia sunt. *Ex. de Concept. p. 379.*

Animalia nocte melius, quam die videntia.

In eorum Animalium oculis, quibus latissimæ pupillæ contigerunt, noctuque melius vident quàm interdiu, cujus generis sunt bubones, feles & hujusmodi, cernere est, eorum pupillam in tenebris atque umbrâ latissimè patere, in luce verò plurimum coustringi ; nam si talem oculum è luce subitò in tenebras transtuleris, videbis manifestò pupillam ampliari adeò, ut reliquam circumcirca regionem valdè imminuat, & propemodum aboleat. *Ex. 16. p. 61.*

Tal-

Talpa.

In Talpâ inter cutem & abdominis musculos, magna penis retractio conspicitur: ejusque pariter fœminæ longior & profundior vulva obtigit. *Ex. 5. p. 16.*

Mus.

Dictu mirum, quanta maribus (in talparum & murium majorum genere) coïtus tempore, tum in vesiculis feminariis plurimum distentis, tum etiam in testiculis, abundet genituræ copia, & quàm ingens mutatio in utriusque sexûs genitalibus cernatur; cum tamen glandulæ, (quas fœmellarum testiculos arbitrantur) citra variationem ullam, pristinam faciem servant. *Ex. 65. p. 286.*

In talpis & muribus aliàs (*extra tempus coïtus*) nihil omninò feminis, testibus extenuatis intusque tractis, visitur. Uterus autem in iis effætis vix reperitur; ut marem à fœminâ internoscere planè arduum sit. *Ex. de part. p. 351.*

Serpens.

In Serpentum uterî cornibus (quæ sunt instar vasorum spermaticorum in maribus) prima ovorum rudimenta, ceu toti-

dem globuli filo adalligati, apparent. *Ex. 3. p. 9.*

Vipera.

Vipera ovum unicolor & molli cortice (qualis muliebris conceptus est) intra se concipit, ibidemque tamdiu servat, donec fœtus inde efformatus fuerit, quem membranâ obvolutum parit, quæ (teste Aristotele) tertio die rumpitur. *Ex. de Part. p. 341.*

Viperini fœtus ovi continentis tunicam aliquando in utero parentis, aliquando in ipso exitu hærentes, aliquando etiam altero tertiove post nativitatem die erodunt. *Ex. de Part. p. 345.*

Aquila.

Aquilæ nihil omninò bibunt. *Ex. 7. p. 27.*

Struthio.

Perforatio pulmonum in pennatis præsertim patula admodum; adeò ut in Struthiocamelo meatus plurimos repererim, qui digitorum meorum apices facilè exciperent. *Ex. 3. p. 6.*

Ferrum, argentum, & lapillos attritos & propemodum absultos in ventriculo

Stru-

Struthionis inveni, atque etiam in Cassoware. Ideòque vulgò creditur, eos ferrum concoquere, & eodem nutriri. *Ex 7. p. 26.*

In Struthionis mortui cloaca gypsei cæmenti eam copiam reperi, quæ manum integram facilè impleret. *Ex. 11. p. 39.*

In Struthione præter communis cavitatis orificium exterius, quod velabrum tegebatur, aliud intra anum orificium rotundum, constrictum, & quasi sphinctere clausum reperi. *Ex. 5. p. 15.*

Vidi egomet Struthionem fæminam (cum custos dorsum ejus levi manu attrectaret, quò libidine accenderet) sese humi prosternere, velabrum attollere, vulvamque ostendere, & exporrigere; quam intuitus mas, illicò oestro venereo percitus conscendit; alteroque pede in terram, defixo, altero dorsum succubantis prementem, penem ingentem vibrans, (linguam bubulam crederes) subagitavit, multo cum utriusque murmure & strepitu, capitibus sæpè protensis & reductis, aliisque gaudii indiciis. *Ex. 5. p. 12.*

Cygnus & Struthio diutius in complexu venereo hærent, rariùsque coitum repetunt. *Ex. 39. p. 132.*

In ovorum Struthionis & Cassoware utroque cacumine vidi chalazas crassissimas, longissimas, & albissimas, ex pluribus globulis magnitudine invicem cedentibus conflatas. *Ex. 12. p. 43.*

Cassoware.

Avis quædam, quàm cygnus altero tanto major, non ita pridem ex Javâ Indiæ Orient. insulâ in Hollandiam advecta est, quam Batavi *Cassoware* nominabant. Non est bisulca, ut Struthio, sed in singulis pedibus tres digitos habet; quorum unus calcari adeò longo, duro, & robusto armatur, ut facilè tabulam duos transversos digitos crassam calcitrando penetret; antrorsum autem ferit. Corpore quidem, cruribus & femore Struthionem refert; rostrum autem latum (ut hic) non habet, sed teres & nigrum. Super caput, pro cristâ, cornu orbiculatum gerit, extuberans: linguâ caret, quælibet oblata devorat; calculos nempe, carbones (etiam ignitos) & glaciæ frustra, sine discrimine: plumæ ipsi è singulis calamis binæ prodeunt, nigrae, breves, & exiles; ad naturam pilorum sive lanuginis accedentes. Alas habet valdè exiguas & mutilas. Animal est aspectu truculento, eique palearia rubra, & cærulea, oblonga, per collum descendunt. Mansit hæc avis ampliùs annos septem in Hollandiâ; eamque postea Mauritius Princeps Auriacus Regi nostro Jacobo donomisit; in cujus hortis supra quinquennium vixit. Postea autem cum in eundem locum Struthiones duo, mas & fæmina, concedi-

dissent ; eosque avis hæc Cassoware in proximis claustris (ubi separatim alebantur) sæpenumerò coeuntes audivisset, vidissetque ; inopinatò prorsus ova concepit. Ex his ovis unum peperit integrum, quod aperui & perfectum inveni ; albumen nempe luteo circumfufum, cum chalazis five grandinibus utrinque annexis, & cavitate exiguâ in obtuso cacumine ; aderat etiam cicatricula, five macula albicans ; testa erat crassâ, dura, & valida. Erat ovum hoc paulò, quàm Struthionum, minus ; undiquaque perfectum, procul dubio tamen subventaneum, & ob defectum maris infæcundum. Matri verò mortem prædixi, quod non multò post evenit ; dissectoque cadavere ovum imperfectum & corruptum in superiore uteri parte mortem attulisse, comperi. *Ex. 5. p. 18. seq.*

Anser. Anas.

In Anfere, atque Anate manifestissimè apparet penis ; qui, dum coeunt, ab orificio protenditur. *Ex. 4. p. 16.*

In nigrâ Anate penem tantæ longitudinis vidi, ut absoluto coïtu humi pendentem insequens gallina, avidè eum (lumbrium, credo, arbitrata) mordicaret ; faceretque illius citiùs solito retractionem. *Ex. 5. p. 16.*

Observavi Anatem marem conjuge carentem, & cum gallinis commorantem, tantâ libidine æstuarè, ut gallinam juvenculam quoquoeversum per horas aliquot insectaretur, rostro vellicaret, tandemque defatigatam infilerit, stuprumque pati coëgerit. *Ex. 6. p. 24.*

In Anatis & Anseris ovo cavitas exactè circulum non refert. *Ex. 12. p. 43.*

Anates & Anseres, (tempore incubationis) interea dum paulisper abfuerint, ova stramine tegunt, & occultant. *Ex. 13. p. 49.*

Anatum atque Anserum (qui natando cibantur) plumæ & alæ tardiùs perficiuntur, quàm pedes. *Ex. 56. p. 239.*

Phasianus.

Vidi aliquando fœmellam Phasianum, à gallo simul concluso (quem nec occultando sese, neque aufugiendo, evitare poterat) adeò delassatam, dorsoque ob frequentiores ejus insultus deplumem, ut tandem miseris modis exagitata, præ mærore deficeret; In eâdem tamen dissectâ, ovorum rudimenta quidem inveni. *Ex. 6. p. 23.*

Psittacus.

Psittacum insignem, doctèque garrulum, uxor mea diu in delitiis habuit. Is
sæpè

sepe ludibundus & lascivus sedentis gremium adibat; ubi caput sibi attrectari, dorsumque demulceri gestiebat; quassatisque alis, & blando strepitu, summam animi sui lætitiā testabatur. Non diu autem post blandas has contrectationes ægrotavit; crebrisque tandem convulsionibus obortis exspiravit. Dissecto itaque cadavere, (ut mortis causam inquirerem) ovum ferè perfectum in utero reperio; sed, ob defectum maris, corruptum. *Ex. 5. p. 17. seq.*

Columba.

Femellæ aliquæ in libidinem adeò proclives sunt, ut mares suos morsuunculis vellissent, superfiliant, aliisque artibus ad coitum invitent: in quo numero sunt Columbe & Passeres. *Ex. 6. p. 24.*

Columba (præsertim ea, quæ ad nos ex Africâ advehitur) gaudium à coitu mirum in modum exprimit: saltat, caudam distendit, eaque inani verrit humum, rostro se pectit & ornat. *Ex. 34. p. 112.*

In Columbæ binæ duntaxat papulæ simul è racemo excrescunt in unum partum; earumque ut plurimum altera in marem, altera in fæminam evadit. Dum interim in ovario reliquæ papulæ eodem tenore permanent, donec binæ aliæ in novum partum succrescant. *Ex. 27. p. 107.*

Columbæ decies quotannis pariunt ; multum generant, non multa. *Ex. 59. p. 258.*

Aves quædam (utpote columbæ) si statò tempore coierint, quamvis ova nulla, aut subventanea pariant, tenentur tamen solitâ nidificandi sedulitate. *Ex. de Concept. p. 379.*

Columba mas incubandi vices, nidum componendi, pullosque nutriendi supplet. *Ex. 39. p. 133.*

Vidi aliquando columbæ æstivo tempore festinantiùs exclusæ vitellum, instar herniæ, ex alvo prolapsum. *Ex. 22. pag. 87.*

Pennata quædam cibum in ingluvie maceratum pullis suis regurgitant, eosque nutriunt, (quemadmodum quadrupedes fætus suos lacte alunt) ut videre est in omni columbaceo genere. *Ex. 7. p. 26.*

Perdix.

Perdices vitâ conjugali gaudent, quia earum fæminæ tot simul ova incubare nequeunt (ideòque binos nidos exstruere dicuntur) nec prognatos inde pullos tollere. *Ex. 39. p. 133.*

Accipiter.

Accipitres stationibus suis conterminos
muros

muros fœcibus illinunt, albedine gypseâ obducunt, & quasi cerustâ depingunt.
Ex. 11. p. 39.

Hirundo.

Hirundines volare prius, quàm pedibus uti norunt, quod volando pabulentur.
Ex. 56. p. 239.

Vespertilio.

Vespertiliones intra membraneas alas quasi latitantem exigua caudam habent.
Ex. 5. p. 13.

Avium peregrinarum congregatio.

Est Insula parva, Scoti *Basse* nominant, non procul à littore in alto mari sita, abrupto & confragoso clivo editissima (verius saxum ingens, sive scopulum dixeris;) haud ampliùs mille passuum circuitu amplitudo ejus clauditur. Hujus Insulæ superficies (mensibus Majo & Junio) nidis, ovis, pullisque propemodum tota instrata est, adeò, ut vix uspiam, præ eorum copiâ, pedem liberè ponere liceat; tantaque super volitantium turba, ut nubium instar solem, cælumque saufferant, tantusque vociferantium clangor & strepitus, ut propè alloquentes vix audias. Si sub-

jectum

jectum mare, inde despexeris; idem quo-
 quoversum infinitis diversorum generum
 avibus natantibus, prædæque inhiantibus
 opertum videas: quemadmodum verno
 tempore stagna alicubi ranis refertissima
 cernuntur, & aprici colles montesque
 acclives frequentissimis ovium caprarum-
 que gregibus obsessi eminus spectantur:
 si circumnavigando imminentem clivum
 suspicere libuerit, videas in singulis prærupti
 loci crepidinibus & recessibus, avium cu-
 juslibet generis & magnitudinis ordines
 innumerabiles, plures sanè, quàm illuni
 nocte & sereno cælo stellæ conspiciuntur:
 si advolantes avolantesque eminus adspe-
 xeris, apum profectò ingens examen cre-
 das. Haud faciliè dixerim, quantus reditus
 quotannis ex plumis, & nidorum (foco
 utilium) reliquiis, ovorumque coctorum
 commercio, possessori accedat, adeò ut,
 quod ipse mihi narravit, fidem exsuperet.
 Tota hæc Insula adventantibus candido
 nitore micat; clivique tanquam ex albissi-
 mæ cretæ fulgent, saxi tamen natus
 color obscurus & niger. Insulam albam &
 splendentem reddit crusta ei adhærens al-
 bissima, friabilis, ejusdemque cum ovi
 cortice consistentiæ, coloris, & naturæ.
 Pars ima, quam reciproca maris unda
 quotidie abluit, nativo suo colore conspi-
 cua, luculenter docet, albedinem illam in
 summo fucatam esse, & à liquidis avium-
 excre-

excrementis (quæ cum alvi fœcibus elidunt) proficisci. Harum avium nullæ illius loci inquilini sunt; sed pariendi causâ advenæ, per aliquot duntaxat septimanas ibidem, tanquam in diversorio, morantur; donec scilicet pulli unâ avolare possint. Tamen alba illa crusta adeò solida, firma & profunda adhæret; ut genuinam illius soli naturam crederes. *Ex. 11. p. 37. seq.*

Inter avium tam diversa genera (quæ ad Insulam Scotiæ generandi causâ advolant) una mihi monstratur avis, quæ ovum duntaxat singulare, sive unicum parit, idemque super cujusdam lapidis acuti fastigium collocat, (nullo nido, aut conqui sitâ strue suppositâ) idque tam firmiter, ut mater abire & redire, salvo ovo, possit. Hoc autem si quis loco dimoveat, nullâ arte postea stabiliri potest, quin inde devolutum præceps in mare ruat. Locus nempe cæmento albo incrustatur, ovumque, cum nascitur, lentâ & viscosâ madet humiditate, quâ citò concrecente, tanquam ferrumine quodam, substrato saxo agglutinatur. *Ex. 11. p. 39.*

Ranabottoli.

Sub finem Junii, gyrinis (Italis *Ranabottoli* dicuntur, Anglis *Tadpoles*) pedes adnasci solent, cum jam aquas deserunt, caudam amittunt, & ranulæ formam induunt. *Ex. 19. p. 78.*

Ego

Ego sæpissimè ranabottolorum anatonien institui; vidique alvum satis amplam, & in eâdem intestina, jecur, & cor pulsans; caput etiâ atque oculos deprehendi. Figura ranabottoli est rotunda, eoque nomine gyrimus dicitur; quod nempe forma ejus in gyrum vertatur. Caudam habet, quâ natat, sed cruribus caret. Circa solstitium autem caudam amittit, quo tempore crura & brachia primum pullulare incipiunt. *Ex. 44. p. 150.*

Apes.

Apes è floribus collectum mel & in ventriculo digestum, domum redeuntes, evomunt, & in propria alvearia recondunt. *Ex. 7. p. 26. seq.*

Apes Majo mense pariunt, cum roris melliflui copia est. *Ex. de Part. p. 334.*

Vespæ.

Crabrones & Vespæ regurgitant assumpta, eoque modo suos fætus nutriunt. *Ex. 7. p. 27.*

Vespæ æstate pariunt, cum fructus maturefcunt. *Ex. de Part. p. 334.*

Bombyx.

Bombyx folliculum sericeum, quem muni-

muniminis gratiâ intus occultatus neverat ,
 stato tempore humectando emollit, rodit,
 & sine ullo adminiculo extraneo foràs egre-
 ditur. *Ex. de part. p. 345.*

Formica.

Provida Formica gemmulam sive api-
 cem frumenti prærodens, ejus grana in
 horreo suo subterraneo tutò recondit, eo-
 rumque progenerationem ingeniosè præca-
 vet. *Ex. 41. p. 142.*

Scarabæus.

Scarabæus ova sua fimo (pedibus poste-
 rioribus obvolvendo) circumcludit, & re-
 ponit. *Ex. 3. p. 7.*

Aranea.

Aranea , tanquam in sportula ex tela sua
 constructa , ova secum gestat & fovet. *Ibid.*

Caro ipsa, ictum venenatum à non vene-
 nato facilè distinguit ; ideòque constringit
 sese , & densatur ; unde tumores phleg-
 monodes excitantur : ut videre est in icti-
 bus apum , culicis , & aranei. Ipsemet ali-
 quando , experiendi causâ , manum acu
 pupugi ; mox eandem acum aranei dente
 confricans , manum alio loco perforavi :
 nec potui quicquam discriminis inter duas
 ha

has punctiunculas internoscere. Erat tamen in cute, quod discerneret; quippe eodem loco, ubi venenata punctio contigerat, subito sese in tuberculum contraxit, induitque mox ruborem, calorem atque inflammationem; tanquam ad pugnam, & nocentis mali expugnationem, se roboraret, & accingeret. *Ex. 57. p. 246.*

Musca gallæ.

In centro gallarum quercus, intra crustulam rotundam (ceu nucleum) liquor limpidus continetur, qui sensim crassescens & coagulatus, subtilissimis lineamentis distinguitur, galbæque formam induit: manet autem aliquantisper immobilis, posteaque motu & sensu præditus, fit animal, tandemque musca avolat. *Ex. 18. p. 77.*

CAP. VI.

*De quibusdam ad Animalia per-
 tinentibus, deque Plantis;
 accedunt Observationes
 Medicæ.*

Sanguis.

SI paulò post sumtum cibum, ac potum;
 (antequam secunda coctio absoluta
 fuerit, & serum per renes descenderit)
 aut sub primos febrium intermittentium
 insultus, sanguinem eduxeris, saniosum
 eum, incoctum, plurimoque sero scatentem
 reperiēs. Contra autem si post jejunium,
 aut urinæ profluvium, vel sudorem
 copiosum, venam aperueris; sanguinem
 crassum (utpote sero privatum) totumque
 ferè in grumum condensatum cernes. *Ex. 52. p. 205.*

Crebrâ vivorum dissectione expertus
 sum, moriente jam animali, nec amplius
 spirante, cor tamen aliquandiu pulsare,
 vitamque in se retinere. Quiescente autem
 corde, motum videas in auriculis superstitem,
 ac postremò in auriculâ dextrâ, ibique
 tandem cessante omni pulsatione, in
 ipso sanguine undulationem quandam, &
 obscuram trepidationem, sive palpitationem

nem (extremum vitæ indicium) reperias.

Ex. 51. p. 192.

Aquosa sanguinis pars aliquandiu leviter cocta , in mucaginem innatantem abit : quemadmodum, vice versâ, mucago isthæc corruptione recrudescent, in saniem sive serum colliquatione revertitur. *Ex. 52. p. 205.*

Certum est, universum, sanguinem , imò verò carnem ipsam (ut in iis, qui è patibulo pendent, observare licet) in saniem ichorosam corrumpi posse. Similiter in omni cachexiâ sanguis emissus copioso sero abundat : adeò ut interdum vix quicquam grumosi appareat , sed omnis sanguis una sanies videatur, sicut in leucophlegmatia experimur, & animalibus exsanguibus naturale est. *Ex. 52. p. 204. seq.*

Pulmones. Pulmones ab aëre per respirationem attracto dilatati, albedinem induunt. Eoque indicio facilè internoveris, materne vivum, an mortuum fætum pepererit : illicò enim ab inspirato aëre, mutatur pulmonum color ; qui, etiam post repentina fata, idem permanet. *Ex. 70. p. 306.*

Intestina. Cuilibet licet, recenter occiso animali, apertoque confestim abdomine, intestina sese undoso motu contorquentia clarè cernere ; quo (tanquam circumdato annulo strictiore & depresso, aut digitorum operâ constrictio fieret) chylum & excrementa ad inferiora promovent. *Ex. 65. p. 285.*

Testi-

Testiculi. Quædam animalia testiculos foris, alia intus ad lumbos gerunt, mediâ quasi ab origine præparantium intercapedine. *Ex. 3. p. 4.*

Testiculi interdum per vaginalem tunicam sursum repunt in inguina, & quibusdam animalibus (ut lepori, & talpæ) intra abdomen reconduntur, rursusque prodeunt, & descendunt. *Ex. 4. p. 11.*

Penis. Vidi aliquando viri cujusdam penem introrsum adeò reductum, (præterquam cum tentigine provocaretur) ut nihil in corrugato præputio supra scrotum, præter summum glandis apicem, prominere. *Ex. 5. p. 16.*

Coccyx. Quantoperè coccyx partum remorari soleat, patet in quadrupedibus, quibus cauda appenditur: tales enim nequeunt vel fætum excludere, vel ani excrementa emittere, nisi caudam sustulerint; quam si manu prehensam deprefferis, stercoreis exitum prohibebis. *Ex. 58. p. 251.*

Lac. Editis nuper fætibus, lac matri tenuius, faciliusque transmutationis contingit; temporis autem processu, viribusque fætus jam auctis, crassius indies, & caseosum magis evadit. *Ex. 60. p. 262.*

Urina. Urina coctione non densatur in fibrosam mucaginem, sed potiùs in lixivium. *Ex. 52. p. 205.*

Medici urinam crassam ac turbidam aquæ ferventis balneo immittentes, supe-

riorem ejus partem primò claram & transparentem fieri norunt. *Ex. 60. p. 267.*

Plantæ.

Plantarum semina. Inest omnibus plantarum feminibus gemmula quædam, cujus si summitas duntaxat, puncti instar, abrafa fuerit, tollitur illicò spes generationis; quasi in tantillo puncto virtus omnis plastica futuræ arboris hospitaretur. *Ex. 41. p. 142.*

Plantæ bulbosæ. Cepæ quidem, aliæque bulbosæ plantæ, sursum prius, quàm deorsum progerminant. *Ex. 55. p. 226.*

Legumina. In Fabis, Ciceribus, ceterisque leguminibus; in glandibus item, & frumento, perspicuè constat, simul caulem sursum, & radices deorsum ex eodem germine pullulascere. *Ibid.*

Phaseolus. Mihi olim, Venetiis cum essem, Aromatarius Medicus clarissimus ostendit, inter utramque phaseoli laminam minutum folium efformatum, cum tamen apud nos, in similibus phaseolis, duntaxat apex parvulus nascituri germinis appareat. Tantoperè ad fæcunditatem & celeriore proventum, cæli, soli, aëris benignus tepor & clementia conducunt. *Ex. 11. p. 40.*

Hedera. Admirabile est, tenellas radices hederæ fibras in tenues saxorum rimulas irre-

re-

repentes, prægrandes tandem muros discindere. *Ex. de Part. p. 349.*

Aurantia. Arantiorum arbores quidam apud nos multâ sollicitudine & mangonio colunt; earumque mala, quæ primo anno ad pollicis magnitudinem excrevêre, sequenti æstate ad maturitatem pertingunt, ceteraque perficiuntur, præterquam quod seminibus careant. *Ex. 50. p. 187.*

Mala Aurantia apud nos plerumque biennium integrum arboribus adhærent, antequam ad maturitatem pertingant. *Ex. de Part. p. 340.*

Amygdala. Admirabile fanè est, exiguum pullulantis nuclei apicem (amygdalarum putà, aut aliorum fructuum) ossa, quæ vix malleo rumpuntur, effringere. *Ex. de Part. p. 349.*

Ficus. Ficus vix in nostro cælo perficiuntur, quæ in Italia quotannis bis terve maturescunt. *Ex. de Part. p. 340.*

Limones. Reperi aliquando in Limone majore dissecto, limonem alterum perfectum, sed perexiguum, flavo cortice obductum: quod jam crebrò in Italiâ contingere, audio. *Ex. 11. p. 36.*

Observationes Medicæ.

Cachexia Virginum.

Virginibus cachecticis , febrique albâ laborantibus , ut reliquo earum corpori, ita jecori etiam pallidus inhæret color. *Ex. 51. p. 194. seq.*

Gravidatio falsa. Novi Juvenulam , filiam cujusdam Medici mihi familiarissimi , quæ gravida facta , symptomata omnia prægnantes comitari solita experiebatur: ea sana , & vegeta , post decimam quartam septimanam fætûs in utero motum sen sit ; tempusque partui debitum emensa est ; indiciaque jam imminentis partûs adesse rata , cubile , incunabula , ceteraque ad partum necessaria in procinctu habuit. Sed frustra omnia , & Lucina votis abnuït : motus enim soliti cessarunt ; ac paulatim , ut increverat , detumuit venter, absque ullâ ægritudine: sterilis autem mansit in posterum. *Ex. de Part. p. 337.*

Novi etiam matronam nobilem , quæ plus decies enixa fuerat , quamque menstruorum suppressio citra prægnationem nunquam fefellerat. Postea autem alteri denupta , præter alia signa solita , ex motu quoque (quem ipsa , sororque ejus juxta cubans sæpe noctu sentiebant) sese gravidam judicabat ; neque ab eâ opinione ullis à

me allatis argumentis dimoveri poterat: donec tandem spes omnis in flatum & pinguedinem faceretur. *Ibid.*

Mola. Mulier febre malignâ cum summâ virium jacturâ laborans, post exclusionem fœtus incorrupti atque integri, prostratis tamen viribus, cum pulsu vermiculante, & sudoribus frigidis moribunda procubuit. Uteri ejus orificium laxum, molle, & patentissimum deprehendi, unâ cum malè olentibus lochiis: unde, fuisse aliquid in utero, quod putresceret, suspicatus sum; digitisque immisissis, molam ovi anserini magnitudine, carne densissimâ, nervosâ, & penè cartilagineâ, foraminibusque aliquot (atram, viscidam, & fœtentem putrilaginem in se habentibus) præditam, extraxi; statimque inde à prædictis symptomatibus liberata est, & brevi convaluit. *Ex. de Part. p. 354. seq.*

Partus difficilis. Novi Juvenulam, quæ ob summum pariendi laborem in animi deliquium incidit; statimque adeò consternata, stupida & comatosâ facta est, ut nullis remediis excitari potuerit. Ad eam vocatus (cum clysteres prius injecti essent, aliaque remedia idonea citra fructum ullum adhibita, nec quicquam per os deglutire posset) pennam sternutatorio fortiori illitam in nares indidi; unde comota, (licet stupore usque adeò obruta esset, ut sternuere, aut excitari nequiret)

totius corporis convulsione quâdam tentari cæpit, quæ ab humeris exorsa, paulatim per totum corpus ad inferiora pertingebat. Quotiescunque autem stimulo hoc usus sum, promovebatur partus: tandemque, insciâ matre, & in affectu comatoso adhuc permanente, natus est infans sanus & vegetus. *Ex. de Part. p. 343. seq.*

Novi mulierem, quæ à difficili & laborioso partu integrum vaginæ ambitum interiorem laceratum atque excoriatum habuit; adeò ut, finito puerperio, licet gravida denuò fieret, tamen non solum orificii pudendi latera juxta nymphas coalescerent, sed totius quoque vaginæ cavitatis usque ad internum matricis osculum prorsus connasceretur: unde nec virili membro, nec specillo quidem ingressus patuit, neque menstruorum fluxui egressus. Instante itaque pariendi tempore, torquebatur misella perquam miseris modis, omnemque spem deponendi sarcinam abjecerat: quare traditis marito clavibus, ordinatisque rebus suis, amicis præsentibus valedixit. Cum ecce inopinatò, robusti admodum fætûs summo conamine, totus ille tractus dirumpitur, fitque insperatus partus; & validus infans sibi matrique suæ salutis auctor extitit; viamque apertam aliis post nascendis reliquit. Idoneis enim adhibitis remediis, mater pristinam valetudinem recuperavit. *Ex. de Part. p. 345. seq.*

Ute-

Uteri ulcus. Oblata est mihi Doctoris Theologiæ uxor satis boni habitûs; sed infæcunda; quæ summo prolis desiderio flagrans, multa à multis præscripta incassum tentaverat: menses quidem statitemporibus profluebant; sed aliquando (præsertim ab equitatione) saniosum quid & purulentum ab utero emanabat, quod subito post subsisteret. Aliqui fluorem album esse arbitrabantur: alii ulcus sinuosum suspicati sunt; câ potissimum ratione ducti, quod non perpetuò, ac pedetentim, sed per intervalla, & assatim profluxio fieret: quamobrem speculi matricis ope totam uteri vaginam perlustrabant, variaque remedia adhibuerunt; sed frustra omnia. Ego tandem advocatus, aperti internum matricis orificium, indeque protinus cochlearia duo circiter puris saniosi, & fibris sanguineis tincti effluerunt. Quo conspecto, ulcus in uteri cavo latitare dixi; injectisque medicamentis congruentibus, pristinæ eam valetudini restitui. Hanc autem ejus curam dum molior, videoque usitata remedia parùm proficere, validiora aggredior; quoniam antiquum ulcus esse (& fortassis cum supercrescente carne) suspicabar. Injectionibus itaque prioribus addo aliquantulum vitrioli Romani; à cujus acrimoniâ percussus uterus, subito se contraxit, induruitque adeò, ut ad tactum lapide rigidior sentiretur: si-

mulque plurima symptomata hysterica oborta sunt; quæ ab uteri strangulatu, tetrisque inde vaporibus sursum latis, Medici vulgò fieri existimant. Duravit aliquandiu hoc malum; donec à mitioribus & anodynis remediis placatus uterus orificium suum laxaret, liquoremque acrem (quem injeceram) unà cum saniosa putrilagine expelleret. Factumque adeò est, ut ægra brevi convalesceret. *Ex. de Part. p. 355. seq.*

Uteri procidentia. Mulier quædam pauperula, & lintheaminum loturâ victum quæritans, procidentia uteri diu laboraverat; ejusque vagina inter femora ad pugni amplitudinem propendebat; tandemque, cum nulla remedia adhiberentur, tantoperè invaluit malum, ut jam scrotum referret, cute rugosâ & squalida; minusque jam molestiæ inde persensit, quàm in recenti prolapsu consueverat. Consilium tamen à me petenti, suasi, ut in lecto per aliquot dies se detineret, fomentis & inunctionibus arida loca emolliret, eoque pacto intra corpus reductum uterum pessariis fasciisque ibidem retineret, donec ficcantium & corroborantium remediorum usu in loco debito firmaretur. Successit aliquantisper ad votum curatio: verum dum ipsa, præ egestate, quæstus faciendi causâ, ad solita opera revertitur, intermissisque remediis diu erecto corpore

obam-

obambulat, recidivam passa est; eamque æquo animo toleravit, modò intus, modò foris existente utero; ut plurimum autem noctu in locum solitum reduxit, ibidemque aliquandiu permansit. Elapsis verò diebus complusculis, ad me reversa conqueritur, remediorum & præsertim fomentorum usu (ut arbitrabatur) tumefactum uterum intus amplius retineri non posse. Præscriptis tamen unctionibus usa, eundem vi intrò adegit, sed non duraturo juvamine; quamprimum enim in pedes surgeret, & consueta munia obiret, uterus confestim præ mole ac pondere molestiam ipsi attulit, facilèque denuò prolapsus est. Et jam, taurini scroti instar, ad medium femur pependit; adeò, ut non solùm vaginam, sed & matricem ipsam inversam esse, aut herniam quandam uterinam suspicarer. Tandem capitis humani magnitudinem excessit tumor renitens, & genuum tenus propendens dolorem intulit, incessumque (nisi prono corpore) impedire cæpit; atque in imâ sui parte dehiscens, madorem (tanquam locus ulcerosus foret) & saniem profudit. Ego re inspectâ (tactu enim non explorabam) cancerum aut carcinoma uteri jam affore metuebam, ideòque ligaturam & abscissionem meditabar; & interea consului, ut blandis fotibus dolorem leniret. Nocte verò sequenti ex eodem tumore in-

fans spithamæ longitudine perfectè formatus, sed mortuus, protruditur, & postridie ad me deferitur; quem, sublatis interaneis, per aliquot menses in aquâ frigidâ natantem citrà corruptionem servavi, pluribusque amicis meis (ceum rem mirandam) ostendi. Cutis in hoc fœtu nondum efformata erat; sed pellicula duntaxat apparuit, (qualis in pomo cocto cernitur) quam nullo negotio integram detraxi; unde omnes totius corporis muscoli (macilentus enim erat) distinctè admodum apparuerunt. *Ex. de Part. p. 346. seq.*

Novi fœminam nobilem, à furore & melancholiâ uterinâ ultra decennium delirantem; cui, postquam omnia frustra tentata essent, contigit uteri prolapsus: quem ego affectum, contra aliorum sententiam, salutare illi fore prædixi; suæque, uterum ne reponeret, donec à frigore externo intemperies ejus deferbuisset: successit res ex sententia, brevique planè convaluit; atque uterus demum loco suo restitutus, ibidem permansit; vitamque etiamnum salubriter degit. *Ex. de Part. p. 352.*

Vidi etiam aliam, hystericis symptomatibus nulli remediorum generi cedentibus diu laborantem; quæ tandem post multos annos ab uteri decubitu sanitatem recuperavit. Uterique sedatis symptomatibus, uterum felici cum successu reposui. Uterus namque ab acri aliquâ materiâ ad expulsionem

nem vehementer exstimulatus, non solum delabitur, sed (instar Recti intestini à tenesmo molestante irritati) seipsum foras præcipitat. *Ibid.*

Uteri orificium à partu nimis coarctatum. Observavi in nonnullis orificium uteri statim à partu constrictum adeò, ut detentus intra uterum sanguis, subitòque inde grumescens & putrefactus, sæva induxerit symptomata; cumque nullâ arte exitus ei parari posset, præsentaneam mortem intulerit. Puerperæ cuidam nobilissimæ, febricitanti, (quòd lochia nulla profluerent) pudendi labra tumida erant, & fervida: matricis ejus orificium durum, & clausum, instrumento ferreo immisso per vim aliquantulum aperui, ut injectionem per siphunculum admitteret; indeque grumescens, ater, fætidusque sanguis ad libras aliquot effluxit, cum præsentì ægræ levamine. *Ex. de Part. p. 355.*

Ulcus pectoris amplum & insigniter in cavitatem ejus hians. Nobilissimus adolescens, & Illustrissimi Vice-Comitis de Montegomero in Hiberniâ filius primogenitus, cum adhuc puer esset, ingens ex insperato lapsu nactus est infortunium; costarum nempe sinistri lateris fracturam. Abscessus suppuratus magnam tabi quantitatem profudit; saniesque diu è cavitatem amplissimâ manavit: uti ipse mihi, aliique (qui aderant) fide digni narrarunt. Is circa an-

num ætatis suæ decimum octavum aut decimum nonum, per Galliam & Italiam peregrinabatur; indeque Londinum apulit. Interea verò peramplum hiatus in pectore apertum gestabat; adeò, ut pulmones (uti creditum est) in eo cernere, ac tangere liceret. Id cum Serenissimo Regi Carolo, ceu miraculum, nuntiaretur; me statim, ut quid rei esset perspicerem, ad Adolescentem misit. Quid factum? Cum primum accederem, videremque juvenem vegetum, & aspectu quoque habituque corporis laudabili præditum; aliquid fecus, atque oportuit, nunciatum arbitrabar. Præmissâ autem, ut mos est, salutatione debitâ, expositâque ex mandato Regis eum adeundi causâ; omnia illicò patefecit, nudamque lateris sinistri partem mihi aperuit; ablatâ scilicet lamellâ, quam tutelæ gratiâ adversus ictus, aliasque injurias externas, gestabat. Vidi protinus ingentem pectoris cavitatem, in quam facilè tres meos priores digitos unâ cum pollice immitterem: simulque in primo ejus ingressu partem quandam carnosam protuberantem, reciprocoque extrorsum introrsumque motu agitatam deprehendi, manuque cautè tractavi. Attonitus rei novitate, iterum iterumque exploro omnia: &, cum diligenter satis investigata essent, certum erat, ulcus antiquum & peramplum (citra Medici periti auxilium) miraculi instar ad
fani-

sanitatem perductum esse, parteque interiore membranâ vestitum, & per marginis ambitum firmâ cute munitum. Partem autem carnosam (quam ego primo intuitu carnem aliquam luxuriantem credideram, aliique omnes pulmonis partem judicabant) ex pulsu, ejusque differentiis, seu rhythmo, (utrisque manibus carpo & cordi simul admotis) & ex respirationis collatione planè perspexi, non pulmonis lobum aliquem, sed cordis conum esse; quem caro fungosa excrescens (ut in sordidis ulceribus fieri solet) exterius, muniminis instar, obtegebat. Concamerationem istam à subnascentibus sordibus Adolescentis famulus injectionibus tepidis quotidie liberabat, laminamque imponebat: quo facto, herus sanus, & ad quælibet exercitia ac itinera promptus, tutò & jucundè vitam degebat. Responsi vice igitur Adolescentem ipsum ad Serenissimum Regem deduxi; factumque est, ut Serenissimus Rex, unà mecum, cor sensu tactûs privatum esse agnosceret. Quippe Adolescens, nos ipsum tangere, (nisi visu, aut cutis exterioris sensatione) nequiquam intelligebat. Simul cordis ipsius motum observavimus; nempe, illud in diastole introrsum subduci & retrahi; in systole verò, emergere denuò, & retrudi; fierique in corde systolem, quo tempore diastole in carpo percipiebatur: atque proprium cor-

dis motum & functionem esse systolent: denique cor tunc pectus ferire & prominulum esse, cum erigitur sursum, & in se contrahitur. *Ex. 52. p. 198. seq.*

Sarcosēs morbosæ. Supercrescens in ulceribus caro, vel *sarcosēs morbosæ*, arteriarum ramulis conterminæ, ex his nutriuntur, & in maximam interdum molem excrescunt. Ad hoc arteriarum officium, siue sanguinis circulationem respiciens, ingentes aliquando hernias carnosas, præter omnem spem, perfectè curavi; id solùm agens, ut præcisâ vel ligatâ arteriolâ, nihil nutrimenti, spiritusve ad partem laborantem accederet; quo factum, ut tumor morticinus facilè postea vel ferro, vel igne extirparetur. Habuit quidam præ ceteris *sarcosin* in scroto, siue herniam carnosam humano capite majorem, genuum tenus deorsum pendulam: indeque sursum carnosa moles, ad carpi magnitudinem (ceu funis nauticus) abdomen ingrediebatur, adeoque malum increvit, ut nemo ferro, vel aliter curam aggredi auderet. Hanc tamen ingentem excrescentiam, scrotum tantoperè distendentem, testiculumque in medio ejus obvolventem, quo dixi modo, planè abstuli, & curatione perfectè defunctus sum; relicto interea testi vase suo præparante & deferente; reliquis in scrotum per vaginalem tunicam descendentibus, salvis & intactis. *Ex. 19. p. 80.*

Labia leporina. In omnibus fœtibus (etiam humano) paulò antè partum oris rictus sine labiis & buccis ad utramque aurem protensus cernitur. Eandemque ob causam, nisi fallor, multi nascuntur cum labro superiori fissò, (qualia scilicet lepori & camelo sunt) quia in fœtus humani formatione superiora labra tardissimè coalescunt. *Ex. 69. p. 300. seq.*

WILHELMI LANGLY

Observationes quædam de Generatione Animalium.

C A P. I.

Ovigallinacei singulis ab incubatione diebus factæ Inspectiones.

A N N O C I D I O C L V.

Die I.


HOris viginti quatuor ab incubatione, vitellus ad membranam internam ovi ascendit, & quia obtusum cacumen fit valdè planum, albumen inferiorem partem occupare cogitur, ideòque in acutiori parte ovi totum ferè continetur.

Solertissimus Harvéus affirmavit, vitellum versus obtusum ovi cacumen assurgere, ejusque partem mediam, cui macula infixa est, attolli, & membranæ cavitatem ambiendi applicari. Verùm si, quemadmodum diligentem exploratorem decet, ovum eo situ, quo gallinæ subjacet, tenuisset, atque tractâ testâ inspexisset, procul dubio vitellum non cacumen, sed su-

pre-



Fig. I.



premam ovi partem versus ascendere vidisset.

Cicatricula ovi jam in medio clarescit, ubi punctum saliens primum se prodit, & circumducitur circulis tribus aut quatuor luteis, instar ceræ liquefactæ, quos præterea albi aliquot ambiunt, adeò ut hæc jam sexies ad minimum excedat magnitudinem cicatriculæ antè incubationem.

Respice Fig. 1. in quâ

a. est Cicatricula.

b. Lympha transparens.

c. d. e. Circuli antè incubationem minime conspicui.

f. f. Vitellus.

g. g. g. g. Albumen.

h. h. h. Testa ovi fracta, ut interiora in conspectum venirent.

i. Obtusum ovi cacumen.

k. Acutum ovi cacumen.

Die. II. Quæ primo die annotata sunt, eodem ferè modo manent, præterquam quod cicatricula jam valdè sit extensa, & circuli oblitterati, qui immediatè illam ambiunt, & mutati in substantiam flavam vitellinam æqualem, quam aliquot albi circuli in circumferentiâ ambiunt, in quorum centro initium colliquamenti clarescit, & fimbriâ, aut limbo candido clauditur.

Horâ quadagesimâ primâ ab incubatione

ne

ne inveni cicatriculam colliquamento plenam, & vitellum ceræ liquefactæ instar, cui quasi nubeculæ albæ instratæ videbantur, quæ nubeculæ à reliquo vitello circulo albo discernebantur.

Horis deinde quatuor denuò aperto ovo, inveni circulum rubrum cicatriculam ambientem, neque ulla deinde sex horis mutatio sensibilis apparuit.

Inveni horâ quadragesimâ septimâ venam circularem sine puncto saliente, sed manifestò dignoscebatur, prædictam venam velut è profundo colliquamenti emergere.


Secundo die cum dimidio mihi apparuere duo puncta salientia cum multis venis per membranam extensis, & in ejus circumferentiâ terminantibus.

Vide Fig. II. quæ monstrat in

- a.* Puncta salientia.
- b. b.* Colliquamentum propriâ foveâ in vitello contentum.
- c.* Arteriam aortam.
- d.* Truncum venæ circularis ex colliquamento emergentem.
- e.* Ramulos è trunco venæ circularis in eandem desinentes.
- f. f.* Vasa umbilicalia per vitellum distributa.
- g. g. g.* Venam circularem.
- h. h. h.* Vitellum.
- i. i. i.* Albumen.
- k. k. k.* Testæ extractæ fimbriam.

Die

Fig. II.





Die III. Jam circuli illi, qui cicatriculam ambiebant, disparuere, & nil nisi membrana tenuis aliquot venis pertexta apparebat, sub quâ in tenui liquore continebantur puncta salientia.

Duobus diebus cum tribus horis apparet mediâ æstate punctum saliens, nondum rubrum, sed flavum, ad rubedinem tendens, huic adjacent duo venarum trunci, quorum unus puncto continuatur, & deinde invicem communicant propè punctum, adeò ut in circulum ab ipso vitæ exordio sanguinem pelli, hinc probetur.

Hoc tempore est annotandum, ipsam cicatriculam ejusdem magnitudinis, cujus erat ante incubationem, videri, neque punctum saliens in illâ, neque ex illâ pululare; cum aliquando illi sit à latere, aliquando infra detrusa conspiciatur.

In colliquamenti medio apparet hoc punctum, à quo duo trunci rectâ feruntur ad colliquamenti circumferentiam, unde cum ulterius pergere non possint, in circulum flectuntur; quinetiam unus truncus altero inferior est. Horum ego truncorum unum venam cavam esse, alterum arteriam aortam, auguror; nam vasa umbilicalia ab utroque latere propè punctum saliens oriuntur.

Nubecula initio hujus diei perfectior conspicitur, & venæ arteriæque distinguuntur ex eo, quod abscisso uno truncorum

corum à latere puncti salientis ortorum, sanguis nondum ruber effluat ab arteriâ, cum illi comes vena, quamvis quoque abscissa, nihil emittat; hoc ut appareat, uterque ramus acu aut tenui instrumento nunquam elevandus.

Horâ quinquagesimâ primâ ab incubatione observavi in genere circulum, in quo omnes venæ secundinarum terminantur, magis magisque extendi, eo modo, quo solent naturaliter omnia corpora à centro recedere in circulari motu.

Præter illa, quæ antè tertio die observavimus, notandum, venas vitelli extendi ad dilatationem venæ circularis, atque aliam jam conspici, quæ heri nondum conspiciebatur, quæque inter duas alias oritur, & se versus venam circularem extendit, atque illi appropinquans emittit laterales multas; attentè insuper attendenti apparebit una vena aliâ pallidior, unde forsân licet statuere, pallidam esse venam, quæ colliquamentum sanguini mistum versus punctum saliens deferret, aliam arteriam; hoc deinde quarto & quinto die instituta inspectio confirmavit.

Circuli cicatriculam ambientes horâ sexagesimâ primâ non ampliùs conspiciuntur, neque nubeculæ intra illam contentæ.

Duo initia venæ circularis, quæ quadragesimâ septimâ horâ perspicuè discer-

nuntur disjuncta , horâ sexagesimâ primâ concurrunt , & quasi uniuntur.

Duobus diebus cum septendecim horis jam non unum punctum , sed tria apparent , ordine pulsantia , adeò ut ab uno incipiat , & quasi mediâ viâ pergat ad alia , idque celerrimè ; nam quemadmodum in juvenili corpore plethorico , si sanguinem venarum digitos versus deprimas , in instanti refluentem , demto obstaculo , vides , ita hæc puncta suum motum perficiunt.

Circulus ille , qui vasa umbilicalia ambit , obliterari incipit , neque venarum color est ruber , sed ex rubro pallidus ; puncta tamen salientia jam perfectè rubra apparent , & septendecim horis ab hesternâ inspectione vasa umbilicalia & ramulis & extensione in longum valdè aucta sunt , quæque à latere punctorum emergunt , duplicia esse apparet , sibi invicem incumbentia , quemadmodum solent venæ & arteriæ umbilicales ; præter has jam duæ aliæ venæ , nempe supra & infra puncta salientia notantur , & nebula futuri corporis initium duobus truncis jam adhæret duabus extremitatibus , quarum in medio crassior ; jamque colliquamentum non tam clarum quàm hesterno die apparet , & cicatricula , quæ à latere & punctis profundior præcedenti inspectione conspiciebatur , non videtur ; neque ulla vasa ad albumen sese
exten-


extendunt, sed in membranâ vitelli hærent, cum illâ enim ab ovo separantur, & evacuato vitello illæsa huic membranæ inhærent: adeò, ut hic dubitare cogar, an pullus ex albumine fiat, cum & colligamentum, & puncta salientia, & venæ, atque corporis rudimentum extent, priusquam vena aliqua ad albumen pertingat.

Tertio die cum dimidio, puncta tria salientia notabantur, cui arteria accumbebat, post quam materia alba & clara sita erat, futuræ spinæ primordium, cujus una extremitas alterâ crassior erat, & tribus vesicis distinguebatur, quarum maxima erat cerebellum, media cerebrum, & minima oculus, cujus nigredo sese manifestare incipiebat; altera extremitas in acutum definebat, & erat cauda.

A tribus punctis pulsantibus quatuor venarum trunci exhibant, quorum duo aliis multò majores erant; his abscissis fluebat sanguis, sed utrum venæ, an arteriæ essent, discernere erat impossibile, quoniam nec impetus, nec pulsus dignoscebatur.

Vas, quod spinali medullæ substerni diximus, arteria erat, extracto enim pullo ultra dimidiam horam pulsantem vidimus, adeò ut mutuo quasi nutu inter illam atque puncta salientia per vices pulsaretur; & quò magis quieti, aut morti appropinquabant, eò magis illorum color purpureus evanescebat, nullâ tamen sanguinis guttulâ pereunte aut effluente. Quæ

Fig. III.





Quæ dicta sunt, aliquo modo exprimit
Fig. III. trium dierum, five 72 horarum,
 exhibens in

- a.* Puncta salientia.
- b.* Arteriam magnam, cui nubecula (spinalis medullæ exordium) adjacet.
- c.* Venam cavam, illâ parte tantum conspicuam propter puncta salientia, & caudæ rudimentum illi incumbens.
- d.* Venam circularem, in quam vasa umbilicalia multos ramulos mittunt, imprimistamen Chorii vasa.
- e. e.* Vasa umbilicalia vitelli.
- f. f.* Vasa umbilicalia Chorii.
- g. g. g.* Albumen.
- h. h. h.* Testæ fractæ fimbriam.

In ovo tertio die aperto aliquando mihi videre contigit duas cicatriculas, quarum una erat in confinio venæ circularis.

In ovis infæcundis fermentatio præternaturalis fit, bullæ enim tertio die vitello incumbunt, quasi à conquassatione ortæ; idem observavi cum venâ circulari quasi è multis punctis factâ, sine vestigio cicatriculæ, aut puncti salientis.

Die IV. & V. jam præter puncta salientia, pulli primordia conspiciebantur, nempe cor cum auriculis, & arteria per
 dor-

dorsum decurrens appensa; cerebrum tribus vesiculis à cerebello separatum, & spinalis medulla, & oculi.

Quarto die cum dimidio præcedentia omnia conspectiora erant, sed quinto die cum dimidio pullus jam colliquamento innatabat, cujus membrana non rumpebatur, quamvis pullus cum illâ extra ovum tolleretur: jam cerebellum apparebat, & vesiculas tres cerebrum constituentes intelleximus mutari in dextram sinistramque cerebri partem & os.

In spinali medullâ jam vertebræ distinguebantur; cor cum auriculis, sine remotione ullarum partium, foris conspiciebatur, jamque alarum & pedum primordia pullulabant, & confusa quædam viscerum rudimenta in abdomine dignoscebantur.

Confer IV. & V. Fig. priorem quatuor, posteriorem quinque dierum.

Die VI. Omnia distinctiora erant, & colliquamentum jam sibi foveam in vitello comparaverat, tam solidâ membranâ munitum, ut se à vitello separari sine rupturâ pateretur.

Albumen intra vitellum in acutum ovi angulum detrusum admodum viscosum apparet, interiorque ovi membrana nulli membranarum adhæret.

Ovi cavitas valdè ampliata.

Præter partes quarto die conspicuas, apparebant intestina, ventriculus, flavum
he-

Fig. IV







hepar, & oris fissura nondum rostro mun-
nita.

Lutea vasa nondum inveniuntur.

Rostrum jam formari incipit, quòque
magis oculi crescunt, eò magis ad se invi-
cem accedentes illud attollunt, fissurâ oris
nihilominus apparente.

Die VII. Cuncta mirum in modum
aucta clariùs & distinctiùs se exhibebant;
præter cetera colliquamentum valdè au-
ctum erat, & pullus in eo diu hac atque
illac fluctuabat, & foveæ suæ formam pro
corporis fitu mutabat, adeò ut hinc inno-
tesceret, foveam hanc à fætu formari.

Lutea vasa jam primùm sese prodidère,
quibus multæ venulæ intextæ erant.

Vitellus liquidus, lactis instar; album
spissius fiebat, sed minus; utrumque pro-
prias venas & membranam habet.

Rostrum jam penitus formatum cer-
nitur.

Membranæ & vitellus, nec non al-
bumen, magis quàm pullus immutantur,
nam vitellus albescens jam lactis instar flui-
dus est, & flavedo ejus, ceræ aut butyri li-
quefacti instar, illi innata; albumen con-
tra viscidius est, flavescitque adeò, ut
album in vitellum, & vitellus in albuminis
naturam propemodùm degenerasse videatur.

Vitellus jam membranâ suâ post effusio-
nem continetur, sed albumen nondum,
& venæ flavescences jam primùm appa-
rent,

rent, quibus hinc inde rubedinis lituræ insperſæ ſunt, inſtar minimarum venularum, quæ majoribus truncis non adhærent.

Pullus interim colliquamento ſingulis diebus increſcenti innatat, atque fortiter calcitratur, omnibus jam partibus conſpicuus, adeò ut pedum digiti appareant.

Omnia jam viſcera, quaſi vitro incluſa eſſent, ſub membranâ deliteſcunt.

Die VIII. Omnia nunc magis magiſque perficiuntur, & ſterni exordium inſtar linæ albæ ſe manifeſtat, cor hæcenus extra conſpicitur ſub transparente membranâ.

Membrana jam vitellum continet, ſed venæ nondum fundum ejus attingunt, ideòque albicat eo loco.

Album adhuc in orbem effuſum propriâ membranâ excidit.

Vaſa lutea jam augentur, & multiplicantur, albumenque apparet flavum.

Cerebrum coagulatum ſeſe offert.

Palpebrarum initia conſpiciuntur.

Die IX. Præter illa heri obſervata nihil reperitur, niſi illud punctum viride circa pylorum, nondum apparente bile in veſiculâ.

Jam fætuſ perfectuſ eſt, colliquamento innatat: viſcera vitalia adhuc obſcurè forâ conſpiciuntur, craſſâ quaſi nebulâ tecta, in cujuſ medio alba linea, futuri oſſis pectoraliſ initium, conſpicitur.

Quæ

Quæ abdomine continentur, non nisi eo aperto conspiciere licet.

Membrana albuminis, quæ totum conceptum comprehendit, in acuto ovi cacumine tenera valdè est, adeò ut, quamvis circumspectè à communibus ovi membranis eam separe, rumpatur, ubi in orbem effundas.

A vitelli tunica jam vasa lutea in vitellum emittuntur, sed nondum contorta in fine, &, ubi albumen appropinquat, candicat & opaca visitur; vitellus huic tam arctè jungitur, ut sine laceratione invicem separari non possint. Color nec non consistentia eodem, quo septimo die, modo observantur.

Chalazæ supersunt.

Die X. Pullus jam plumarum primordia habet.

Oculi palpebris clauduntur.

Vitellus atque albumen suis membranis firmiter includuntur.

Vasa lutea multa conspiciuntur, cum venulis implicita.

Cor rubescit, ejusque venulæ conspiciuntur.

Vesicula felle turgida est.

Punctum viride pyloro accumbit.

Linea alba in medio pectoris jam musculis intacta est, & cor non nisi aperto pectore cernitur, adeò ut jam omnia viscera locis propriis inclusa sint, præterquam quod intestina extra abdomen propendeant.

Arteria à venis nunc manifestè distinguitur, non tantùm pulsu, sed & colore, nam arteria magis, quàm vena, purpurea est: Clarissimè quoque cernuntur anastomoses, & venarum communicationes in vitelli membranâ, quam si eo loco, quo pullo proxima est, aut venæ implantantur, aperias, conjunctionem vitelli cum albumine mediante utriusque propriâ membranâ videbis, & chalazas in utriusque confinio.

Intorta illa vasa lutea jam venulis accrescunt, adcò ut innumerabilia puncta rubra cum luteis mista dignoscere facile sit.

Vitellus, ceræ liquefactæ aut butyri instar, innatat liquori albo sive lacteo.

Pullus perfectus est, & palpebræ apparere incipiunt; nec non puncta nigra ex capite pullulant, plumarum initia.

Punctum viride apparet quoque.

Die XI. Oculi palpebris ferè integuntur.

Albumen valdè absumitur, sed chalazæ restant.

Viginti sex horis corculum impositum manui à calore quasi reviviscens denuò, quotiescunque libitum est, pulsat, sed primis octo aut decem horis non solum auriculæ, sed & cor ipsum, aut postea tantùm auriculæ, ut plurimum ordinato motu à dextra incipiente, aliquando inverso ordine à sinistra incipiebat motus; sed sequenti die idem tentanti non successit,
nisi

nisi quatuor aut quinque horis ab incisione, & deinde nunquam.

Die XII. Oculi jam clauduntur, & pullus hoc die molem præcedentis diei semel excedebat; adeò augetur hoc tempore pullus; qui jam plumas propriis coloribus cognoscibiles habet.

Die XIII. Nihil animadversione dignum immutatur, & pullus jam singulis diebus magis, quàm decem primis diebus simul sumtis, augetur.

Vitelli fovea, qua albumini conjungitur, angustatur.

Die XIV. Pullus eodem modo augetur, & jam albumen non nisi rotundâ cicatriculâ jungitur vitello, in quam cicatriculam multæ venæ albæ, tanquam in centrum, à circumferentiâ terminantur.

Aliquid excrementi albi inter membranas erat.

Colliquamentum non minùs quàm ipse pullus augetur, adeò ut jam majori quantitate, quàm unquam, conspiciatur, sed albuminis plus quàm media pars consumta est.

Die XV. Jam albumen parvam nucem moschatam, aut avellanam non superat, & colliquamentum nunquam copiosius conspicitur.

Chalazæ videntur adhuc superesse, & albumen non nisi tenui pedunculo vitello adhæret.

Punctum viride ventriculo, ut antè, continetur.

Intestina continentur illâ membranâ, quâ post biduum abdomini cum parte vitelli includuntur.

Reliqua .sc habent, ut præcedenti inspectione.

Die XI X. Tum vitellus magnâ parte abdomine absconditur, infra ventriculum spinæ incumbens vasa lutea multa apparent, & numerum arteriarum longè excedunt, quæ tum temporis paucæ atque exiguæ sunt, sed manifestò cum vasis luteis junguntur, & ubicunque capillescunt, vitellus illis quasi adhærens incrassescit, quasi spiritus Nitri affusus esset, adeò ut hic liquidò appareat, arterias fermentum in vitellum emittere, nam ubicunque illæ non pertinent, vitellus multò liquidior est, quàm antè.

Communis membrana jam valdè crassâ evasit, & quasi duabus aucta, nempe albuminis & colliquamenti, quarum ne vestigia animadvertuntur, crassâ quoque materia alba jam inter communem membranam & pullum reperitur, terrestrior albuminis pars, quæ pro excrementis pulli falso habetur ab Harvèò Exerc. 22. ego potius albuminis, aut chalazarum reliquias esse censeo; decimo quinto die albumine ferè abiuncto, lenta & alba materia funiculi instar apparet, quæ per pedunculum,

lum, quo hoc tempore vitello neſtitur, tranſire nequit, ideòque ego illam ſupra vitellum conſumto vitello relinqui conjicio. Et quod Harvæus vult, in inteſtinis ſimilem materiam contineri, à vero abludit, virideſcit enim tum temporis, qui in inteſtinis hæret humor. Non eſſe excrementa pulli, deinde apparet, quia non intra colliquamenti tunicam reperiuntur, ſed intra chorion, & membranam vitelli. Continetur inſuper aliquando huic humori pars haud abſimilis in vitelli membranâ, quo loco ab invicem ſeparantur.

Vitellus jam membranâ alterâ continetur, quæ antea non conſpicitur, cum inteſtina nunc intra abdomen, nunc extra jaceant, quæ quaſi abdominis productio eſt ſeu dilatatio, illâ enim ſenſim corrugefcente, vitellus tandem abdomini includitur, & abdomen eâ occluditur.

Vaſorum, quæ vitello continentur, unum eſt vena, & in hepate terminatur, alterum arteria, & aortæ implantatur propè cor. Hæc arteria ab aortâ verſus hepar tendens per meſenterium ad umbilicum fertur, meſenterio interim multos ramulos impertiens.

Hepar eſt luteum, adeò ut à luteo vitelli colore nil quidquam differat.

Punctum viride jam in ventriculi cavitæ juxta pylorum invenitur.

Pulmones tum primùm rubent, cor quoque.

Ventriculus valdè magnus est, & schisto plenus, ejus muscoli rubescere incipiunt tum demum.

Pipit jam pullus, & oculos aperit; frequentius tamen & perfectius hæc omnia apparent fiuntque vigesimo die, quo testa multò fit fragilior.

Venæ, quæ per communem membranam disseminantur, nondum oblitterantur, sed sanguine more solito micant, & arteriæ pulsant.

Dre XXI. Excluduntur hoc tempore, & intra testam calcitrantes, & pipientes audiuntur pulli, & si aperiatur, rostro membranas aperientes & mordentes invenies.

Venæ tum duæ umbilicales supra hepar venis inseruntur, arteriæ lumbaribus truncis uniuntur.

Vitellus abdomine continetur, magnitudine juglandis, & jam viridescit.

Hepar flavum est, sed non tam luteum, quàm vigesimo die.

Intestina crassa & , imprimis Rectum, viridibus excrementis distenduntur.

Ventriculus à tenuiori schisto evacuatus est, & crassa materia coagulata à puncto viridi maculata invenitur.

De Membranis Ovi cum pullo.

Ovi cum pullo quinque sunt membranæ, duæ communes, reliquæ propriæ.
Com-

Communes sunt membranæ ovi quæ vitellum cum albumine ambiunt, atque amplexu suo continent; Harum externa testæ adhæret, altera conceptui, ad cujus figuram atque magnitudinem contrahitur, corrugaturque.

Reliquæ membranæ aut pullum, aut vitellum, aut utrumque continent: Quæ pullum immediatè ambit, colliquamenti dici potest, quia eâ capitur; est admodum perspicua, & clara, atque debilis; paucas accipit venas, quæ non nisi post aliquot dierum incubationem conspiciuntur.

Altera membrana, quæ vitelli est propria, sensim incrassescit, & ad venæ circularis extensionem, aut propagationem roboratur, venisque ditatur, quarum una est vena, altera arteria; in hac semper sanguis ad complementum incubationis rubet, in illa pallidior conspicitur, & septimo die flavo humore replentur ramuli, qui in gyrum implicati, multis locis capillares arterias excipiunt. Huic adhærent chalazæ cum cicatricula & vena circulari.

Tertia membrana Chorion dici meretur, totumque conceptum, i. e. pullum, vitellum cum albumine, amplectitur, omnium crassissima, cum vena circulari pari passu procedit, donec illa vitelli ventrem superavit, & sensim angustatur, tum enim illam relinquens albumen cum vitello

complectitur. Per illam sparguntur venæ atque arteria.

De Cicatriculâ.

Cicatricula ad tertii usque diei finem semper conspicitur, nunc à latere puncti salientis, nunc infra, aliquando supra, adeò ut neque membranæ pars sit dicenda, neque illi adnata, sed tantùm adhærens; Imò operculum foveæ, quæ colliquamenti materiam continet: ad quartum enim diem, quousque cicatricula observatur, fovea non aliâ membranâ clauditur; ablato enim chorio tum adhuc vitelli membrana cohærens fovea patet, aliter quàm quarto die, cum fovea hæc propriâ membranâ undique clauditur, chorium à vitello estseparatum, & vitellus propriâ membranâ tectus. Quarto die cicatriculæ ne minima nota superest. Et ut constet, an hæc fovea sit cavitas in vitello antè incubationem extans, pullus cum membranâ vitello alicui imponendus, quo sine rupturæ periculo eximi potest; si enim non est cavitas antè formata, sed à pondere pulli facta, procul dubio omni vitello impositus similem formam pondere faciet: sed non esse foveam certum est; verùm materia illa cicatriculâ contenta, inter duas vitelli membranas, propriâ membranâ involuta jacet.

Cicatricula semper vitelli partem superiorem obtinet, & quasi innatat illi, unde circulus iste clarus, quo cingitur; subsi-

dent

dent enim graviora magisque compacta, & locum liquidioribus & levioribus cedunt. Alba quoque illa substantia, quâ cicatricula constat, lymphæ huic permiscetur, adeò ut quamvis lymphæ crassior, reliquâ vitelli substantiâ tamen tenuior censenda; & quemadmodum plumbum & aurum attenuatum atque extensum propter magnam superficiem aquæ incumbit, compactum verò fundum petit, sic alba hæc substantia lymphæ tenuiori innatat.

Quadruplicem situm observare licet, quorum duo antè incubationem tantùm considerandi sunt, reliqui durante eâ. Qui conspiciuntur antè incubationem, non semper sese eodem modo habent, si enim reponatur diebus aliquot eodem situ, vitellus ad inferiorem testæ partem, cui ovum incumbit, descendit propriâ gravitate, atque albumen in ejus locum ascendit, quod quamvis, si totum ponderetur, vitellum semel superet, tamen illâ parte, quâ à vitello premitur, cedere cogitur, quia junctis viribus vitelli partes membranâ conclusæ in illam gravitatis vim exercent, ideòque cicatricula cum vitello descendit, atque in requietis ovis situm mutat. Alter situs antè incubationem notandus est, quòd cicatricula semper superiorem vitelli partem obtineat, manifesto indicio, eâ par.e esse leviolem, ita ut, quocunque modo ovum convertas in circulum, semper ci-

cictricula superiorem partem occupat, & oculis obvertitur, quod in ovo nondum testâ involuto optime observatur, quando per membranam conspici potest, ut in ovis observatur, quæ ex racemo deciderunt in uterum, ubi vitellus albumine investitur, & testa nondum duritiem acquisivit, & est transparens, tum enim in orbem sensim ductum clarè observare licet, quomodo cicatricula ad circumvolutionem locum mutet, & semper eminentiorem retineat.

Sin' hujus situm observemus incubationis tempore, duplex mutatio occurret: unus (*situs*) quoad altitudinem, ratione testæ, alter ratione membranæ vitelli. Prior conspicitur inter vigesimam, & vigesimam quartam incubationis horam, cum vitellus cum cicatriculâ meditullium albuminis excedens, ad superiorem testæ partem appellit, &, contra quàm in vetustis solet, albumen infra se descendere cogit. Sed postquam eo delatus est vitellus, procedente colliquatione, cicatricula à vitelli membranâ solvitur, atque sub, supra, aut à latere puncti salientis conspicitur, extra consuetum locum.

Cicatricula semper obscura & lumini impervia est, ideòque humori cuidam claro, cui illa videtur innatare, claritas illa attribuenda, quam in uno quàm altero ovo longè clariorem invenire licet; & crebrâ

brâ inspectione tandem observavi, in ovis infæcundis claritatem hanc abesse, etiam post aliquot dierum incubationem, quin etiam cicatricula ipsa multò minor, & omni fulgore destituta est, quantumque fulgor catarrhactæ inveteratæ à nondum confirmatæ fulgore differt, tanta ferè in cicatriculâ observatur fulgoris differentia.

Tertio tandem observationum anno, nempe 1657. certior factus sum, cicatriculam esse cavitatem inter duas vitelli membranas sitam, in quâ liquor tenuis continetur, qui clarissimæ lymphæ instar albâ substantiâ, quâ cicatricula est foris conspicua, continetur; Adeò ut pulli generatio non aliter, quam aliorum animalium ex liquore clarissimo exordium capiat, & quamvis ante incubationem vix distinctè conspiciatur hæc fovea, primo incubationis tamen die, si membrana exterior auferatur, se conspiciendam distinctè exhibet, & secundo clariùs, præsertim si incisâ vitelli membranâ vitellus diffuat, secum enim prædictam foveam deferat, quemadmodum flumine deferatur aliquod corpus illi innatans. Quod si hoc tertio denuò die instituatur, jam punctum saliens membranis adhærebit, dum fovea hæc unâ cum vitello aliò deferatur.

Anno 1656. 18. die Maji. vidi vitellum cicatriculâ carentem.

De Vena Circulari.

Venæ circularis duplex est origo ; nempe ex profunditate coliquamenti emergentes , una dextrorsum , alia sinistrorsum abit , atque ita circulum conficiunt , in quo circulatio sanguinis perficitur antè venarum umbilicalium productionem , ideoque sexagesimâ primâ horâ incubationis combinantur , quo tempore vasa umbilicalia ab utroque latere puncti salientis conspiciuntur , in quibus cum sanguis circulari incipit , in venâ circulari definit , quamobrem eo tempore non augetur , nisi circulariter. Et quemadmodum in obtuso vitelli cacumine circa cicatriculam oculis primum sese offert , ita demum in acuto definit , & quasi annihilatur ; adeò ut , postquam vitelli crassitiem superavit , sensim angustior fiat ; huic à latere accumbunt & quasi adhærent chalazæ , quæ à venâ circulari in angustum coguntur , tandemque aliquando uniuntur , aliquando decimo sexto aut decimo septimo die altera à vitello abscedit , & decimo octavo utraque testaceæ duritie inveniuntur inter Chorion & vitellum. Constat itaque chalazas post quartum aut quintum diem à venâ circulari in acutum ovi cacumen detrudi , & quemadmodum primis diebus dislocantur ab intumescentiâ vitelli , sic postremis à venâ circulari , in quam tum temporis major pars venarum per vitelli membranam discurrentium definit.

Vena

Vena circularis emissis per vitellum vasis umbilicalibus, singulis diebus sensibilter attenuatur, quia venæ cavæ orificium, per quod sanguis intrabat ex colliquamento, à nubeculâ futuri fœtus obturatur, & sanguis per vasa lateralìa aut umbilicalia cavam deinde ingreditur, ideòque extenditur, & ad caudam nubeculæ pertingit.

C A P. II.

Ovis genitalia & conceptus, itemque Canis ac Cuniculi.

Ovis genitalia.

PUdendum sive orificium est satis latum, atque interiùs corrugatum; in principio semicircularibus, deinde ad clausuram uteri longis rectisque rugis constans; longitudine sex septemve pollicum transversorum, & collum uteri indigitari potest; sed hoc ubi terminatur, occurrit corpus quoddam cartilagineum longitudinis trium aut quatuor digitorum, quod in quatuor aut quinque partes, sive valvulas distingui potest, imò in septem valvulas, quæ ita sunt dispositæ, ut ab utero collum versus stylum labore atque industriâ directum, aliquando transmittant, verùm si contra à collo uterum ingredi tentaveris, frustra eris; tali enim artificio sunt dispositæ, ut duæ semilunares cuspides singulis valvulis ita sint oppositæ,
ut

ut introitum, quâcunque adhibitâ solertiâ, attingere nequeas. Via, quâ per has valvulas in uterum pertingitur, est satis lata, antè imprægnationem humore lento obsita, sed post sensim magis magisque lentefcente, adeò ut vel solus omnem uteri aditum exitumve præcludere possit, præsertim postremis gestationis septimanis, quo tempore maximam tenacitatem acquirit. Neque à vero abludit, qui prædictarum valvularum colorem, substantiam, duritiemque cum epiglottide confert. Collum uterique duplici membranâ constant, quas inter feruntur plurimæ venæ arteriæque ante fæturam in se, instar vasorum semen præparantium, contortæ, quæ deinde, crescente agno, & dilatato utero, omnes in rectum extenduntur, augenturque numero & capacitate.

Dissecto uteri collo, atque prædictis valvulis, cavitatem intramus, quæ, ubi duorum pollicum latitudinem progressus fueris, medio pariete in dextram sinistramque cavitatem distinguitur, uteri duplicaturâ constantem, adeò ut ex quatuor membranis uterus compositus esse videatur. Hinc ubi hæc cavitates incurvantur, cornuum nomen adeptæ sunt, quæ sensim adeò attenuantur, ut parvæ venæ capacitatem vix retineant, eodem cum toto utero colore antè initum, & usque ad mediam fæturam, quo

quo tempore nigrescere incipiunt ; semper humore albo replentur , qui usque ad tertiam septimanam affuso Spiritu Nitri fermentat , instar feri sanguinis.

Interna uteri membrana multis tuberculis atque papillis protuberat , usque ad cornuum extrema , quæ , præsertim ad cornuum flexuram , mense Octobri ante initum nigricant , quemadmodum quoque ultimis fæturæ septimanis.

Ovis Conceptus. Anno 1655. 15 die Febr. sequentia observavi in conceptu ovis tertiâ septimanâ. Agnus cum humore Amnio contento erat magnitudine fabæ parvæ , seu phaseoli. Distinctè admodum per lympham amniumque conspiciebantur situs agni ejusque partes tum temporis formatae. Forma semilunari situs erat , atque distinguebantur , cerebrum , collum , spinalis medulla , cum rudimentis atque distinctione vertebrarum , cauda ; præter cor , ejusque unam auriculam , renes , venam , arteriam , atque umbilicalem venam unam sine conjuge arteriâ , contentarum partium sub conspectum veniebat nihil. Cerebrum , quam collum , aut spinalis medulla , aliquo modo magis protuberans , magnitudinem seminis betæ æquabat , utroque latere duo puncta aliquo modo nigra exhibens ; Collum à cerebro , quod teres & tenuius esset , & spinalis medulla , vertebris , cauda , tenuitate distinguebantur.

Cor

Cor, aliæque partes nondum pectore aut abdomine claudiebantur, sed ut cetera, trans lympham conspiciebantur; erat album cum unâ auriculâ purpurascens, venam umbilicalem, nisi me oculi fefellerunt, emittebat, sine conjuge arteria. Renes albi in lumbis; vena arteriaque per totam spinam extendebantur. Pedibus, aliisque omnibus partibus, quarum hic nulla fit mentio, carebat,

Anno 1656. mense Martio, inspexi uterum Ovis, quinque septimanis imprægnatum, & inveni conceptum nullibi utero junctum; acetabula jam erant molliora & quasi cute nudata, rubra quædam puncta albis distincta exhibebant. Humor tam Chorion, quam Allantoide continebatur, & agnus ferè eodem modo apparebat, quo solet quinto die pullus. Quatuor quasi truncata crura, viscera nondum abdomine aut costis tecta, oculi multò minores, quam oculi pulli, simili tamen colore & figurâ, quemadmodum quoque cerebrum atque cerebellum, cor, pulmones, ventriculi, & intestina cum spinali medullâ & caudâ.

Anno 1654. 13. die Nov. mihi data est occasio inspiciendi uterum Ovis gemellis imprægnatæ; atque uterum non alio, quam quo solet ante inituram, modo clausum esse experti sumus, ejusque collum humore lento tenacissimoque plenum, neque
crassi-

crassitie immutatum, imò potiùs immi-
nutum esse. Exteriùs omnes venæ arteriæ-
que dilatatæ erant ; internâ facie nihil oc-
currit notatu dignum, nisi quod acetabula
vulgò dicta, colore, substantiâ, & magni-
tudine immutata erant, nam cum antè initu-
ram sint alba in circumferentiâ, sed in ca-
cumine nigra, jam tota sunt pallida, non-
nihil ad flavedinem vergentia, quem colo-
rem brevi à coitu acquirunt mense Octo-
bri; substantia flaccidior multò in medio
evadit, atque sese jungit cum membranis
Allantoide & Chorion. Magnitudinem soli-
tam semel excedunt. Lenissima inter digi-
tos compressione pars illa, quæ secundi-
nas utero jungit, à reliqua abscedit, sine
ulla venarum laceratione, eodem modo,
quo in vaccis, quasi digitatim inter se hæ-
partes junctæ fuissent. Conceptus hic ubi-
que se utero jungit, non immediatè, sed
mediantibus acetabulis ; & aliis locis per
contactum tantum ; & cum acetabulo mi-
nimè similes sint hæ carunculæ, cum cavi-
tate careant, & aliquo modo protuberent,
immeritò ab antiquitate eo nomine appel-
lantur, nisi illa tempore imprægnationis
eo donata esse dicamus, nam tum facilè ex-
cavantur, abscedente, medullæ instar, in-
teriori substantiâ. Hinc conceptum ipsum
aggredientes, duos illo agnos cōtineri anim-
advertimus, utroque cornu unum, &
conceptum usque ad cornu utriusque fi-
nem

nem extendi, sed circa finem acetabula nondum illi unita esse, quemadmodum quoque circa orificium uteri, neque alio modo, quàm glutine ejus extremitatibus utero appensum. Communis illis Allantoides, Chorionque, humorque illis contentus, & has duas membranas invicem immediato contactu junctas facilè separavimus, præterquam ubi acetabulorum extremitate interveniente arctiùs jungerentur, non tamen adeò, quin minima vi illacera separarentur. Vasa umbilicalia ad cornuum extrema sese extendebant, unicuique acetabulo vasa sua distribuentia, & per transversum amputata, quatuor puncta sanguinea distincta notavi. Apertis membranis prædictis, illicò sese obtulit Amnion, magnitudine & forma ovi gallinacei, quo continebatur agnus magnitudine primi pollicis articuli, capite inter anteriores pedes nonnihil inclinato, & cruribus ductis, omnibus partibus externis constans, innatabat humori limpidissimo, oculorum crystallino perspicuitate valdè simili. Sed cum hunc humorem, alterumque aliis membranis contentum, fermentis permiscerem, nullam alterationem animadverti, contra quàm in acetabulis divisis, horum enim liquor, quemadmodum sanguinisferum, in lactis consistentiam atque colorem convertebatur hinc conjeci, illum humorem esse solam aquam omni alimen-

mento privatam. Hinc agnum ipsum inspeximus, atque nil tantâ perspicuitate oculos ad se trahebat, quàm vena jugularis, magnitudine alias omnes partes superans; os illi erat apertum, cerebrum album atque stabili consistentiâ, sed aquâ circumvolutum; cranium membranæ duritiem vix adeptum erat; Cor illi album, auriculæ sanguine distentæ, nigræque; Intestina, quatuorque ventriculi alias partes albedine excedebant, sed an humor illis contineretur, præ exiguitate imperceptibile, nisi ex eorum rotunditate atque intumescencia id quis affirmaret; renes albi erant; pulmones rubri; spina dorsi substantiâ ejusdem coloris & consistentiæ cum cerebro plena erat; Vesiculam bilis nondum oculis assequebar. Credo Conceptum fuisse circiter duorum mensium.

Acetabula usque ad finem tertiæ septimanæ nihil immutantur, nisi quod hinc inde, ubi cornua incipiunt, punctis rubris circumambiantur, & parùm intumescant; circa finem, ubi cornua incipiunt gracilescere, tertiâ fæturæ septimanâ, sanguine tincta inveni; Illo tempore nondum secundinæ vasa utero junguntur; alia eorum est facies primis, mediis, atque ultimis fæturæ septimanis. Quarto mense imprægnationis sordent humore, nigri flavique coloris.

Venæ arteriæque uteri cum vasis umbilica-

licalibus non junguntur, sed in condylomatibus terminantur, quemadmodum quoque vasa umbilicalia ibi desinunt, & succus nutritius ibi effusus à venis umbilicalibus absorbetur, quemadmodum in hepate, lienem, & glandulas mesenterii deferatur sanguis & chylus, & effertur ab aliis vasibus.

Membranz æ agnum involventes sunt tres: Allantoides, Chorion, & Amnion; illas vasa umbilicalia perreptant, & Amnion cum fœtu continent, hæc fœtum amplectitur. Tertiâ septimanâ & diutiùs nondum utero alligantur, neque postea aliter, quàm venis arteriisque, quæ utramque inter feruntur, & tandem, ut arborum radices terram, sic illæ acetabula perreptant, & his uniuntur adeò, ut medio fœturæ non nisi medullaris substantiæ condylomatum partem secum trahant, & instante partu, totam interiorem sive medullarem substantiam; adeò ut tum potius ad membranas, quam acetabula pertinere judicares.

Humores hisce membranis continentur limpidissimi, qui initio fœturæ aliter sese habent, quàm sub finem, quo tempore affuso spiritu Nitri nil immutantur, sed initio, quemadmodum solet chylus, incrassantur & candescunt, quemadmodum conspicitur humor iste albus membranis adhærens. Hinc conjicio, humorem ex quo fœtus formatur in se continere partem

tem sanguinis, quæ corpori solet alimentum esse, & à nobis in fero contineri affirmatur, quæ materia sive sanguinis serum, abundè fermento imprægnatum, fermentatione incrassatur, inque corpus agni mutatur, superstitè aquâ, quæ pro vehiculo humori prædicto fuit, atque illa his membranis ad partum usque conservatur, continuèque augetur.

Vasâ umbilicalia in agno trium septimanarum, cordi implantantur, atque ramos per Chorion, & Allantoidem spargunt.

Canis. In Cane collum ab utero unâ cartilagine, in valvulæ modum, distinguitur; magis post conceptionem quàm antè clauditur.

Uterus duobus cornibus constat, sine acetabulis; cum coitum appetunt canes & libidinantur, seroso humore tenuique îcatet forsan, ex quo accedente virili aura, colliquamentum fit.

In Cane intra tertiam quartamque septimanam præter vesiculam nil invenies; sed quod animadversione dignum, cum canis cuniculum mole corporis longè superaret, vesicula tamen prædicto tempore cuniculi vesiculæ magnitudine multum cedebat, ut cannabis semen non excederet.

Cuniculi. In Cuniculo nono die præter vesiculam magnitudine majoris pifi nil conspicitur, quæ lympham admo-

modum claram continet, quæ fermento segregatur & cogitur; utero minime cohæret.

DE GENERATIONE PULLI
*ex Ovo gallinaceo singulis
 post incubationem diebus
 à nobis inspecto.*

ANNO 1667. m. April.

Die I.

ELapsis viginti quatuor ab incubatione horis, ovum incubanti gallinæ surreptum grato tepore erat perfusum, seu potius calore (secundum Chemicorum *dispositum*) gradus inter primum & secundum medii, qualis scilicet vivificationi, i. e. quiescentis intra cicatriculam machimulæ agitationi sufficit; neque enim quivis calor delicatissimo huic operi est conveniens, sicut apparet è furnis Ægyptiis, ob neglectum ignis moderamen ova non pauca corrumpentibus.

Cavitas obtusæ partis, quæ est inter corticis & albuminis membranas, in majorem peripheriam dilatata.

Vitellus, tunicis dissectis, apparuit versus cavitatem nonnihil elevatus, ita ut macula eidem insculpta, quæ prius à latere ovi consistebat, nunc sub foveolâ; Chazæ verò acutum & obtusum antea respucentes, jam propter conversum vitellum circa latera conspicerentur.

Macula, quæ antè incubationem nil nisi punctum subcineritii coloris est, albicante circello cinctum, jam magis erat prorni- nula; Punctum cineritium coarctatum in centro sui aliud punctum album continens, in circulum degeneraverat; albicans ille circellus latior factus limbo candidissimo cineritium complectebatur; hos circumdabat alius & postremus, halonisin- star, ex vitello sub tunicâ suâ aliquantulum fuso. Sic macula gyris suis oculi ima- ginem induerat.

Ab utroque hujus oculi latere micabat punctum sanguineum: alterum majus erat & maculæ propius, alterum minus & à maculâ remotius.

Supra punctum minus hærebat macula oblonga, irregularis, à colliquato vitello, cui vicina erat alia ejusdem naturæ, sed minor.

In Albumine nullam mutationem vidi- mus.

Die II. Cavitas amplior.

Albumen paulò tenuius.

Maculæ punctum figuram oblongam acceperat.

Vitellus totus erat fluidior.

In Chalazis nihil mutatum.

Circuli planè erant confusi, sed adhuc aliquo modo prominentes.

Puncta sanguinea pridie observata hodie non comparebant.

Tunica vitelli ob rarefactionem contenti valdè tenera deimprovviso rumpebatur, & ulteriorem in hoc ovo inquisitionem prohibebat; aliud itaque aperuimus, in quo

Circulos nonnihil distinctiores, latiores, valdè tamen irregulares deprehendimus.

Macula non hærebat ampliùs sub mediâ cavitate, sed decliviorẽ situm obtinebat.

Maculæ meditullium sedulò insipientibus apparuere tria diversa puncta, ferè instar vesicularum crySTALLINâ lymphâ repletarum.

Vitellus inæqualiter fusus, nec ubique æquè fluidus; passim enim cernebantur in ipso maculæ, ob transparentes tenuiores ejusdem particulas.

Die III. Cavitationis amplitudo admodum increvit.

Vitellus eidem proximè subjacebat.

Remotâ albuminis tunicâ, in extremo cavitationis istius limbo sese offerebat Punctum saliens è duobus punctulis efformatum, in quorum motu systole & diastole alternis vicibus observari poterant.

Circa istud punctum animadvertimus album quiddam, figurâ propemodum circulari, & ab uno laterelongiùs protensum, ac nonnihil convolutum, in cujus medio agitabatur mica isthæc sanguinea, à quâ plurimæ vasorum rubentium fibræ exortæ ab omni parte in infinitas propagines divari-

cabantur, quarum extremitates claudebat circulus rubicundus, itidem ad vasa referendus.

Postquam per horulana salierat punctum, deficiebat quasi exanime; separavimus igitur illud cum adjacente albo corpusculo à vitello, quando seorsim pullum referebat, in se complicatum, pelucidum, in quo per microscopium plurima puncta conspeximus, alia aliis clariora; quæ heterogeneam istius moleculæ constitutionem arguebant.

Chalazæ pristinam speciem constanter servant.

Die IV. Cavitas haud desinit magis magisque dilatari.

Motus salientium auricularum erat aliquo modo languidior, atque ille, quem heri observabamus.

Particulam istam inquietam accuratè examinantibus patuit, eandem constare non è duabus solum auriculis, sed & his annexo corculo.

Vasa (ovi fortè vitio) erant pauciora, & magis inordinata.

Corpusculum fætus erat instar vermis in sese contorti, in cujus medio agitabatur particula illa sanguinea mobilis.

Juxta spinam dorsi inflexam venæ sanguinæ majusculæ & satis amplæ (quas pro majoribus truncis meritò habebamus) decurrebant.

Capi-

Capitis rudimentum oculis jam manifestè instructum, insigniter prominentibus, adeò ut pupillam cum iride in ipsis clarissimè licuerit observare..

Vitellus & albumen pœnitus colliquata.

In extimâ parte spinæ quædam appendicula caudæ similis sese offerebat, colore nigricante; futuri uropygii rudimentum judicavimus.

Motus cordis minus viividus, vix ad horæ semissem durabat, &, desinente paulatim pulsu, vena major juxta dorsi spinam decurrens, sensim purpureo colore exuta, pallore suffundebatur, quasi sanguine cassâ, ob languorem morientis corculi, quod digiti calore resectum protinus reviviscebatur; quando distinctè duarum auricularum systolen & diastolen, inque illâ recepti sanguinis in appensum cor propulsionem spectare potuimus.

Chalazæ videbantur aliquantò turgidiore.

Vasa illa undique divaricationibus suis sparsa habuimus pro umbilicalibus, quippe quæ pro diversitate animalium, modò hepatis ipsi, modò venis mesaraicis implantantur.

Die V. Venæ non solùm numerosiores, verùm etiam ampliores, longiusque protensæ.

Fœtus notabile sumserat incrementum, & in peculiari in vitello efformato sinu,

five alveolo, in sese complicatus delitescibat, undique colliquamento cinctus valdè pellucido & transparente.

Vasorum trunci manifestè ingrediebantur sinum illum, indeque corpusculum pulli, propè quod per crystallinum colliquamentum, in quo fœtus natabat, eleganti suo rubore transparebant.

Caput respectu reliqui corporis profectò grande erat, & in tres bullulas distinctum, cerebrum scil. cerebellum, & alterum oculum, sub quo alter delitescibat.

Circa sinum, in quo jacebat fœtus, aliquid materiæ albæ mucosæ natabat.

In extremâ parte fœtus prominentias nonnullas, pedum instar, vidimus.

Alarum structura jam inchoata.

Cordis motum languentem denuò nullo negotio poteramus resuscitare, admoto digito, quin & calido anhelitus afflatu.

Die VI. Cavitas non solum quoad latitudinem, sed & profunditatem plurimum excreverat.

Venæ & pauciores, & graciliores, & pallidiores erant, quàm hesterno die; unde conjiciebamus, fœtum vel languidum, vel planè mortuum esse.

Nec inanis fuit nostra conjectura; extinctum enim pullum inveniebamus, id quod statim arguebant quies cordis & vena major ad spinam dorsî vix ob pallorem conspicua.

Ce.

Cerebelli bullula in parte posticâ admodum pellucida, & splendore superans ipsum cerebrum in antico latere bursulæ inclusum.

Alæ, pedes, & uropygium clarissimè poterant discerni.

Vasa umbilicalia sub alis corpusculum ingrediebantur.

Die VII. Cavitationis nulla sensibilis augmentatio.

In Capite jam vasa comparebant, eaque copiosiora in cerebello.

Cor quiescebat, cui motum restituebamus suppositâ sætui aquâ calidâ, & factâ subinde irritatione.

Cor ipsum erat albicans, appensæ verò auriculæ rubicundissimæ.

Oculi vehementer adaucti, in quibus ligamentum ciliare facilè poterat conspici.

Spinæ dorsi articulationes manifestæ erant.

Oris rudimentum exhibebat fissura quædam in apice ejus.

Sub corde in dextro latere cernebatur particula quædam in medio flavescent, (ob annexam credidimus fellis cystim) in exteriori autem parte alba, quam pro hepate agnovimus, in quo vasa sanguinea valdè erant conspicua.

Sub hepate apparebant intestina, filorum albicantium contortorum specie.

Sub sternum ad cordis latera affixos vidimus pulmones vasis suis præditos.

Die VIII. Tunica albuminis crassior, adeò ut vitellus non transpareret.

Remotâ tunicâ, fœtum sese in suo colliquamento moventem & calcitrantemprehendimus.

Venæ jam in unum trunçum coalitæ umbilicum repræsentabant.

Vasis arteriosi à recepto ex sinistro cordis ventriculo sanguine motus facilè erat observabilis.

Omnia membra clarè poterant discerni.

Amnios membrana, colliquamenti receptaculum, fauciata profundeabat liquorem saporis subsalsi.

Pulli os magis prominulum, cum pusillo rostro, quo diducto lingua comparebat.

Reclinatis intestinulis, ren apparere cœpit.

Uropygium jam brevius & latius redditum.

Die IX. Ovum gallinæ subtractum solito calidius erat.

Tunica albuminis multò crassior.

Venæ ampliores & turgidiores.

Pullus sese movebat, pedibus protensis & simul expansis.

Amnios tunica facta amplior.

Rostrum pulli jacentis sub alis reconditum.

Cutim observabamus, inque eâ poros.

Alæ cum suis articulationibus magis veniebant in conspectum, ut & muscoli pecto-

pectorales cum sterno, quod albicante lineâ inter illos sese prodebat.

Pedum ungulas cum incisuris commodè poteramus distinguere.

In superioris maxillæ sive rostri apice vidimus punctum quoddam candidum.

Hepar jam altero lobo sinistram quoque partem occupaverat.

Ventriculi duo orificia manifesta erant, & quidem propè superius oesophagus in peculiarem sinum explicatus.

Cerebri medulla gyris obscurioribus distincta.

In maxillâ inferiore contractâ duritiem penè cartilagineam offendimus.

Chalazæ aliquo modo teneriores.

Die X. Jam inter caput & corpus reliquum melior proportio.

Anum & uropygium commodè potuimus discernere.

In Cute jam vidimus plumarum germina, infinita nempe puncta nigra, quibus præ ceteris spina dorsi lumborumque regio obductæ erant.

Oculorum integri bulbi palpebris intecti, exceptâ pupillâ, quæ jam spiceo magis quàm albo colore prædita.

Cerebrum antiùs divisum cum quibusdam suis partibus cernebatur.

Placuit adhuc aliud ovum infidenti gallinæ auferre, & priùs in aquâ satis diu coctum pertundere, in quo observavimus.

Vitellum & albumen quidem coagulata esse, non item colliquamentum, quod pristinam fluiditatem retinuerat, attamen quantitate nonnihil imminutum.

Vasa majora nigricantem, minora cineritium colorem induisse.

Vitellum inter fætum & albumen hæ-rere.

Vitellum ferè integrum, albumen ex parte absumtum & valdè durum.

Oculos pulli concidisse, absumtâ fortè subtiliore humorum portione.

Ventriculum ejusdem turgidum.

Die XI. Pullus calcitrabat, & os suum aperiebat.

Hepar utrumque latus replens subfusco jam colore.

Dextro ejusdem lobo elevato, sese offerebat folliculus bilarius, globulus scilicet cœruleus, magnitudine caput aciculæ vix superans.

Ventriculus eo latere, quod fellis vesiculæ est vicinum, intra suas tunicas habebat punctum quoddam ærugineum.

Renes notabiles, colore spiceo.

Pulmones planè albi.

Resecto ossè sterni, costæ poterant dinumerari.

Arteria aspera aliquam jam tum nacta duritiem.

In capite omnia adhuc mollia, nisi in extremo occipite, quod aliquam firmitudinem acceperat.

Spi.

Spina cartilaginea.

Crura & pedes osscam soliditatem habebant.

In dissectis oculis comparebat nervus opticus.

Die XII. Nihil præter memoratarum partium augmentum nobis est observatum.

Die XIII. Plumæ egregiè excreverant.

Circa femoris cum ossè coxendicis commissuram pinguedinem videbamus.

Cor densiore substantiâ & rubicundiore colore gaudebat.

Loco cranii adhucdum crassâ quædam membrana.

Die XIV. Tunicæ albuminis satis crassæ remotio venulas, quæ magno numero eidem subjacebant, lacerabat, unde hæ copiosè sanguinem fundebant.

Pectus pinguedine munitum.

Intestina maximâ sui parte extra abdomen pendula in communi umbilicalium vasorum integumento, tanquam in bursâ, latebant.

In ventriculo candidum chylum reperiebamus, eidemque immersam particulam æruginei coloris, qualem diebus præcedentibus intra tunicas hæerere vidimus.

Elevato ventriculo conspeximus lienem minutissimum, figurâ sphericâ.

In Bile amaritiem gustu percepimus.

Die XV. Pulli motum, necdum divisâ albuminis membranâ, observavimus.

Ablatâ illâ tunicâ omnia in ovo apparebant valdè cruenta.

Pulli rostrum apertum.

Vitellum reverà duplicem deprehendimus.

Colliquamentum amnio contentum saporem ferè falsum habebat.

Ventriculi substantia solidior, & prope-modum carnea, subrubra, per lineam albam tanquam futuram divisa.

Ventriculus cum suo vestibulo valdè tumebat.

Canaliculus tenuis à vitello in medium intestinorum sese insinuabat; ceu apparet

é Fig. VI. in quâ exprimuntur per

a. a. Vitellus geminatus.

b. Ductus ejusdem.

c. Intestini portio.

Ventriculo inciso rursus apparebat mica illa æruginea minutissima, chylo altè immersa.

Die XVI. Exemto cum humoribus factu, nihil albuminis vidimus superstes.


Una tantummodó chalaza aderat.

Pullus, etiam putamine exemptus, fortiter membra agitabat.

Ductus à vitello ad intestina pergens multò manifestior, videbaturque involu-
crum vitelli prolongatum.

Rursus transparebat punctum istud æru-
gineum,

Fig. VI.



gineum; & quidem circa pylorum; videtur a bilé ex intestino regurgitante oriri.

In Intestinis nihil præter mucum observabamus.

Folliculus fellis aliquantò oblongior.

Die XVII. In ventriculo iterum latebat portiuncula æruginea.

Ventriculi parietes erant spissiores.

Hepar flavescebat.

Pulmones albi, plurimis punctis rubris conspersi.

Cor rubicundum, cujus tamen mucro adhuc pallidior erat.

Ingluviem dissectâ cute, in inferiore colli regione ad latus, inveniebamus planè vacuum.

Intestina cavum ventris ex parte intraverant.

Diebus sequentibus nihil singularis occurrit, præter continuum partium incrementum. Paucis verò diebus post, acquisito sufficiente membrorum robore, sensim carceres effringit captiva avicula, quò luce liberoque aëre perfruatur.

OBSERVATIONUM

Anatomico-Medicarum Decades quatuor.

P R I M A.

Obs. I.

*Anatome Cadaveris Virilis à Cl.
Dn. Joh. van Horne Lugd. Bat.
in Nosocomio instituta.*

ANNO 1659. m. Nov.



Bierat febre continuâ, cum dolore hypochondrii finistri, & vomitu.

Aperto abdomine inventa sunt omnia intestina sursum retracta, mirum in modum conglomerata, & sibi invicem connata, variis in locis quoque nigricantia & sphacelata.

Peritonæum simili labe infectum.

Plurima in hoc infimo ventre reperta est materia rubicunda, saniosa, admodum fœtida.

Jecur ex parte diaphragmati annexum, in dextro sui latere gerebat abscessum cum pure albo & concocto, ubi natura verius interiora partem callo quasi manierat; Ligamentum ejus solito crassius, quin ferè cartilagineum.

Fol-

Folliculus fellis magnus.

Ductus pancreaticus valdè tenuis & parvus.

Intestina , Pectoris cavum , & Pericardium limo viscido ac lento , eoque copioso obfessa.

In reliquis visceribus nil quicquam morborum aut alias memoratu dignum occurrit.

Obs. II.

*Anatome Cadaveris Muliebris à Cl.
Dn. Francisco de le Boe sylvio
Lugd. Bat. instituta.*

Vetula de debilitate , oris amarore , & alvo adstrictâ conquesta fuerat , simul autem delira & accuratæ symptomatum suorum enarrationi inepta.

Defunctæ corpus dissectum exhibuit primò materiam purulentam & ferosam in abdomine.

Omentum crassum & rubicundum.

Intestina multis in locis inflammata rubebant ; in quibus , ut & peritonæo vascula minima erant conspicua , quod Dn. Sylvius à sanguine vi spiritus acidi in pure existentis in vasculis istis coagulato fieri judicabat. Tenuia intestina passim sphacelo corrupta , quin & erosa erant uno loco ,
adeò

adeò ut fæcum pars in ventris cavitatem prolapsa compareret.

Hepar lividum & flaccidum.

In Vesiculâ bilariâ septendecim diversæ figuræ & magnitudinis lapilli reperiébantur, cum intermisso quodam virore flavescèntes & friabiles; Bilis ferè rufa; Ductus bilarius non tantum cum pancreatico intestinum perforabat, sed & secundo quodam ramo illud ingrediebatur, appositâ utrique insertioni intus papillâ exili.

Lien solito rubicundior.

Renes flaccidiore.

Apertâ calvariâ notabilis aquæ copia inveniebatur intra meninges, & in cerebri ventriculis.

Glandula pinealis oblonga alterâ extremitate duobus nerveis vinculis, alterâ pluribus arteriolis cerebro erat alligata; id quod naturale est.

Cetera vulgaria, & in quibusvis sectionibus obvia non commemoro.

(*Ex communicatione Cl. D. Joh. à Wasse-
naar, Præctici Amstelodamensis eximii.*)

Obs.

Obs. III.

*Anatome Corporis Virilis à Cl.
Dn. Henr. Meibomio Helm-
stad. instituta.*

ANNO 1667. m. Octobr.

IN hac sectione sequentia observavimus notatu digna:

Musculus pyramidalis solummodò unus comparebat, & quidem in latere sinistro.

Inter musculos abdominis laterales & peritonæum copiosa pinguedo.

Musculi Recti quatuor inscriptionibus præditi.

Venæ in musculis Rectis dictæ mammariae concurrebant, superiores cum inferioribus, quando, qui in his stagnabat sanguis, leni compressione in illas provehi poterat.

Intestinum ileon planè erat corruptum, colore livido & subcæruleo; tunica externa exesa multum abscefferat, unde passim p. n. illud annatum vidimus.

Coli ad renem sinistrum mirabilis contorsio.

Ventriculus & mesenterium malè colorata.

Ductus pancreatici insertio in intestinum ab orificio $\chi\alpha\lambda\eta\delta\acute{\chi}\epsilon$ pollicis latitudine distabat.

In

In Glandulis ad arteriam asperam fitis concretos lapillos deprehendimus.

Cor plurimâ pinguedine oblitum.

In dissectis pulmonibus latebat nigricans tuberculum.

In Cranio exterius non apparebant futuræ, sed tantum interiùs.

Quæ incisâ cerebri pulpâ sese offerunt infinita punctula sanguinea, oculo armato insipientibus apparebant tanquam pluriimi tubuli cruenti.

Glandula pinealis cineritii coloris, figuræ irregularis, calculis referta.

Plexui Choroidi præter pinealem adhuc alia glandula innexa erat, majuscula, valdè pellucida, in quâ per microscopium copiosa vasa sanguinea conspiciebantur.

Glandulas circa radicem linguæ examnantes, invenimus foramina illa à Fallopio observata, in tonsillis ad uvulæ latera fitis, valdè patula, è quibus pressis emergebat mucus albicans.

In Linguâ ipsâ similiter, spatio inter tonsillas, magnam exiguarum glandularum foraminulis suis præditarum congeriem animadvertimus, è quibus itidem succus candicans poterat exprimi.

In medio istarum reperiebamus aliquem meatum, sed cæcum, longitudine articuli digiti.

In Linguæ superficie, præsertim anteriore, ubique clarè cernebantur numero-

ſæ papillulæ candidæ, à Cl. Malpighio detectæ, quas pro vero & proximo guſtus organo meritò agnoſcimus.

Obſ. IV.

Anatome alia ibidem inſtituta.

ANNO 1668. m. Januar.

HOc corpus, itidem virile & violentâ morte necatum, ſuggeſſit notabilia quæ ſequuntur:

Muſculi abdominis admodum macri & extenuati, pinguedo contra ſatis luxurians.

In muſculo Recto duæ ſaltem erant inſcriptiones, exque valdè obſcuræ.

Omentum pinguiffimum, paulò ultra umbilici regionem protenſum.

Lien grandis, tumens, & laxus, cujus exterior membrana nullo negotio ſecedebat.

Ventriculus inſolitæ longitudinis, è qua fruſta aliquot cruda pomorum & lardi exemimus.

Inteſtinum duodenum circa pancreatici & bilarii ductuum inſertionem vehementer diſtentum & ſubſuſcum.

Oſcula iſtorum meatuum junctim inteſtinum perforabant.

Canaliculos felleos varios ab hepate in folli-

folliculum ejusque cervicem desinentes manifestè vidimus.

Ductus bilarius *cyfticus* vaivularum loco multis fibrosis circulis instructus.

Colon intestinum solito & longius erat, & amplius.

Vasa deferentia intine, propè seminales vesiculas, glandulosa & cellulis quasi distincta; videbantur autem vesiculis tantum annexa easdem præterire, proprioque osculo ad urethram pertingere; illud clarissimè patebat, non interservire deferentia vasa convehendo semini à testibus ad vesiculas; & profectò injuriam faciunt artificiosæ istarum partium fabricæ, qui vas deferens pro mero canali, vesiculam pro receptaculo solum agnoscunt.

Pulmonis dexter lobus nigricans, sinister diaphragmati & pleuræ arctissimè annexus, totusque cruentus, & obscuri coloris, ac si gravi phlegmone fuisset affectus.

Diaphragmatis superficies convexa propè pericardii nexum multo adipe tecta.

Glandulæ ad pulmones sitæ gypseâ materiâ, nondum penitus induratâ, infarctæ.

Foramen ovale adhuc patulum, in homine tamen 40. annos nato.

Asperæ arteriæ cartilagines intra pulmones nequaquam integræ, sed circuli hic æquè mutili ac in trunco ejus propè œsophagum.

Ossa tetebrâ perforata ex infinitis poris sanguinem guttatim emittebant.

Obs. V.

*Anatome Cadaveris Virilis à Cl.
Dn. Sylvio Lugd. Bat. in-
stituta.*

ANNO 1668. m. Octobr.

OBierat hic homo in Nosocomio Lugdunensi è gravi affectu, ex animi summo moerore & perpeſſis ob paupertatem aëris injuriis contracto. Primò autem vidimus

Abdomen vehementer inflatum, & tensum.

Musculi ventris infimi satis torosi erant, pinguedo autem tenuis & pauca.

Omentum omnia intestina contegens valdè erat macrum, præterea nigricans & quasi atramento ubique tinctum.

Colon intestinum itidem ex parte denigratum.

Intestina alia omento substrata ab omni nigrore planè immunia erant.

In cavo abdominis fluctuabat quidam humor, instar loturæ carniū ruber, saporis amarissimi, cum aliquâ acerbitate adstringente; à quo liquore illa omenti nigredo omninò videbatur exorta esse.

Ven-

Ventriculus & intestina flatibus mirum in modum distenta, in nonnullis tamen locis valdè contracta & angusta, (ceu aliàs in Cuniculis observare est) idque tam in tenuibus, quàm Colo quoque, cujus principium seu ingressus prodigiòse expansus erat.

Jejunum intestinum ex parte maxime rubebat, ob vasa insigniter turgida, principium inflammationis ferè arguentia.

Colon in dextro inguine exortum, inde assurgebat ad renem hujus lateris, cui ita annexum erat, ut communi fruerentur membranâ, quâ divulsâ, inter renem & Colon apparebat intestini tenuis in lumbis portio, adeò ut Colon, tenue intestinum, & ren in dextro latere valdè sibi invicem essent conjuncta.

Cæcum admodum exile, aliquâ sui parte nigricabat.

Folliculus fellis mirè expansus, transparent & stupendæ magnitudinis, pugni instar, ob inclusos flatus, qui ex intestinis in ipsum procul dubio penetrârunt.

Coli intestini regio vesiculæ biliaræ contigua, solito magis latiorique ambitu flavedine tincta erat, ob bilem copiosius fortasse per attenuatos suos parietes transsudantem.

Copiosos istos flatus in suo corpore excitaverat æger ab incautâ ingurgitatione pharmaci potentis, spirituosî, & aromatici,

tici, quod cum per vices, parvâque dosi assumere debuisset, contra Medici præscriptum simul & semel hausit, quo ipso pituitosa saburra vehementer rarefacta tantam flatuum vim produxit.

Lien profundè delitescens, & satis pusillus.

Pancreas molle, laxum, obscuri coloris, glandulæque ipsius disiunctæ, quæ omnes injecto in ductum per siphonem lacte egregiè intumescebant.

Hepar lividum, laxum, interiùs ferè nigricans.

E vesiculâ fellis apertâ plus quàm duas uncias bilis rufæ exemimus.

Non licuit ob fervidum, præter morem, aërem ampliùs inquirere.

Obs. VI.

Anatome Cadaveris Virilis à Cl.

*Dñ, van Horne Lugd. Bat.
instituta.*

ANNO 1669. m. Januar.

INteriit hic à nimio potu Vini adusti.

Corpus erat senile, canis capillis.

Pinguedo paucissima.

Musculi validi & pleni.

Omentum valdè retractum, & intra superiorum intestinorum mæandros reconditum.

Hepar

Hepar infolitæ magnitudinis.

Lien admodum pallidus.

Trunco venæ mesentericæ inflato, spiritus promptè in intestinorum tunicas penetrabat; indicio, nullis isthæc vasa prædita esse valvulis.

In Omenti parte propè mesenterium magnas observavimus glandulas.

Separatâ utrinque membranâ mesenterii, reverâ comparebat tertia intermedia, mesenterio propria, cui vasa innexa.

In mesenterio offendimus copiosas glandulas inter vasa sitas, præterea abscessum quendam lapideum, cujus nempe materia in calculum concreverat inæqualem.

Pulmonis lobus dexter toti lateri firmissimè annatus, multo pure circa ipsum fluctuante, & laxâ putrique pinguedine ubivis adhærente, quali ferè universus thorax intus erat oblitus.

Pulmo ipse carnosior, & minus spongiosus, multum foedæ saniei post incisionem emittens.

Costæ dextri lateris admodum fragiles, vitri instar.

Ductus thoracicus in regione dextrâ ad venam ἀξυζοῦ valdè conspicuus.

Venæ ἀξυζοῦ immixtus flatus non modò subclaviam, sed & ipsum cor commovebat, quò & pertingebat lac siphone injectum.

Musculi occipitis & frontis connexio in capite manifesta.

Et

Et pericranium & periosteum temporales musculos supergredi deprehendimus.

Arteria bronchialis à trunco arteriæ aortæ descendente exorta versus pulmonem decurrebat.

Sanguis in vasis supra modum tenuis.

Venæ cavæ truncus amplitudine suâ non cedebat intestino.

Ductus pancreaticus versus intestinum notabilem flexum faciebat, similem literæ S.

Circa vasorum spermaticorum ex abdomine egressum nihil in peritonæo observare potuimus processus nomine dignum. Interna enim istius tunica (duplici namque constat) ita erat circumposita vasis spermaticis, ut penitus ibi ventrem clauderet; exterior verò videbatur reverà vasa isthæc involvere, vaginamque constituere.

Partes genitales omnes propter senium valdè exiles & collapsæ.

Ad *ἐπιδιδυμίδα* dextri testiculi hærebat hydatis sat ingens.

Circa tibiæ cum osse femoris commissuram in posticâ parte inueniebamus os sesamoidæum.

Obs. VII.

Anatome Corporis humani sequioris sexus ab Eodem instituta.

ANNO 1669. m. Mart.

PERIIT ex Febre catarrhali malignâ.

Abdomen, pectus, omnesque artus copiosissimâ pinguedine investiti, muscoli verò præter modum graciles & extenuati.

Interiùs circa viscera parcissimam pinguedinem vidimus.

Vasa sanguine aqueo & ichoroso turgida.

Musculus pyramidalis unus saltem aderat, in latere sinistro, valdè tenuis.

Circa finem intestini duodeni, in ejusdem substantiâ, hærebat abscessus steatomati haud dissimilis.

Testiculo dextro affixæ erant aliquot hydatides insignes.

Pulmonis dexter lobus arctissimè lateri annexatus.

Diaphragma in dextro latere altiùs subierat pectus, ita ut obliquum situm haberet.

Ductus thoracicus à diaphragmate primum recto ductu assurgebat, deinde versus sinistrum latus deflectens, & paulatim amplior factus, sinistræ subclaviæ inferebatur, ceu in flatus ac dein liquoris immisione patebat, quando tota axillaris undique

dique ligaturis occlusa egregiè elevabatur.

Circa asperæ arteriæ in pulmones ingressum plurimas vidimus nigricantes glandulas, quales in homine plerumque reperiuntur, in brutis non item.

Arteria bronchialis admodum tenera & exilis, etiam in suo ex arteria magna egressu; pluribus autem ramusculis pergebat ad sinistrum arteriæ asperæ ramum, paucioribus ad dextrum.

Inflatâ in pectore venâ ἀζύγη, omnes propemodum in abdomine venæ portæ divaricationes intumescebant.

Venæ sinistræ emulgentis exortus è cavâ infra renem, ita ut notabilem ascensum faceret ad renis parenchyma; in latere opposito simile non observabatur.

Inter ductus pancreatici & bilarii insertiones pollicis latitudo.

Vena coronaria oriebatur quasi ex ipso hepate, ad ventriculi superiorem partem pergens.

In sinistrâ regione arteria emulgens occurrebat gemina; ex inferiore oriebatur spermatica.

Inflatio arteriæ spermaticæ attollebat majores ramos aortæ, propter communicationem nimirum per hypogastricas arterias, quarum unâ inflatâ, mox quoque elevabatur spermatica.

Tubæ uteri apertæ & patulæ, quibus inflatis ipse uterus ejusque orificia nonnihil

distendebantur ; nulla in ipsis occurrebat valvula , nihil obstaculi , eratque liber transitus per eas ex abdomine in uterum , & ex utero in abdomen.

Clitoridis duo parva erant crura , penis nervosis corporibus haud dissimilia , ossi pubis in utroque latere annexa.

Hymenem vidimus planè integrum , in introitu vulvæ antè myrtiformes carunculas situm ; erat membrana spissior , rubicunda , in medio aperta.

Spinalem medullam post effractas secundum totam spinæ longitudinem vertebrae examinavimus :

Inter anteriorem tunicam , quæ meninx dura est , & substratas multum hærebat ichoris subrubri.

Tertiam vidimus tunicam inter duram & tenuem meninges sitam , sicut & in cerebro ea invenitur , præsertim circa opticos nervos , & cerebri cum cerebello commissuram ; appellabatur ob subtilem texturam Arachnoïdes.

In nervorum insignium circa collum & lumbos egressu notabiles erant globuli à filamentorum concursu efformati.

Nervus accessorius à Cl. Willisio descriptus elegantissimè apparebat , ejusque ortus è medullâ , ut & propinquitas ad vagum par , cum quo cranio elabitur.

Obl. VIII.

*Anatome Cadaveris Virilis à Cl.
Dn. Fred. Ruyschio Amstelo-
dami instituta.*

ANNO 1671. m. Januar.

Vidimus sequentia:

Ventriculus monstrôsâ figurâ præditus erat ; circa mediam sui partem valdè coarctatus, ita ut orificium dextrum mentiretur, tum denuò expansus in bursam aliquam, quæ in verum pylorum postdesinebat.

Intestina observavimus infinitis porulis esse pertusa, per quos hydropicorum aquas in cavo ventris stabulantes sæpè penetrare suspicabatur Cl. Dissector.

In Recti intestini superficie internâ apparebant plures canaliculi in cavitatem ipsius hiantes, ordinatè dispositi, & ad straminis latitudinem à sese invicem distantes.

Propè glandulas inguinales conspeximus vasâ lymphatica, quæ ob numerosos à valvulis nodos ab aliis vasorum generibus facilè poteramus distinguere, non item ob coloris diversitatem, lymphæ enim istorum vasorum aliquo modo rufæ erat, ceu in suffocatis corporibus plerumque observare est.

Partes genitales admodum extenuatæ & exiles.

In Hepatis examine notabatur, illud secundum naturam in regione cavâ esse fibrosius & magis solidum, in gibbâ autem mollius & tenerius; indeque vasorum in cavâ parte excarnationem esse difficilior, quàm in gibbâ.

Reliqua quæ spectavimus, aliàs quoque obuia, non lubet memorare.

Obs. IX.

Anatome Cadaveris Muliebris ab Eodem instituta.

ANNO 1673. m. April.

HÆc fœmina recenter erat imprægnata; adeoque singulari felicitate præsentibus concessum fuit, generationis humanæ exordia coràm contemplari. Quum autem illic tum temporis observata, nuper à Dn. Ruischio & figurâ & scripto Orbi communicata jam sint, nolo cramben recoquere, & repetitâ narratione lectori tædium afferre; tantùm, quæ præter genitalium parium fœcundam immutationem occurrerunt notabilia, breviter memorabo.

Parotis sub aure dextrâ erat grandis, & extra ordinem ampla, tamen sana & integra; fortasse ob Mercurialium usum, qui-

quibus glandulæ circa collum & fauces valdè solent dilatari.

Duræ meningis arctissimam cum cranio connexionem monstrabat adhibitum trepanum, cujus beneficio circulariter excisa & à reliquo calvariæ corpore undique separata frustula ossea firmiter substratæ membranæ, ceu periosteo interno, inhærebant, cum primis in futuris, ubi non nisi forcipe à meninge avelli poterant.

Divisâ durâ matre & ad latus reflexâ, apparebat ejusdem cum piâ connexus per plures venulas in falciformem sinum desinentes.

Cerebri dissecti medullâ moderatè compressâ, infinita puncta rubra sanguinem emittebant.

Plexui Choroidi numerosæ glandulæ miliares innexæ.

Merebatur attentionem nostram cranii insignis teneritudo in superiori parte orbitæ oculi; idque occasione historiæ, quam Dn. Ruischius narrabat de quodam per acutum baculum oculo intrusum lethaliter fauciato, in cujus cadavere hanc tenuem orbitæ oculi partem perforatam, cerebroque puncturam inflictam animadverterat.

In mammis, satis quidem turgidis, tela glandulosa vix minimi digiti crassitiem habebat, uberrimâ pinguedine contexta.

Arteriæ asperæ interna superficies in finitis minimarum glandularum porulis præ-

data, è quibus pressis exsudabant guttulæ, planè sicut in buccis.

Intestinum Rectum curvum erat, situ inflexo ad anum pergens.

Circa urethræ ostium parte internâ factâ compressione, liquor candidus *σπέρμα τῶνδης* emergebat.

Idem in cervicis uteri internâ superficie observavimus.

Vaginæ uteri interiores rugæ transversim præcipuè decurrebant.

In genitalibus reperta rariora abrupterunt Anatomen, utpote quæ ulteriorem & indagationem & præparationem requirebant.

Obs. X.

Mulieris, ventris infimi sævis cruciatibus diu vexatæ & tandem enectæ, corpus apertum.

ANNO 1671. d. 21. Octobr.

PER anni ferè spatium decubuerat, præter dolorem convulsionibus periodicis, certâ nempe horâ quotidie recurrentibus, afflicta. Sæpiùs utero excreverat sanguinis grumos, cum quibusdam membranulis & spongiosis carunculis.

Inciso ventre à Cl. Ruischio, præsentibus aliquot Medicis junioribus, inveniebamus primò

Omen-

Omentum substratis intestinis ubique annatum.

Hoc avulso intestina apparebant fætidissimo pure madida, ac invicem connata.

Testiculi scirrholi erant ac hydatidibus obfessi.

Alæ vespertilionum induratae & firmiter annexæ.

Uterus renitens & durus, ac planè corruptus.

Renum parenchyma lotio stagnante vehementer intumuerat, ureteribus similiter mirè expansis, minoremque digitum facile recipientibus.

In pectore omnia sana.

DECAS SECUNDA.

Obs. I.

Herniosi dissectio.

ANNO 1672. d. 6. Mart.

Laboraverat hoc affectu in sinistro latere Nauta quidam à tenerâ ætate, quem quum pondere in navi summâ contentione elevato multò graviozem reddidisset, supervenientibus acerbissimis abdominis doloribus, aliisque periculosis symptomatibus, non longè post expiravit.

Rogatus à Chirurgo scalpello in affectum locum inquisivi, præsentibus aliquot Medicis, qui sequentia mecum observârunt.

Extrinsècus prominens scrotum tangenti notabilis occurrebat renitentia, præsertim inferiùs versus perinæum.

Remotis communibus integumentis, benè nudatum inspeximus peritonæum, tum quâ in processum inflati intestini instar dilatatum prolongabatur, tum quâ testiculum hunc sinistrum involvebat, tunicam vaginalem constituens, in cujus superficie innumeros perreptantium vasorum flexus supra modum turgidos vidimus.

Peritonæi hic processus in initio, ubi per musculorum obliquorum pubis ossi annexos

nexos tendines pervadebat, angustior erat, versus testem verò bursæ in modum expansus, ipsaque vaginalis tunica ad pugni magnitudinem inflata, quâ incisâ cum impetu erumpebat notabilis copia cruenti ichoris, cujus acrimoniam arguebat tunicarum testiculi erosio.

Testiculus ipse ingens erat, instar pomi aurantii mediocris, albicans & durus; substantia ejus interior firma, ligamentosa, & ex parte ad cartilaginis naturam accedens.

Epididymis similiter tumida, laxa, carnosâ, & rubens.

Testiculus dexter sanus, valdè tamen exiguus, qui proinde admodum semper delituerat, unde hic homo in puerili ætate à multis pro monorche habitus.

In abdominis cavitate omnia invenimus in naturali situ, peritonæo circa spermaticorum vasorum egressum penitus obstructo per scirrhum apostema illic hærens, suâque radice lumbis insidens, quod dissectum steatomatis naturam referebat.

Mesenterii glandulæ induratæ.

Obs. II.

Infans spinâ bifidâ cultro anatomico subjectus.

ANNO 1671. d. 24. Jun.

MAter gravida de scalâ quondam ceciderat, lumboſque præ aliis graviter læſerat; hinc partus tempore factum morboſum eſt enixa, ſine dubio propter fortem lapſus imaginationem. Scilicet habebat infans circa principium vertebrarum lumbarium tumorem quendam ichoroſum ſub cute latentem. Spina extrinſecus antè ſectiōnem tactu obſervabatur gemina. Viventi artus ſupremi mobiles, at crura & pedes ſine motu, tanquam paralyſi affecta, quæ, tamen morte appropinquante, unâ cum reliquo corpore convulſionibus quaſſa fuerant, aliàs neutiquam macilenta, ſed æquè boni habitus cum ſuperioribus membris.

In tumore lumbari diſſectō comparebat abſceſſus cyſticus, validâ tunicâ ſeroſam materiam continens. Spinæ partem hanc inferiorem cute & carne nudatam vidimus reverà bifidam, medullâ carentem, in cujuſtamen lateribus ſparſim, ſed ordine, ſeſe offerebant nervorum è ſpinali medullâ emergentium initia, quorum unum ramum alteri cruri inſertum perſequebamur.

Super-

Superior pars spinæ erat integra, simplex, & medullâ naturaliter instructa, quæ cum vertebrarum hâc fissurâ & divaricatione evanescens, nil nisi membranosa involu-
era relinquebat.

Simillimum exemplum memorat Amplif-
simus Dn. Nic. Tulpius Obs. lib. 3. c. 30.

Obs. III.

Pueri asthmatici cadaver apertum.

ANNO 1671. d. 24. Octobr.

Vixerat septem annos difficillimè respi-
rans, & extremâ macie confectus.

Nihil in pectore morboſi apparebat; in
abdomine verò observavimus hepar dia-
phragmati p. n. firmiter annatum.

Sufficiens certè est connascentia isthæc
inferendæ dyspnœæ; id quod confirmat
Lud. Duretus Adversar. in Holler. de
Morb. Intern. lib. 1. cap. 25. ubi similem
casum proponit.

Obs. IV.

Cor tribus Polypis obfessum.

Senex pauperculus in Nosocomio hujus
Urbis decumbens, difficili respiratione
& frequentibus lipothymiis afflictus, intra
paucos dies vivere desiit. Placuit Cl. Dn.

Swammerdamio cadaver aperire, meque in hoc opere adiutorem eligere.

Observabamus autem primò pulmonem sinistrum purulentum, & p. n. annatum. Cor ipsum ingens erat, ejusque superficies leviter erosa. In ventriculo ejusdem dextro duos inveniebamus sat notabiles polypos: alterum in ingressu venæ cavæ, plurimis fibris, tanquam radiculis, inter cavernulas sese insinuantem, latum, ligamentosum, sanguine concreto imbutum; alterum, (quem ficcatum servo) in egressu venæ arteriosæ, longum, firmum, tenacis ligamenti instar, crassitie minimi digiti, profundissimè cordis latebras subeuntem, supremâ parte bifidum instar literæ Y, mediâ tribus eminentiis præditum, queis in memorato cordis ostio sitis totidem valvulis adhæserat. In ventriculo sinistro tertium reperiebamus concrementum, prioribus quoad substantiam simillimum, sed aliquantò minus.

Sic igitur & ipse microcosmi sol maculis subinde inficitur; nec enim Cor ullo hâc in parte præ aliis visceribus gaudet privilegio, non mollibus solùm, sed duris quoque & tophaceis concretionibus obnoxium, cujus exemplum nobis refert Dn. Th. Kerckringius, Medicus & Anatomicus celebris, Spicileg. Anat. Obs. 78. Prout nimirum sanguinis massa vel pituitosa, vel tartarea est, ita modò in polypum, modò in calculum paulatim compingitur.

Obs.

Obs. V.

*Processus peritonæi in Homine vera
conformatio.*

HAud diu post Dn. Swammerdamius aliud virile corpus in Nosocomio mecum dissecuit, quando præ aliis peritonæi structuram in inguine ubi, herniæ exoriri solent, accuratè examinavimus, vidimusque reverà ibi processum aliquem verius scrotum protensum, longitudine articuli digiti, cujus extremum erat clausum, (instar intestinuli cæci) & fibræ membranacæ gracillimæ annexum; ostium ejusdem in superficie peritonæi interiore conspicuum obliquè collapsum erat, cui cum per tubulum flatum immitteremus, pulchrè in conspectum veniebat oblonga bursula, quam cum portiunculâ peritonæi exsectam & eleganter præparatam in musæo suo servat Dn. Swammerdam, qui ejusdem, ut & aliis cujusdam processûs vehementer dilatati ex herniosi cadavere quondam exempti, exactissimam iconem mihi concessit. Vasa spermatica tantum aberat utingerentur processum istum, ut potius nullam cum ipso communionem haberent; contigua enim solummodò ipsi erant, sub peritonæo propè ostium processûs decurrentia. Nequeo hic reticere, nos in eodem hoc corpore, licet adulto, foramen ovale inter

inter venam cavam & pulmonalem adhuc patulum invenisse, & pifo minori respondens.

Fig. VII. exhibet processum peritonæ utroque latere, prout f. n. sese habet; hic verò

a. denotat Ostium processus.

b. b. Processum ipsum.

c. c. Peritonæi portionem adhærentem.

Fig. VIII. monstrat processum p. n. dilatatum herniosi.



Obs. VI.

Puellæ, quæ per 15 annos fistulosis lumborum ulceribus laboraverat, cadaver apertum.

ÆTatem 19 annorum attigerat, adeoque maximam vitæ partem miseriis & doloribus traduxerat. In dissectione cum primis circa regionem affectam, os sacrum scil. & dextrum Ischii, fuimus occupati, ubi primò deprehendimus

Musculos glutæos adeò contumtos, ut ne vestigium quidem eorum superstes esset; nihil enim os tegebat præter cutem & vitiosam pinguedinem, laxam nempe & copioso ichore madentem.

Femoris cum ossēcoxendicis commissura







fura erat immobilis, firma, & p. n. penitus coalita, ita ut unum & continuum os videretur, non nisi valido & acuto ferro violenter impulsio separabile.

Ossium substantia circa locum affectum penitus excisa & cariiosa.

Trochanter major valdè prominulus.

Aperto corporis trunco, vidimus omnia ferè viscera sana, præter lienem & renes, quorum ille lividus, magnus, & induratus, hi inæquales & similiter indurati.

Ulcera non penetrabant in cavitatem corporis.

Uterus admodum exilis.

Testes candidi, exigui, phaseoli instar; in quibus dissectis vesiculæ illæ sive ova apparebant.

Obs. VII.

Ebrietate perempti Corpus apertum.

Minister quidam aulicus Guelpherbyti cum sociis suis per integrum diem potaverat præsertim Vino adusto oneratus; Manè autem inter compotatores crapulâ adhuc laborantes repertus est exanimis.

Cadavere inciso, hepar & lien occurrerunt ingentis magnitudinis, (ceu plerumque in ebriosis observatur) parenchymate interim utriusque visceris integro & benè colorato.

Alterum vas deferens cartilagineam soliditatem acquisiverat. Cra-

Cranio demto venæ comparuerunt sanguine refertissimæ.

Plexus Choroides itidem à restagnant sanguine solito major.

Ventriculi cerebri copioso ichore repleti, qui odore pridie ingurgitati Spiritu manifestè fuit imbutus.

(*E literis Dn. Parenhusii b. m. amici quondam charissimi, ad me Guelpherbytensis missis.*)

Obs. VIII.

In Canis abdomine vermis ingens repertus.

ANNO 1669. d. 5. Januar.

Lugd. Bat. Med. quidam studiosus alebat canem, ut videbatur, morbosum, languidum, & doloribus vexatum, sæpiùs enim truncum corporis variè contorquebat; Non dubitabat igitur herus eundem sectioni destinare; in quâ observavimus decumbentem in cavo ventris, extra viscera, vermem grandem ac longissimum, & quidem dextro latere; caput occultaverat in inguine intra pinguedinem, quæ circa vesicam hærebat. Colore rubro erat; longitudine ulnæ majoris. Hepar miselli canis plurimis morfiunculis violaverat molestissimus incola.

Dissecto secundum longitudinem corpore

pore hujus lumbrici, deprehendimus cutim crassam, & quasi glandulosam; effluebat copiosè serum quoddam sanguinolentum; Fistula intestinalis longissima & instar funiculi umbilicalis intorta erat; fauciata illa chylosum liquorem fundebat. Præterea aliud quoddam vas secundum totam corpusculi longitudinem decurrens apparebat, amplum, subcœruleo colore venam mentiens, è quo aperto ichor carniū loturæ similis emanabat. Exuviæ hujusce vermis super tabulam explicatæ pollicis habebant latitudinem.

Obs. IX.

Castoris fœminini sexus anatome.

ANNO 1667. d. 21. Octobr.

DIssectâ cute observavimus os pubis absque ullâ ferè futurâ penitus coalitum, adeòque difficulter separabile.

Musculi circa illud os admodum erant tumidi & ventricosi.

Ventriculus in se continebat comminuta ramenta lignorum & fruticum subviridia.

Oesophagus valdè carnosus, imprimis propè ventriculum.

Omentum nullum comparuit

In-

Intestinum cæcum manus latitudine, longitudine ulnæ majoris & ampliùs, copiosâ materiâ excrementitiâ infarctum erat.

Colon intestinum tenue & exiguum erat, præsertim versus inferiora.

Uteri cornua vacua.

Vesicæ cervix admodum longa, in exterius uteri collum desinens.

Ultra pubis os, extra abdomen, quatuor folliculi (Castorei receptacula) jacebant: majores superiùs, ligamentis suis ossi pubis annexi, albicante tunicâ investiti, continentes in se Castoreum siccum spicei coloris; minores inferiùs, rubicundis involucribus præditi, liquidoque & albicante castoreo turgentes. Ab utroque folliculo pari, pergebant quatuor ductus ad vulvam, in quâ eorundem ostiola clarè poterant conspici, limbis membranaceis munita, & extrinsecus occlusa.

Lien valdè exiguus.

Pancreas longissimum intestinorum lateri, sicut in avibus, affixum.

Folliculus fellis planè vacuus.

Cartilago mucronata semicircularis.

Pulmo rubicundissimus, pluribus lobis distinctus.

Pectus exile & augustum, præsertim respectu abdominis capacissimi.

In caudâ, squamoso involucri detracto, copiosi apparebant nervi.

Testi

Testiculi, instar minutorum ovorum, uteri cornubus adhærebant.

Notabiles erant lumbares glandulæ, a quofo humore turgentes.

Claviculæ, quibus multa animalia carent, hic aderant.

Orificium ventriculi superius valdè carnosum postremò accuratiùs examinavimus, ejusque totam substantiam invenimus cavernosam, pluribusque distinctam cellulis & alveolis, intercurrente exilium glandularum congerie, è quibus omnibus facili negotio albicans liquor, saporis subfalsi, poterat exprimi.

Obs. X.

Sectio Agni bicipitis.

ANNO 1669. d. 20. Mart.

Diffectore Cl. Dn. Schuylio Med. in Acad. Lugduno-Bat. Prof. quondam Celeberrimo, in capite geminato agni observavimus sequentia:

Caput dextrum majus sinistro.

Duæ linguæ aderant.

Una aspera arteria.

Gula quoque unica erat; Fallum igitur, quod rusticus animalis venditor retulit, illud simul altero ore comedere, altero balare potuisse.

Cra.

Cranio aperto vidimus cerebrum duplex: dextrum majus & firmitus, magisque sanum; sinistrum minus, flaccidius, & obscurioris coloris.

Notabilis erat gemini hujus cerebri i occipite concursus, qui meninge admodum firmâ & durâ tegebatur.

Caput medullæ spinalis geminum, utriusque capiti seorsim nervos suppeditans.

Duas deprehendimus glandulas pineales

Cerebellum exiguum & unicum.

Ab occipite exoriebatur insignis tendo superque vertebrae secundum totam longitudinem decurrens, medullam spinalem mentiebatur.

DECAS TERTIA.

Obs. I.

Sciuri uterum gerentis anatome.

ANNO 1667. d. 25. Mart.

IN uteri sinistro cornu reperiēbam tres fætus, quorum singuli propriis involucris amicti, propriâ quoque gaudebant placenta uterinâ.

Hoc sinistrum cornu fætibus turgens ad oppositum latus erat reflexum, ita ut fætus medius medium quoque corporis, reliqui duo utrumque latus occuparent.

Duæ secundinæ comparebant, inter quas nihil humoris observavi, plurimum verò inter amnion & fætum.

Chorion placentæ uterinæ, quâ fætum spectat, firmiter annexum.

Placenta ab uteri pariete, instar maturi & decidui fructus, nullo negotio poterat avelli, utrinque insigniter patentibus vasorum ostiis.

Fætus omnes mares erant.

Illorum uno inciso, magnum occurrebat hepar, per universum ferè abdomen protensum.

Intestina conglomeratis albicantibus filamentis similia grandi jecore tegebantur.

Pilorum circa os rudimenta clarè poteram deprehendere.

Obs.

Obs. II.

Cuculi sectio.

Ventriculus totum replebat ventrem ,
protendebatur usque ad infimam ejus re-
gionem.

Sub eo latebant intestina sat brevia , cum
annexo pancreate.

Ventriculo dissecto inveniebam vario-
vermes , variaque , quæ devoraverat , in-
secta.

Tunica ventriculi interior , quæ in aliis
avibus instar tenacis corii esse solet , hic mo-
lis erat & tenera , sufficiens scilicet ali-
mento facilè dissolubili.

Interiùs in proventriculo copiosas cor-
spexi glandulas.

Hepar spicei coloris , ductus quosdam
bilarios mittebat ad intestina.

Vesicula bilaria aberat.

In dextro cordis ventriculo carnea ista
hæc valvula , pennatis propria , sese offe-
rebat.

Testiculi renibus incumbabant , proxime
sub capsulis atrabilariis.

Obs. III.

Echini sectio.

ANNO 1667. d. 17. April.

IN Echini viventis anatome occupatus, notavi primò:

Omnia viscera totumque corpus intrinsecus sensibilibiter frigida esse, id quod digitum ubivis inter intestina aliasque partes inserenti manifestè patuit.

Sanguis è vulneratis vasis effluens, frigidus, aquosus, & pallidus erat.

In mesenterii expansâ tunicâ vasa lactea valdè conspicua.

Vasa mesenterica sanguinea paucis ramificationibus erant dispersa, sed propè intestina, factis priùs quibusdam flexibus, numerosissimos ramulos emittebant.

Hepar in septem lobos divisum, quorum maximus latus sinistrum, reliqui minores dextrum occupabant, horumque unus vicinum renem dimidium obtegebat.

Lien majusculus, ventriculo arctè per membranam annexus.

Vesicula fellea sphaerica bilem ærugineam continebat.

Penis satis magnus, & planè mollis.

Testiculi intra abdomen reconditi, sat magni, aliquantum pellucidi, sub vesicâ urinariâ latentes.

Vesiculæ seminales valdè amplæ..

Diaphragmatis pars tendinosa tenuissima erat.

Cor non minus frigidum ac reliqua viscera, tamen ad integras tres horas, licet aperto thorace, pullabat, ita ut aëris externi allapsum quasi eludere videretur.

Obs. IV.

Lienes duo diversis in corpore locis siti.

CL. Dn. Ruifchius Anno. 1670. d. 31. Mart. mihi narrabat, se nuper in Nofocomio hujus Urbis aperuisse corpus fœminæ, (quæ, dum viveret, perpetuò de pondere quodam in pube fuerat conquesta) & in abdomine ejus lienem reperisse cum annexis suis vasis in pelvi situm; loco autem hujus visceris naturali alium parvum lienem, cum vasis quoad magnitudinem benè respondentibus.

Guil. Ballon. Epid. & Ephemer. lib. 2. Ver & princip. æst. Anni 1578. ita scribit
Neptis D. Valeton historia est memorabilis Splenis corpus incumbere vesicæ deprehensum est, & satis contumaciter adhærebat.

Obs. V.

Abortus.

ANNO 1670. d. 30. Decembr.

FÆmina honesta per duos menses gravis-
da, ex terrore, dum in scala vacillaret,
concepto, prægressis acutis lumborum
& infimi ventris doloribus, abortiebat, in-
tegrum folliculum cum placentæ rudimen-
to, & alio quodam sanguinis concreti fru-
stulo adhærescente excludens. Apertâ ist-
hâc bursâ liquore turgidâ, præter expecta-
tionem nihil in eâ, nisi clara lymphâ,
comparebat, neque enim vel vestigium
embryonis poteram cernere. Fortasse sub
initium conceptionis ille vitâ privatus,
sensim iterum fuit dissolutus, ac consum-
tus; præsertim quum lympham illam,
mortuo fœtu, acrimoniam quandam con-
trahere probabile sit.

Obs. VI.

Fæminæ singularis fecunditas.

MAter puellæ, de quâ loquitur ob-
servatio *VI. Decad. II.* ipsa mihi aliis-
que quibusdam Medicis retulit, se tres
hactenus habuisse maritos, cumque illis
novem vicibus genuisse liberos; Septies, in-
interruptâ ferie, simul puellum cum puel-

lâ peperisse; octavâ vice tres puellios abortu exclusisse; nonâ & ultimâ produxisse unicam filiam adhuc superstitem, quam matris tri hæc nobis narranti adstantem vidimus.

Obs. VII.

Caput abscessibus cysticis pluribus exterius obsessum.

Nobilis de Wensfen, in pago Ducatu Brunsvicensis habitans, plurimos in capite gerebat tumores, maximum, minimum, minimos. Maximus in occipitalate sinistro hærebat, instar pomi Chionensis majusculi; minor in syncipite super frontem, magnitudine nucis juglandis secundum lunæ phases crescens & decrescens; minimi confertim per capitis superficiem sparsi, pisis majoribus æquales erant. Hic æger, mali incrementum metuens Helmstadium se conferebat, ibique perit. Chirurghi curæ sese submittebat, arcessit simul prudente Medico, quem ego, tum temporis adhuc Artis tyro, diligenter commitabar, quò *ἰγχειρῆσαι* Chirurgicaliter simul observarem. Maximus autem occipitis abscessus, quum latissimâ radice exoriretur, injectâ huic ligaturâ, & quotidie magis magisque constrictâ, paulatim extirpabatur. Minor syncipitis, jam in novilunio vix avellanam magnitudine excedens, ferro radicitus simul & semel aufertur.

rebatur, exemptâ integrâ cysti, rotundâ, à tonui radice ortâ, cujus extremus limbus albicans erat, quo ipsi cranio eam adhæsisse, ex arētissimo nexu non immeritò suspicabamur. Materia hoc folliculo contenta sebacea erat, in exiles grumos concreta. Reliquos minimos neutiquam tetigit Chirurgus.

Obs. VIII.

Infans cum sarcomate frontis in lucem editus.

Die 4. Maji. anni superioris conspexi hîc infantem, qui in supremâ fronte affixum habebat sarcoma, sub cute proximè situm, magnitudine rapæ minoris; superficies ejusdem rubella erat, & floridi coloris; tumor ipse mollis, vix dolens, laxiùs inhærens, facilèque hinc inde mobilis, proinde cranio haud annexus; permanebat in eodem statu, nec augebatur; Infans hic duos solùm menses natus, ex utero matris sarcosin hanc secum attulerat, cui gravidæ perversa oraxis nequaquam expleta videbatur occasionem dedisse: Etenim mater præsens confitebatur, se tempore graviditatis valdè appetivisse placentam in fervente oleo pistam, (cui tumor non planè dissimilis erat) hauc autem sibi denegatam fuisse, cum indignatione suâ haud mediocri. Chirurgus, cujus dexteritati curam commiserat ipsa, tuberculum

hoc per injectam ligaturam extirpare decreverat.

Obs. I X.

Imaginationis in gravida singularis efficacia.

CL. D. Franciscus van der Schagen quum occasione mox memorati casus in quo & ipse in consilium fuerat adhibitus de vi imaginationis in utero gerentibus nobiscum differeret, inter alia notabilem historiam narrabat de fæminâ quâdam gravidâ, sibi quondam notâ, quæ tribus hebdomadibus antè partus tempus prope caminum sedens, ex decidente in cervicem suam petasone perterrita, infantem postmodum in cervice exactissimè formatum petasunculum gerentem pepererat qui, fætu deinde mortuo, incisus, lardosam medullam pelle quasi infumata investitam exhibuerat.

Obs. X.

Cephalæa sævissima à pure intra cranii ossa delitescente.

EXperientiss. Dn. Sylvius b. m. Anno 1671. d. 26. Febr. mihi referebat, se non ita pridem in Nosocomio Leidensi fæminæ cujusdam intolerabili cephalæa, dum

dum viveret ac illic decumberet, afflictæ cadaver aperuisse, & præsertim, calvariâ divisâ, capitis interiora inspexisse, quò causam non solum atrocissimi doloris, sed & purulenti effluxus per aures, nares, & oculos, quem ægra perpeffa fuerat, benè intelligeret; invenisse autem, præter spem, meninges & cerebrum ipsum omnimodæ integritatis; tandem verò ad focum mali penetrasse, diffracto ubique cranio; quando in ossium auditus cavernulis utriusque lateris, ut & anteriùs circa sellam sphœnoidis itidem intra ossiculorum latebras, notabilem puris copiam offenderat.

DECAS QUARTA.

Obs. I.

Notabilis Cranii fractura, innoxia, & ex parte salutaris.

Virgo paupercula Anno 1668. m. Mayo deimproviso in platea à decidente graviore ligni trunco capite periculose vulnerata erat, in parte ejusdem anticâ, ubi per vulnus arteriarum in meninge pulsatio manifestè poterat observari. Ægra magno quidem morbo affecta erat, duplici tamen nomine simul felix: & quod (mensibus licet suppressis) nulla, post leves in initio vomitiones, ampliùs supervenirent symptomata, & quod Quartana molestissima, quæ per novem menses ipsam exercuerat, post acceptum vulnus constanter emaneret extincto scil. per subitum animi affectum fermento febrili.

Ego tamen non suaferim ceteris quartanariis tam durum remedium.

Obs. II.

Puer tumoribus artuum cum ossium carie post natationem correptus.

A N N O 1669. m. Octobr. duo pueri, fratres, extra Urbem hanc aquæ sese committunt ad natandum; alter autem subinde sese totum undis immergit, alter timidior saltem ad hypochondria usque; quorum ille absque omni noxâ hoc exercitium toleravit, hic verò, licet antehac sanissimus, non item; etenim aquis egressus ac domum veniens statim malè cæpit habere, lectoque sese commisit, aliquot diebus post universi corporis macie, & passim erumpentibus tumoribus, ossiumque carie affectus. In pede & crure dextris aliquot molles abscessus hærebant; scrotum intumuerat, itemque brachium sinistrum, cum osse cubiti haud leviter carioso, & membranis ac tendinibus circa articulum vehementer exesis; Clavicula quoque dextra carie obsessa, quæ commissuram ipsius cum osse sterni penitus dissolvebat; Propè hanc pessimum apparebat ulcus, quod musculos intercostales adeò consumserat, ut per patulum foramen in pectoris cavum commodè inspicere liceret. Æger aliàs benè appetebat, nec alio

K 5

morbo.

morbo , nisi levi tussiculâ , affligebatur . septimâ tamen post infelicem natatum hebdomade morte oppressus.

In Cadavere aperto , præsentem mecum Cl. D. Adolpho Visschero, aliisque quibusdam Medicis, nil ferè morbosum observabatur, visceribus benè & naturaliter constitutis, excepto pulmone, qui satis extenuatus, & passim tuberculis ex sanguine concreto oblitus erat. Præterea sub ejusdem lobo dextro propè diaphragma, circa costarum cum vertebri conjugationem abscessus notabilis delitescibat, cum haud mediocri copiâ cocti puris, consumpti ibidem laceratisque pleuræ membranis. Verùm tam miræ ac miseræ artuum corruptelæ origo & fons neutiquam comparerebat; proinde licet fortasse suspicari, venenum quoddam subtile, ossibus præcipuè infestum, ex aquis corpus pueri subiisse.

Obs. I I I.

Vomitioes nigrae.

Lapidarius quidam, homo brevis stature, annorum 30. asthmate gravatus, cum gravativo, ast obscuro, pectoris dolore, præsertim circa ambitum septi, cumque tussi ob phlegmatum visciditatem ac lentorem difficillimâ meo consilio sumebat varia bechica incipientia & attenuantia, subinde leniter purgan-

gantia, ad hypochondriorum saburram (à quâ ex parte hæc spirandi difficultas dependebat) paulatim extergendam; sed ob mali contumaciam & altas radices parùm levabatur. Postquam autem per aliquod tempus memoratis remediis, crassos humores dissolventibus, usus fuisset, cœpit aliquot diebus multum nauseare, tandem vomere, & quidem materiam nigram (atramentum dixisses) mediocris consistentiæ, instar pultis liquidioris, eâ copiâ, ut matulam sat capacem supra dimidium impleret; vix quicquam tamen, præter expectationem nostram, anxio pectori profuit hæc facilis & larga excretio; quam proinde meritò pro symptomaticâ habui, ægroque selectissimorum bechicorum usum denuò commendavi. Sed post paucos dies, recurrente graviore paroxysmo asthmatico, suffocatus interiit.

Obs. IV.

Hydropicus merum sanguinem copiosè alvo excernens.

F Aber lignarius ex mœrore propter conjugis obitum incidit in febrem continuam, magnâ cum primis siti molestant, quam extinguere volens, per aliquot dies lac ebutyratum, quin aquam pluvialem frigidam plenis cyathis ingurgitavit, quâ febris quidem fuit suffocata, at secutus affectus gravior, hydrops nempe ascites;

huic verò non longè post rursus lenta febris superveniebat, in quâ, ob laxatam procul dubio & dissolutam ab aquis intestinalium texturam, alvi fluxum cruentum patiebatur, sine torminibus, copiosum sanguine confertim prodeunte, puro, impermixto, florido, & benè consistente, qualem sani hominis vena pertusa emittere solet. Et hoc symptomate, vitalem succum exauriente, æger sensim ad mortem ducebatur.

Judicavi casum hunc notam mereri, quod fluxus iste nec ad dysentericum, nec hepaticum, nec denique hæmorrhoidalem potuerit referri.

Obs V.

Lac in mammis rigore febrili coagulatum.

Fabri nautici uxor, puerpera, nimis maturè aëri sese exponens, febre corripiebatur, cum molesto rigore; eoque durante sentiebat mammas sibi indurescere, lacte intus concreto, cujus vix quicquam poterat tum temporis exprimere, quod discusso per subsequentem æstum rigore liberius effluebat, sicut ipsa mihi retulit d. 5. Sept: 1672.

Profectò rem acu tangunt, qui in rigore febrium Acidum dominium obtinere docent.

Obs

Obs. VI.

*Mercurius exterius applicitus post
notabile tempus salivationem
excitans.*

CIvis quidam hujus Urbis doloribus artuum, noctu præcipuè infestantibus, afflictus opem à me petebat. Ego diligenter examinato affectu, mecum ferè dubitavi, Scorbutusne esset, an Venerea Lues; deinde tamen, intellectâ ipsius vitæ conditione, posteriore ipsum laborare credidi. Idcirco, præmissis idoneis catharticis, decoctum guajacinum præscripsi, quod quum per aliquot dies hausisset, & ex voto sudasset, deimprovviso incidit in ptyalismum fortem & diuturnum (quavis ne granum quidem Mercurii hætenus ipsi exhibuerim) effluente salivâ copiosissimâ, admodum graveolente, quæ tandem gangrænam oris inferebat, quam feliciter postea sanavimus. Salivatio hæc largissima inter medios sudores ægrotantemprehendens admiratione digna erat, quum nemo ignoret, continuam diaphoresin glandulis salivaribus humorem subtrahere, ac os & fauces plerumque exsiccare. Quapropter seriò interrogavi ægrum, num antè hanc inchoatam curam quicquam sumserit, vel corpori applicuerit; respon-

debat, se neutiquam recordari ullius usurpati remedii, nisi emplastrorum quorundam cum argento vivo præparatorum quæ Empiricus quidam antè tres menses utrique tibix applicuerat, & per plures dies ita reliquerat.

Hinc illæ lachrymæ: scilicet Mercuriales atomi, ab emplastris in corpus emissæ delituerunt in sanguine, ab acido morboſo suppressæ, posteaque virtute decocti illud enervantis libertatem naturæ genium suum prodiderunt, serosam colluviem versus salivæ fontes & receptacula propellendo.

Obs. VII.

Calculus vesicæ grandis sectione extractus.

ANNO 1670. d. 16. Jun.

CAlculos in corpore humano è pituitâ crassâ, terreâ, à calore induratâ, gigni, diu creditum fuit, & adhuc hodie (ni fallor) à non paucis creditur; sed repugnante Natura: nos succo lapidescenti, intra terræ viscera materiam in lapidem cogenti, ἀνάλογόν τι intra corpus subinde latere, & tartarei limi in calculum mutati veram causam esse, extra controversiam ponimus. Neque enim aliàs potest ullâ ratione concipi, qui in tantam soliditatem ipse

ipse queat compingi, qualem Harlemi ab Exercitatissimo Noacho Smalzio, è viri 26. annos nati vesicâ extractum vidi: rotundum, magnitudine mali Persici, durissimum instar filicis, gravem, oblongis ubique verrucis seu potius spinis obtusioribus horridum, ob quas lithotomus inter operandum novâ incisione vulnus dilatare cogebatur; Illæ verrucosæ prominentiæ nullatenus per externam agglutinationem, sed ex ipso lapidis corpore, tanquam gemmæ ex arbore, prognatæ videbantur.

Obs. VIII.

Ureteres in vulvam desinentes.

EXc. Dn. Joh. van Horne, Præceptor dum viveret dextrimus, mihi retulit, se vidisse puellam perpetuo urinæ effluxu, tandem pudendi gangrænam inferente, vexatam; in cujus postmodum cadavere reperti fuerint ureteres, deficiente vesiciâ, in vulvam desinentes.

Obs. IX.

Laudani opiatî ingens dosîs innoxie sumta.

CElebris hujus Urbis Medicus, falsis defluxionibus assidue infestatus, laudanum

num opiatum continuo usu adeò sibi familiare reddidit, ut ni ad quindecim & plus sæpè grana unicâ vice devoraret, vix levaretur. Certè magna dosis hæc est; at quâ credideris triginta & sex ejusdem grana simul deglutita non nocuisse? quæ tamen, post sollicitè præmissas per gradus inferiores doses, fæminæ cuidam deliranti innoxie & curæ fructu exhibuit Experientissimus Vir D. Franciscus de Vicq. Fæmina isthæc dein de sæpiùs ad corrigendam ἀγρυπνίαν eandem laudani dosin assumere coacta est.

Obs. X.

Collyrium ex infusione Croci metallorum.

Medicus Doctissimus Leidæ quondam praxin feliciter exercens, frequenter in oculorum vitiis usus est Infuso Croci metallorum in Aqv. Fæniculi & Euphrasie illudque oculo affecto paucis guttis instillatum, non rarò alvum simul blandè movere observavit, cum insigni ægrotantis levamine.

Hic non opus est, ut viam anxie investigemus, quæ libera & patens est: facile enim guttulæ, croci cathartici virtute imbutæ, cum lachrymali humore per canalem ossi insculptum ducuntur ad nares, hinc fauces, tandem cum salivâ ad stomachum

&c.

& intestina ; ubi non mirum, antimonii
genium , imprimis si corpus *ëveçov* offen-
derit , leviter sese exerere, massamque bilio-
sam leni orgasmo agitare. Confer Henrici
Meibomii doctissimam epistolam *De Vasis*
Palpebrarum novis ad D. Joeleni Langellot-
tium scriptam.

I N-

INDEX OBSERVATIONUM

DECADIS I.

- Obs. I. **A** *Natome cadaueris virilis.*
 II. **A** *Anatome cadaueris muliebris.*
 III. *Anatome corporis virilis.*
 IV. *Alia.*
 V. *Alia.*
 VI. *Alia.*
 VII. *Anatome corporis muliebris.*
 VIII. *Anatome corporis virilis.*
 IX. *Anatome corporis muliebris.*
 X. *Mulieris, ventris infimi sævis cruci-
 tibus diu vexata & tandem
 nece, corpus apertum.*

DECADIS II.

- I. *Herniosi dissectio.*
 II. *Infans spinâ bifidâ cultro anatom
 subiectus.*
 III. *Pueri asthmatici cadauer apertum.*
 IV. *Cor tribus polypis obsessum.*
 V. *Processus peritonæi in Homine vera co-
 formatio.*
 VI. *Puellæ, quæ per 15. annos fistul
 lumborum ulceribus laboraver
 cadauer apertum.*
 VII. *Ebrietate peremti corpus apertum.*
 VIII. *In Canis abdomine vermis ingens
 pertus.*
 IX. *Castoris anatome.*
 X. *Sectio agni bicipitis.*

D E C A D I S III.

- I. *Sciuri uterum gerentis anatome.*
- II. *Cuculi sectio.*
- III. *Echini sectio.*
- IV. *Lienis duo diversis in corpore locis siti.*
- V. *Abortus.*
- VI. *Feminae singularis fecunditas.*
- VII. *Caput abscessibus cysticis pluribus exterius obfessum.*
- VIII. *Infans cum sarcomate frontis in lucem editus.*
- IX. *Imaginationis in gravidâ singularis efficacia.*
- X. *Cephalæa sævissima à pure intra cranii ossa delitescente.*

D E C A D I S IV.

- I. *Notabilis cranii fractura, innoxia, & ex parte salutaris.*
- II. *Puer tumoribus artuum cum ossium carie post natationem correptus.*
- III. *Vomitiones nigrae.*
- IV. *Hydropicus merum sanguinem copiose alvo excernens.*
- V. *Lac in mammae rigore febrili coagulatum.*
- VI. *Mercurius exterius applicitus post notabile tempus salivationem excitans.*
- VII. *Calculus visicæ grandis sectione extractus.*
- VIII. *Ureteres in vulvam desinentes.*
- IX. *Laudani opiat i ingens dosis innoxie sumta.*
- X. *Collyrium ex infusione croci metallorum.*

Eorumque partes Balsamo condiendi ac conservandi ratio.

NOtum est, cadaverum artus ac viscera sibi relicta necessariò ruere in putredinem, eorumque compagem nunc citius nunc tardiùs foedâ corruptione dissolvere nec ullum pristinae integritatis aut formae vestigium tandem retinere. Hunc consuetum naturæ cursum arte non solum refrænari sed & cohiberi posse, dudum evenerunt medicata Ægyptiorum funera bitumine ac pretiosis subinde resinis & aromatis abundè infarcta, quæ tamen quum externam solummodò speciem servant idque obscurè, non item interiorum habitudinem, meritò isti Ægyptiaco operi præfertur illa ars, quæ cadavera & eorum fragmina ita obdurat, ut salva permaneat ipsorum textura, idem supersit color, eadem conformatio, nullo non tempore ac pro lubitu ab Anatomico contemplanda, & quidem absque cruoris effusione, aut fastidioso madore, quibus delicatiores offendi, & ab inspiciendis demortuorum visceribus communiter arceri solent. Hujus autem egregii artificii plura specimina dudum monstravit Cl. Dn. Swammerdamius, quin &, quæ Viri est facilitas & laudabilis candor, modum ejusdem

dem mecum quondam communicavit, quem nunc in publicum conferam, & prout ab ipso accepi, fideliter commemorabo.

Paretur itaque vas stanneum corpori præparando quoad capacitatem aptè respondens, huic immittatur & duorum digitorum à fundo distantiâ probè firmetur craticula lignea minutis foraminibus constans, super quam corpus collocetur, mox oleam terebinthinæ infundatur ad trium digitorum eminentiam, & vas leviter ac minus arctè opertum per justum temporis intervallum in quiete servetur: Sic penetrantissimum istud oleum, cadaveris, cui circumfusus est, poris paulatim sese insinuabit, & aquosum laticem, præcipuam fermentationis ad corruptelam tendentis causam, extrudet, qui vi ponderis descendens, & per craticulam stillans, spatium inter ipsam & fundum progressu temporis occupabit; interea verò simul subtilior balsami portio, ob minus perfectè clausum vas, exhalabit, quâ magis magisque evanescente, tandem corpus concretâ olei amurcâ tanquam gummosâ medullâ penitus imbutum duritiem acquireret, ac idcirco posthac extra liquorem in aperto aëre incorruptum absque situ aut tineis perennare facillè poterit.

Quod ad tempus, quo cadaver in balsamo asservandum, attinet, illud pro diversitate

veritate rerum condiendarum, requiritur varium, nunc longius, nunc brevius. Sic e. g.

Embryonis sex mensium conditura totidem ferè mensibus absolvitur.

Sceleton ejusdem duos circiter menses desiderat.

Cordis parenchyma tres.

Vasa Hepatis & Placentæ uterinæ ex carnata unum.

Vasa Lienis decem dies.

Intestinum mensem unum.

Et ita porro reliquis visceribus conservandis certa debentur tempora, haud difficulter à quovis per experientiam invenienda ac determinanda.

Notandum verò, per condituram hanc restringi nonnihil ac contrahi partes, attamen æqualiter & idoneâ proportionē: Cutis autem coarctationem in rugas præcavet coctio corpusculi, vel antè immersionem in oleum, vel postquam per duos menses in eo sepultum jacuit, instituta. Ut nativam pulchritudinem & albedinem retineat cadaver, per aliquot dies, antequam balsamo committatur, macerare illud oportet in solutione aluminis. Ut convenientem formam atque situm membra servant, adventante brumâ circa mensem Novembr. balsamo immergenda sunt, quò dein ingruente cæli rigore frigori exponi queant, & sic non quidem congelari, at leviter dure-

refcere. Quibus omnibus ritè observatis, latentia in corporibus putredinis semina penitus extinguuntur, adeò ut balneo isthoc altè imbibita viscera durare, circumflui aëris perpetuis moribus constanter reluctari possint.

Quod si verò absque memorato conditræ apparatu partem conservare cupias, necesse est, ex ipsâ primò cruorem mucluas, tum relictam falsuginem per aquam pluvialem vicissim exhaustas, tandem in umbrâ reficcatam misturâ (ne situm contrahat) ex olei terebinth. part. iij. & mastich. part. j. confectâ oblinas, quo infuso splendentem superficiem acquires; quinimò tenuem quandam crustam, præsertim si mastiche paulò largiore quantitate fuerit admixta.

Circa membranarum, &, quæ ex iis constant, partium præparationem peculiare quicquam est observandum: Scilicet vasa, cujuscunque generis sint, bellè exsiccantur, quando iisdem bacilli, cavitationi exactè respondentes, & sevo priùs imbuti, inferuntur, & aliquot diebus post rursus leniter extrahuntur; sic bursæ & folliculi, majores minoresque, gossypio, quod sevo madidum sit, infarciendi; Membranæ autem in latitudinem explicatæ (quò refero expansas vasorum capillarium telas) asserculis itidem sevo illitis affigendæ, unde postmodum, supposito iisdem moderato igne,

igne, sicque liquefacto sevo, facili negotio iterum avelluntur.

Sed de his satis hâc vice; fortasse posterum commodior similia plura, quicquid longè elegantiora evulgandi nascetur opportunitas; conspexi enim apud supra laudatum Swammerdamium varia corpuscula, Tubam nempe uteri humani, Vasorum placentæ extremos ramusculos, Ranam, Erucam majorem, omnia tam artificiosè condita, ut præter alias omnes nativas qualitates, etiam mollitiem & flexilitatem perpetuè duraturam obtinerent; cujus operis *ἡγεμονίαν* adhucdum reticere satius est, ne prioris, quam modò descripsi, dignitas, pulchriore in scenam productâ, obscuretur & evilescat.

F I N I S.








special

93

B 13532

GETTY CENTER LIBRARY



OBSERVA
DE GENE:
ANIMALI